

四庫全書

集部

欽定四庫全書

集部

庾子山集卷十三

詳校官左都御史臣李紱

檢討臣何思鈞覆勘

總校官進士臣朱鈐

校對官中書臣宋枋遠

謄錄監生臣施華

欽定四庫全書

庾子山集卷十三

周 庾信 撰

錢塘倪璠纂註

碑文

陝州弘農郡五張寺經藏碑

隋書地理志云河南郡陝縣後魏置陝州弘農郡周明帝紀云二年春於弘農置陝州庾信本傳云出為弘農守此篇及下溫湯碑皆為弘農太守時作也五張者張元高子兄弟五人捨宅為寺故以為名寺者寺本華題釋名曰寺嗣也謂治事者相嗣續於其內也故

天子有九寺僧史略云鴻臚寺本禮四夷遠國之邨舍尋令別擇洛陽西雍門外蓋一精舍以白馬馱經來故用白馬為題本是司名西僧乍來權止公司移入別居不忘其本還標寺號經者梵音素怛覽或蘇怛囉者華言線蓋取貫穿攝持義也又梵云脩多羅或脩妬路者秦言契謂上契理下契根故言經者具三義謂久通由也肇云經常也謝靈運云經者由也律也通也謂言由理生理由言顯學者神悟從理教而通矣藏者梵云俱舍或云比咤或云摘迦此翻為藏經律論謂之三藏又辟支佛藏菩薩藏聲聞藏名三藏又阿舍毗尼阿毗曇為三藏四教義稱阿舍即定藏毗尼即戒藏阿毗曇即慧藏藏者攝也謂攝人攝法故包含攝持之義時寺主法映及洛州刺史張隆等於寺中造一切法輪子山出守此邦

達茲佛會遂相請
託有此碑文也

蓋聞如來說法萬萬恒沙

如來佛號佛有十種名稱功德如來十號之一也梵云多

陀阿伽陀亦云恒闍阿竭後秦翻為如來恒沙喻多也維摩經曰名為多陀阿伽度肇曰秦言如來亦云如去如法而來如法而去古今不改千聖同轍故名如來亦名如去什曰多陀阿伽度秦言如來亦言如去如法知如法說故名如也諸佛以安隱道來此佛亦如是來彼佛安隱去此佛亦如此去也竺道生注曰如者謂無復有如之理從此中來故曰如來謝靈運金剛般若經注曰諸法性空理無乖異謂之為如會如解故名如來維摩經曰佛以一音演說法衆生隨類各得解法華經曰佛以恒河沙等三千大千世界為一佛土又曰其教如恒沙又曰爾時他方國土諸來菩薩過八恒河沙數於大衆中合掌作禮而白佛言我等於佛滅後在此娑婆

世界護持經典當於此土而廣說之佛言不須汝等護持此經我娑婆世界自有六萬恒河沙菩薩一一菩薩多有六萬恒河沙眷屬能於我滅後護持誦讀廣說此經佛說是時娑婆世界三千大千國土地皆振裂而於其中有無量千萬億菩薩同時涌出身皆金色三十二相無量光明先盡在此娑婆世界之下虛空中住聞佛所說音聲從下發來一一菩薩皆大眾唱導之首各將六萬恒河沙眷屬如是等比無量無邊算數譬喻所不能知又曰我說是如來壽命長遠時六百八十萬億那由他恒河沙衆生得無生法忍四天下微塵數菩薩四生當得阿耨多羅三藐三菩提按恒河沙喻如一佛國恒河沙數乃至如四天下微塵數言如來說法菩薩四衆護持經典如萬萬菩薩轉輪生生世界菩薩梵語佛國恒河沙數之多也

菩薩轉輪生生世界 菩薩梵語具足云菩提薩埵此云覺有情從行立稱梵云斫訖羅此土翻輪凡佛有所說皆名轉法輪生生猶言衆生之類楞嚴稱

世為遼流界為方位過去未來現在名世東西南北四
維上下名界僧肇維摩經注曰菩薩正音云菩提薩埵
菩提佛道名也薩埵秦言大心衆生有大心入佛道名
菩提薩埵無正名譯也大毘婆沙論云何名法輪答是
法所成故法為自性故名法輪如世間呼金輪等輪是
動轉不住義捨此雖彼義能伏怨敵義又圓滿義為轂
輻輳三事具足故輪體法即入聖道支也初名小乘法
輪者以戒為先次大乘法輪者以智為先華手經曰爾
許芥子所墮世界合成一器中滿細沙尚可數知而此
菩薩所可勸請諸佛轉於法輪脫度衆生是不可數又
以珠輪衆寶華輪香輪金銀綵畫木輪上佛請轉法輪
遊於十萬無量世界勸請諸佛轉於法輪度脫衆生者
豈異人乎今此發心即轉輪菩薩是也維摩經曰三轉
法輪於大千其輪本來常清淨天人得道此為證三寶
於是現世間佛國記曰凡佛有四處一者成道處二者
轉法輪處三者說法論議伏外道處四者上切利天為

母說法處餘則隨時可現焉思益經曰當知是人轉法輪如轉輪王按思益經此文及大毘婆沙論言如世間呼金輪等輪者俱舍云轉輪王有四種金銀銅鐵輪領一二三四洲諸佛轉於法輪若此等輪矣魏收釋老志序曰其經旨大抵言生生之類皆因行業而起有過去當今未來歷三世識神常不滅凡為善惡必有報應漸積勝業陶冶粗鄙經無數形藻練神明乃致無生而得佛道文殊問經曰有二世一衆生世即一切衆生也二行世即衆生住處大論明三種世間一者五衆二者衆生三者國土問之與界名異義同間是隔別間差界是界畔分齊界有二種一者十界二者三界十界者地獄餓鬼畜生修羅人天此名六凡聲聞緣覺菩薩佛此名四聖二三界者一欲界飲食睡眠姪慾於此三事希須名欲若有情界從他化自在天至無間獄若器世界乃至風輪皆欲界攝二色界者形質清淨身相殊勝未出色籠故名色界三無色界者於彼界中色非有故此云

生生世界者按諸經皆序衆所知識以為會證一佛土有百億四天下下一四天下各有釋梵并諸天龍神夜叉乾闥婆阿修羅迦樓羅緊那羅摩睺羅伽等在座聽法此於諸經皆然難可徧指言佛轉法輪時世界生之類皆來

豈直優波提舍祇夜脩多而已哉

優波提舍此云逐分別所

說義翻論義祇夜此云重頌亦曰應頌即伽陀伽陀此云孤起亦曰諷頌舊曰偈從正音言頌脩多羅此云契經或云脩單蘭或云脩妬路或名素怛覽或以經字翻脩多羅脩多羅即長文散說也法華經曰或說脩多羅伽陀及本事譬喻并祇夜優波提舍經按十二分教亦云十二部經一脩多羅契經二祇夜應頌三和伽羅受記四伽陀諷頌五陀羅因緣六優陀耶自說七伊目多本事八闍陀伽本生九毘佛略方廣十阿浮達磨末有十一婆陀譬喻十二優波提舍論義若小乘只有九部無自說授記方廣等言二乘經文非止論義應頌契經

三種而已

是以熙連禪河質多羅樹

長阿舍經曰世尊入拘尸城雙樹間敷置

牀座佛取滅度舍利出城北門渡熙連禪河到天冠寺而闍維之釋法顯佛國記曰拘那竭城北雙樹間希連

河邊世尊於此北首而般泥洹水經注引此作希連禪河大經云三十三天有波利質多羅樹其根入地深五

由旬高百由旬枝葉四布五十由旬其香開敷香氣周徧五十由旬又翻間錯莊嚴象雜色華周匝莊嚴法華

文句指此為天王樹也

七處八會三清

疑作請四說 七處八會見華嚴經按華嚴經

有二本初晉譯二唐譯晉義熙十四年北天竺三藏佛度跋陀羅此云覺賢於揚州謝司空寺翻梵本三萬六

千頌成晉經六十卷三十四品八會至唐證聖元年于闐三藏實又難陀此云喜學於東都佛授記寺再譯舊

文兼補諸闕計益九千頌通舊總四萬五千頌合成唐本八十卷三十九品九會子山後周時人在唐以前所

見晉譯故云七處八會若唐譯則有九會矣云七處八會者按經文初會菩提場說經為一處二會普光明殿為一處三會切利天為一處四會夜摩天為一處五會兜率天為一處六會他化天為一處八會逝多林為一處凡七處其八會之中第七重會普光明殿與第二會同處是七處八會也三清疑作三請按法華經舍利弗三請而佛三止之至四乃說故云三請四說法華經曰爾時世尊從三昧安祥而起告舍利弗諸佛智慧甚深無量其智慧門難解難入舍利弗取要言之無量無邊未曾有法佛悉成就止舍利弗不須復說爾時舍利弗白佛言世尊何因何緣慇懃稱歎諸佛第一方便甚深微妙難解之法我自昔來未曾從佛聞如是說今者四眾咸皆有疑惟願世尊敷演斯事爾時佛告舍利弗止止不須復說若說是事一切世間諸天及人皆當驚疑舍利弗重白佛言世尊惟願說之佛復止舍利弗若說是事一切世間天人阿修羅皆當驚疑增上慢比丘將

墜於大坑爾時舍利弗重白佛言世尊惟願說之今此會中如我等比百千萬億世尊已曾從佛變化必能敬信長夜安隱多所饒益爾時世尊告舍利弗汝已慙慙三請豈得不說汝今諦聽善思念之說此說時會中有比丘比丘尼優婆塞優婆夷五千人等即從座起禮佛而退所以者何此輩罪根深重及增上慢未得謂得未證謂證有如此失是以不住世尊默然而不制止佛告舍利弗諸佛如來時乃說之如優曇鉢華時一現耳諸世尊惟以一大事因緣故出現於世惟以佛之見知示悟衆生但以一佛乘故為衆生說法無有餘乘若二若三一切十方諸佛法亦如是又按法華經如來壽量品彌勒菩薩亦三請不止而告之言

皮紙骨筆

木葉山花

楊街之浴陽伽藍記曰王城東南行八日如來投身餓虎之處山頂有收骨寺三百餘僧

王城南一百餘里有如來昔作摩休國剝皮為紙折骨為筆處阿育王起塔籠之舉高十丈折骨之處髓流著

石觀其脂色肥膩若新西陽雜俎曰貝多出摩伽陀國長六七丈經冬不凋此樹有三種一者多羅婆力又貝多二者多梨婆力又貝多三者部婆力又多羅梨並書其葉部闌一色取其皮書之貝多是梵語漢翻為葉貝多婆力又者漢言葉樹也西域經書用此三種皮葉若能保護亦得五六百年嵩山記稱嵩高等中有思惟樹即貝多也雜俎又曰西域書六十四種有樹葉書西域記曰多羅樹林三十餘里其葉長廣其色光潤諸國書寫莫不採用翻譯云多羅舊云貝多此翻岸刑如象貝此方搜欄直而且高長八九十尺花如黃米子

之所未勝龍藏之所不盡

言經籍之多也大智度論云那伽或名龍或名象是五千

阿羅漢諸羅漢中最大力以是故言如龍如象水行龍力大陸行象力大故負荷大法者比之龍象別行疏云龍有四種一守天宮殿持令不落二興雲致雨三地龍決江開濟四伏藏守轉輪王大福人藏也此云龍藏者

是伏藏龍如龍樹菩薩入龍官看藏見華嚴三本矣

雖復銀函東度金甌南翻

神仙

傳曰陰長生裂黃表寫用經一通黃金之簡刻而書之封以白銀之函此云銀函者亦謂佛經封以白銀之函也長阿含經曰爾時福貴被二黃金甌價值百千即從座起長跪叉手而白佛言今如此甌奉上世尊願垂受納佛告福貴汝以一甌施我一施阿難爾時福貴承佛教旨一奉如來一施阿難佛愍彼故即為納受爾時世尊為福貴說法示教利喜已即從座起頭面禮足歡喜而去其去未久阿難尋以黃金甌奉上如來如來哀愍即為受之被於身上云東度者佛居西域謂中國為東言佛教入中國也樓炭經曰蔥河以東名為震旦以日出初出耀於東隅故得名也翻譯云震旦或云真丹或云旃丹華嚴音義翻為漢地琳法師云東方屬震是日出之方也云南翻者按天下有四樓炭經說須彌山北天下名鬱單越東名弗於逮西名俱耶尼南名閻浮利閻

浮利樹名西域記云北拘盧洲東毗提訶洲西瞿尼洲南瞻部洲瑞應經云迦維羅衛者三千日月萬二天天地之中央也按佛生迦維羅衛在南方閻浮利世界地居天中自稱中國此云南翻蓋翻以彼土之言謂東度則譯以華言南來則

秦景遙傳竺蘭私記

高僧傳曰漢明帝夜夢金人飛空而

至乃遣博士弟子秦景等往天竺尋訪佛法又曰竺法蘭中天竺人也自言誦經論數萬章為中天竺學者之師時蔡暗既至彼國相隨間行而至既達洛陽便善漢言暗於西域獲經即為翻譯所謂十地斷結佛本僧法海藏佛本行四十二章等五部會移都冠亂四部失本不傳江左惟四十二章經今見在可二千餘言漢地見存諸經惟此為始也按佛說四十二章經後漢迦葉摩騰竺法蘭同譯魏收釋老志序曰孝明帝遣郎中蔡暗博士弟子秦景等使於天竺寫浮屠遺範暗仍與沙門攝摩騰竺法蘭東還洛陽中國有沙門及拜跪之法自

也此始譬猶海水之一珠不下崑山之片玉言佛法廣大秦景竺蘭諸

篇未盡其萬一也曹子建贈丁翼詩曰譬海出明珠潘正叔贈王元旼詩曰崑山積瓊玉呂氏春秋曰人不愛

崑山之玉江漢之珠高誘曰崑山之玉燭以爐炭三日三夜色澤不變玉之美者也史記龜策傳曰王獨不聞

玉積隻雉出於崑山若夫法雲深藏師子雷音法雲彌布徧覆

明月之珠出於四海之義深藏所謂法海藏也師子梵云僧伽彼或云似多

又僧伽梁云小師子即狻猊也佛稱人中師子雷音者如來具五種聲之一也華嚴經曰不壞法雲徧覆一切

劉蚪法華經注曰雲譬應身菩薩處胎經曰金翅鳥從龍子到海宮殿彼有七寶瑤諸佛所說諸法深藏維摩

經曰諸佛威神之所建立為護法城受持正法能師子吼名聞十方又曰演法無畏猶師子吼其所講說乃如雷震肇曰師子吼無畏音也凡所言說不畏羣邪異學

喻師子吼衆獸下之師子吼曰美演法也又曰師子吼
菩薩雷音菩薩如是等三萬二千人從餘四天下來詣
佛所而為聽法彼時佛師子之座蔽於一切諸來大衆
師子智度論云佛為人中師子凡佛所坐若牀若地皆
名師子座夫師子獸中獨步無畏能伏一切佛亦如是
於十六種外道一切人天中一切降伏得無所畏故稱
人中師子爾雅郭注云師子出

梵志往生聲聞說戒

志

者謂淨行志道梵是西音清淨之謂梵志此云淨裔即
婆羅門聲聞猶言弟子下乘名也普門疏云婆羅門此
云淨行初種族山野自閑故人以淨行稱之肇曰秦言
外意其種別有經書世世相承以道學為業或在家或
出家多恃已道術我慢人也應法師云此訛略也具云
婆羅賀磨拏義云承習梵天法者其人種類自云從梵
天口中生四姓中勝獨取梵名惟五天竺有餘國即無
諸經中梵志即同此名正云淨裔稱是梵天苗裔也瑞

應經曰迦葉二弟問迦葉曰今乃捨梵志道學沙門法
按瑞應稱迦葉初為事火外道嘗稱佛是大沙門神則
神矣然未得道故不如我已得羅漢也佛語迦葉汝非
羅漢亦不知真道胡為妄自稱貴乎按此知梵志與沙
門為二雖有清淨之名然恃已道術自我慢人未得謂
得猶為外道未許度脫生死惟阿羅漢於後世更不生
不受生死果報此梵志未得羅漢道猶往生也云往生
者修行本起經曰精神受形周徧五道一身死壞復受
一身是也阿闍世王經曰何謂三藏聲聞藏辟支藏菩
薩藏聲聞藏者從他人聞故聞其音故又云有三藏學
聲聞學者用有度故但自明故戒因緣經曰目犍連者
於聲聞中大神足第一阿難者世尊亦說於聲聞中多
聞第一瑜伽論云諸佛聖教聲為上首從師友所聞此
聲教展轉修證永出世間小行小果故名聲聞攝大衆
論云如來制戒有二意一為聲聞自度故二為菩薩自
度度他故僧肇曰下乘道非獨覺要師而後成故名聲

聞乘亦名弟子乘也法華論四種聲聞一決定聲聞定
入無餘故二增上慢聲聞未證謂證故三退菩提聲聞
退大取小故四應化聲聞內祕外現故釋道安戒因緣
經序曰世尊制戒必有所因六羣比丘生於貴族攀龍
附鳳雖出家而豪心不盡鄙悖之行以斯成戒按三藏
中菩薩乘為大乘辟支聲聞為小乘聲聞最下大乘先
智小乘先成佛為諸弟子結戒故云聲聞說戒也此梵
志聲聞一為外道一為小乘未臻至極下文羅漢菩提
始稱真人

雪山羅漢之論

佛生迦維國在雪山北故云
雪山羅漢羅漢者真人也長

阿舍經曰昔有輪王姓甘蔗氏聽次妃之謫擯四子至
雪山北自立城居以德歸人不數年間鬱為強國父王
悔憶遣使往召四子辭過不還父王三數我子釋迦因
此命氏按釋迦此云能仁故瑞應稱佛為太子自言國
名迦維在雪山北矣佛國記曰蔥嶺冬夏有雪彼土人
人即名為雪山人也度嶺已到北天竺四十二章經曰

佛言辭親出家識心達本解無為法名曰沙門常行二百五十戒進止清淨為四真道行成阿羅漢阿羅漢者能飛行變化曠劫壽命住動天地修行本起經曰蓋聞沙門之為道也捨家妻子捐棄愛欲斷絕六情守戒無為得一心者萬邪滅矣一心之道謂之羅漢羅漢者真人也聲色不能汙榮位不能屈難動如地已免憂苦存亡自在太子曰善哉惟是為快亦見瑞應經及佛國記大論云阿羅名賊漢名破一切煩惱賊破復次阿羅漢一切漏盡故應得一切世間諸天人供養又阿名不羅漢名生後世中更不生是名阿羅漢法華疏云阿颺經云應真瑞應云真人悉是無生釋阿羅漢也或言無翻名舍三義無明糠脫後世田中不受生死果報故云不生九十八使煩惱盡故名殺賊具知斷功德堪為人天福田故言應供舍此三義故存梵名

鷲嶺菩薩

提之法

鷲嶺在王舍城梵云耆闍崛山是也梵云菩提華言道也佛國記曰入谷搏山東南上十五里

到耆闍崛山未至頭三里有石窟南向佛本於此坐禪
西北三十步復有一石窟阿難於中坐禪天魔波旬化
作雕鷲住窟前恐阿難佛以神足力隔石舒手摩阿難
肩佈即得止鳥跡手孔今悉存故曰雕鷲窟山其山峰
秀端巖是五山之最髙也大論云耆闍名鷲崛名頭是
山頂似鷲增一佛告諸比丘此山久遠同名靈鷲觀經
疏云諸聖仙靈依之而住釋氏西域記曰耆闍崛山在
阿耨達山王舍城東北望其山有兩峰雙立相去二三
里中道鷲鳥常居其嶺土人號曰耆闍崛山山名耆闍
鷲也應法師云按梵本無靈義此鳥有靈知人死活故
號靈鷲婆沙云其山三峰如仰雞足似狼之迹亦名狼
迹又名普賢山白塔山仙人山負重山四十二章經曰
觀靈覺即菩提西域記曰在摩竭國尼連河西南十里
有樹名菩提長阿含經曰何等時佛生何等時出家何
等時成道又云八日如來生八日佛出家八日成菩提
按此知菩提言道也僧肇維摩經注曰佛於樹下成道

樹名菩提又曰道之極者稱曰菩提秦無言
以譯之菩提者蓋是正覺無相之真智乎
本無極際

何可勝言

言佛乘不可思議非世間
語言文字所能窮究也

弘農五張寺者南

陽張元高寓居此地

漢書地志云南陽
郡秦置屬荊州

昔者千金之族

見徙五陵大姓之民移家六郡蓋其流也

言張元高本
南陽人寓居

弘農如五陵豪族六郡良家也三輔黃圖曰高祖都長
安徙諸齊田楚屈昭景及諸功臣於長陵後世徙吏
二千石高貨富人及豪傑兼并之家於諸陵強本弱末
以制天下西都賦曰北眺五陵謂長安陽茂平此五陵
也漢書曰漢興六郡良家子選給羽林期門師
古曰六郡謂隴西天水安定北地上郡西河也
元高五

子負荷遺訓

言張元高子兄弟五人也左氏
傳曰其父折薪其子弗克負荷

離經辨志

並是成名入室生光咸能顯德

禮記曰十年視離經辨志搜神記曰中興初有

應樞者生四子而盡見神光照社初探試之乃得黃金自是諸子官學並有芳名至瑒七世顯加以尊

承慧業敬受法門

維摩經曰知一切不取捨入一相門起於慧業僧肇注云決衆生念定

諸法相然後說法故繫之以智造心分別法相令入一門故繫之以慧也別本云智業慧業又肇云言為世則謂之法衆聖兄弟同居共捨為寺伽藍肇建即以五張

為名

梵云僧伽藍摩或云僧伽羅摩此云衆園五分律云瓶沙王施伽蘭陀竹園為始也園者生植之所

佛弟子居之取住植道本之義也或云毘阿羅此云遊止處

知是城居趙信仍名趙

信之城殿入蕭何即號蕭何之殿

漢書匈奴傳曰前將軍翕侯趙信兵不利

降匈奴趙信者故胡小王降漢者也衛青霍去病擊匈奴北至真顏山趙信城而還孟康曰趙信所作因以名城漢宮闈銘曰蕭何韓信

曹參並有殿見藝文類聚加以象馬無恠衣裘是捨報

經曰如來為一切父母故當修難行苦行難捨能捨頭目髓腦國城妻子象馬七寶輦攀車乘衣服飲食臥具

醫藥一
切給與
春園柳路變入禪林蠶月桑一作霜津迴成定水

言本住宅改為佛寺也六度有禪定謂布施持戒忍辱精進禪定智慧也修行經曰王問太子何如對曰在閻

浮樹下一心禪定又曰念道清淨不宜在家當處山林研精行禪毘婆沙論云禪者此云普智謂可得道亦能

棄結阿毘曇論云謂以斷結正觀名禪三千威儀經曰坐禪有十事四開處謂山間林下也詩云蠶月條桑那

國志云平陽有采桑津維摩經曰八解之浴池定水湛然滿什曰水之為用除垢去熱解脫之性亦除熱去礙

既定意足
湛然滿矣

平輿雖盛豈可獨擅二龍扶風最良不得專

稱五馬

汝南先賢傳曰謝子微見許子將兄弟弱冠時則曰平輿之洲有二龍馬許虔字子政平輿人

虔弟劬字子將襄陽耆舊傳曰蜀馬良字季常宜城人也兄弟五人並有才名鄉里為之諺曰馬氏五常白眉

最良良眉中有白毛故以稱之以喻五張兄弟矣

寺主三藏大法師法映

寺主者梵

云摩摩帝或云毗呵羅莎弭此云寺主僧史略云詳其寺主起於東漢白馬寺也寺既爰處人必主之於時雖無寺主之名而有知事之職東晉以來此職方盛故梁武造光宅寺名法雲為寺主創立僧制三藏經律論又菩薩辟支聲聞為三藏又阿舍毗尼阿毗曇為三藏注並見前釋道安戒因緣經序曰阿難出經分為十二部又抄十二部為四阿舍阿毘曇鼻奈耶三藏備也天竺學士因弗尊焉諷之詠之未墜於地其大高座沙門則

欽定四庫全書

廣子山集
卷十三

十三

兼該三藏中下高座則通一通二而已耳雜阿含經云
何名法師佛言若於色言猶生厭離欲滅盡寂靜法者
名法師若於受想行識說是生厭離欲滅盡寂靜法者
名法師三藏大法師者言學通三藏也法映僧名如古
法蘭法顯皆取
佛法以為名也
邑主洛州刺史張隆等
隋書地理志云

州又云洛陽漢已來舊都後魏置司州東魏改曰洛州
後周置東京六府洛州總管按刺史治總管府控督諸
州郡守所治惟一郡之地時子山為弘農守
張隆為洛州刺史陝州弘農並隸洛州也
財行法檀

一作財
法行檀
身心罄竭
財行謂財施法檀謂法施也法界次
第云檀那秦言布施布施有二種一

者財施二者法施財施者所謂飲食衣服田宅六畜奴
婢珍寶一切已之所有資身之具及妻子乃至身命屬
他為他財物故云捨身猶屬財施有所須者皆能施與
皆名財施也法施者若從諸佛及善知識聞說世間出

世間善法若從經論中聞若自以觀行故知以清淨心
為人演說皆名法施一作財法行壇者亦謂財法二施
也又維摩經什曰施有三種一財施二心施三法施以
財施人名為財施慈悲等心與人樂名為心施說法利
人名為法施此云身兼化鄉邑道俗數千敬造一切德
心罄竭兼心施也

輪見成三百餘部琅笈

一作雷篆

雲書金繩玉檢削蒸粟之

簡裝酸棗之珠

禹貢云球琳琅玕孔傳云琅玕石而似玉山海經曰崑崙山有琅玕樹爾雅云

西北之美者有崑崙虛之璆琳琅玕焉笈書箱也史記
云蘇秦負笈從師謝承後漢書曰袁宏負笈尋師高弘
負笈單步郎余負笈賣卜徐稭負笈赴帛又蘇章李固
包成並有負笈之事此云琅笈猶玉箱矣晉書衛恒四
體書勢曰勢似凌雲法華經曰黃金為繩以界入道白
虎通曰封禪金泥銀繩或石泥金繩封以印璽漢書孟

欽定四庫全書

庚子山集
卷十三

十三

康注曰有金策石函金繩玉檢之封焉魏文帝與鍾大
理書曰竊見玉書稱美玉白如截肪黑譬純漆亦擬雞
冠黃倂蒸栗按此知蒸栗之簡謂黃玉簡也魏志東吳
傳曰夫餘國出美珠珠大者如酸棗言此經藏皆七寶
莊嚴也 並入香城咸封禪閣 維摩經曰上方界分過四十
二恒河沙佛有國名衆香佛

號香積其國香氣比於十方諸佛世界人天之香最為
第一其界一切皆以香作樓閣經行香地苑園皆香其
食香氣周流十方無量世界禪閣注 坐堂伏檻羌非湘
見下文僧徒雲集不遠燉煌之城句

水之神綠房紫的足擬恭王之殿 宋玉招魂曰坐堂伏
檻臨曲池羌非疑作

差非又按楚人語辭有稱羌者離騷曰羌內恕己以量
人兮王逸注曰羌楚人語詞也猶言鄉何為也楚詞稱
羌者非一王逸魯靈光殿賦曰綠房紫的序云魯靈光
殿者景帝程姬之子恭王之所立也初恭王始都下國

好治宮室遂因魯
僖基兆而營焉

高掌西望長河北臨

張衡西京賦曰
巨靈鼎屬高掌

遠蹠以流河曲薛綜曰巨靈河神也古語云此本一山
當河水過之而曲行河神以手擘開其上足蹠離其下

中分為二以通河流
手足之跡於今尚在
鼎氣常浮爐煙咸起

言河水上蒸
如浮鼎氣華

山出雲若
起爐煙也
戶牖寥廓吹萬龍門之風梁棟崢嶸落實

一作

客
河源之樹

甘泉賦曰閭闔閭其寥廓兮似紫宮之崢嶸
嶸師古曰寥廓宏遠也崢嶸深邃也莊子

曰夫吹萬不同而使其自己也三秦記曰龍門一名河
津去長安九百里水懸絕龜魚莫能上上則化為龍矣
世說曰李元禮有升其堂者皆以為登龍門又按釋氏
亦有稱龍門者高僧慧持遠法師之弟性格清峻解行
並高領徒千人凡有升堂入室者皆號登龍門漢書西
域傳曰河有兩源一出蔥嶺云河源之樹者即所謂閭

浮提樹也大論云閻浮樹名提名為洲此洲上有此樹
林林中有河底有金沙名閻浮檀金以閻浮樹故名閻
浮洲長水云或云閻浮果汁點物成金因流入
河染石為金左氏傳曰我落其實而取其材

僧徒雲

集不遠燉煌之城學侶相奔更合華陰之市

後漢郡國志曰涼州

燉煌郡古瓜州也燉煌龍勒有玉門關說文曰僧西域
道人也言僧徒之多不異西域也典錄云罽賓禪師法

秀初至燉煌立禪閣於閻曠地植柰千株趨者如雲徒
衆濟濟按法秀梵云曇摩密多宋文元嘉時人後漢書

曰張楷隱於弘農山中學者隨之所居成市後華陰山
南遂有公超市言寺門如市也按此法會合鄉邑道俗

故兼稱僧徒學侶也兩陝昔分實基王化二陵今阻翻馳羽檄

公羊

傳曰自陝以東周公主之自陝以西召公主之左氏傳
曰峭有二陵焉其南陵夏后皋之墓其北陵文王之所

避風雨也漢書高祖曰吾以羽檄馳天下兵言陝州弘農郡有陝縣即周召分陝之地又有二峭即左傳所謂二陵風雨之處也實基王化者謂後周之澤翻馳羽檄者謂周齊方交兵也按陝州魏置後周又置峭郡置兵於此

虞公屈產交亂風塵名伯甘棠凋零霜露

左氏傳曰晉以

屈產之乘與垂棘之璧假道於虞以伐虢詩召南云蔽芾甘棠勿剪勿伐召伯所茇言兵革之後州郡故多荒殘

雖復兼

疑作廉

能共治未遣渡河之獸烽柝是警實擾

移關之民

後漢書曰劉昆為弘農太守先是峭黽驛道多虎災行旅不通昆為政三年仁風大行虎

皆負子渡河帝聞而異之烽說文作燈燧候表也邊有警則舉火易繫辭云重門擊柝以禦暴客鄭康成云手持兩木以相敲是為擊柝守備警戒也漢書武帝紀注應劭曰樓船將軍數有大功恥為關外民上書乞徙東

開以家財給其用度武帝意亦好廣濶於是徙關於新安去弘農三百里後漢郡國志曰弘農故秦函谷關新安屬弘農郡言雖廉能之

吏不能施恩澤於民也

是以法王御世天人論道汲

引四流周圓五怖故能調伏怨憎消除結縛

維摩經曰法王法力

超羣生常以法財施一切已於諸法得自在是故稽首此法王僧肇曰俗王以俗力勝民故能澤及一國法王以法力超衆故能道濟無疆又曰世王自在於民法王自在於法修行經曰佛念昔定光佛別我為佛名釋迦文如來至真等正覺明行足為善逝世間解無上士道法御天人師號佛世尊菩薩地持經曰如來有十種名稱功德為一切法道師故名天人師大智度論曰欲流有流無明流有見流王巾頭陀寺碑文云引之於有則高謝四流是也佛地論云一不活畏二惡名畏三死畏四趣畏五怯畏畏亦怖也四十二章經曰佛言人從愛

欲生憂從憂生怖若離於愛何憂何怖注云五種怖畏所謂不活怖惡名怖大衆威德怖死怖墮惡道怖也維摩經曰隨所調伏衆生而取佛土什曰梵本云毘尼毘尼秦言善治善治衆生今棄惡行善也調伏旨同而語隱故存其本瑜伽論云善知識具十功德一調伏初調伏者謂與戒相應由根調故律云世尊謂調伏貪嗔癡令盡故制增上戒學維摩經曰稽首能斷諸結縛又云離衆結縛肇曰無漏之體體絕結縛言必藉法王乃能治此亂世也

法水津梁得無砥柱之難香山轍迹非復終南

之險

維摩經曰當禮法海德無邊肇曰法輪洲廣難洲法海流潤無涯故德無邊矣世說曰庾公嘗入佛

圖見臥佛曰此子疲於津梁於時以為名言漢書師古注曰底柱在陝縣東北在河中形若柱也修行本起經曰太子報言吾出香山之東雪山之北國名迦維又按維摩經須彌等十寶山香山居其一也郡國志曰右扶

風武功有太一山本終南括地志曰終南山在雍州天
萬年縣南五十里言州郡得藉佛力故無險難也

子命我試守此邦墨竈未黔孔席無暖

言已除弘農郡
守棲遑不定也

天子謂周明帝也閔帝即位未久信由司水下大夫出
為弘農守疑在明帝初年是作當在明帝二年春於弘
農置陝州之後故題標陝州弘農矣班固答賓戲曰聖
哲之治棲棲遑遑孔席不暖墨突不黔淮南子曰孔子
無黔突墨子無暖席高誘曰黔言其突竈不至
於黑坐席不至於溫歷行諸國汲汲於行道也纔臨都

尉之境即有樓船之役

後漢書靈帝中平元年以何進
為大將軍將兵屯都亭置入關

都尉官注云謂函谷廣城伊關大谷鞬轅小平津孟津
也函谷去弘農三百里都尉之境謂函谷也樓船之役
楊僕事漢書曰楊僕為樓船將軍以僕本移
關之人故引用之言纔臨此境即有兵事也既而南風

不競北道言旋幕府既開邦君且止

左氏傳曰南風不競漢書音義曰帝

就拜大將軍於幕中因曰幕府晉書何曾上疏曰郡守之權雖輕猶專任千里比之於古則列國之君也論語云邦君之妻按邦君古諸侯之稱後世郡守亦似之矣 鄉俗耆老依然此別屬茲

法事須余制文

以上言伐齊之師時方振旅故信止宿此寺遇茲法事屬制碑文也云鄉俗耆

老依然此別者按信出守弘農未久入為司憲疑即以是時徵明帝武成元年事也故明年有正旦上司憲府之詩至二月雙鶴飛集上林信奏事堦 聊以課虛為銘

云爾

陸機文賦曰課虛無以為有

舍衛之國祇洹之園

浮屠經曰臨兒國王隱屠太子父曰屠頭邪母曰莫邪屠生處名祇

洹精舍在舍衛國南四里是長者須達所起又有阿輸伽樹是太子所攀樹也括地志云沙祇大國即舍衛國也在月氐南萬里即波斯匿王浚處其九十種知身後事城有祇樹給孤園佛國記云到拘薩羅國舍衛城城內人民稀曠都有二百餘家即波斯匿王所治城也大愛道故精舍處出城南門十二百步道西長者須達起精舍即所謂祇洹精舍也祇洹精舍本有七層諸國王人民競興供養懸繒幡蓋散花燒香燃燈續明日日不絕

絕 三明極地八會窮源

佛十號有明行足梵云鞞侈遮羅那三般那秦言明行足大論

云宿命天眼漏盡名為三明三乘雖得三明明不滿足佛悉滿足是為異也具足三明生六神通智論云一如意二天眼三天耳四他心五識宿命通六無漏通也維摩經曰佛身即法身也從六通生從三明生僧肇曰天眼宿命漏盡為三明也世說曰汰法師云六通三明同歸正異名耳注經云三明者解脫在心朗照三世者也

王中頭陀寺碑文云氣連河競說勝辯爭論連河具足云希連禪

茂三明八會注見本序
河注見本序維摩經曰念定總
持辯才不斷聲曰辯才七辯也
波提東度祇夜南翻波

具足云優波提舍波
提祇夜俱注見本序
非空即色離有無言維摩經曰喜見菩薩曰色

色空為二色即是空非色滅空色性自空如是受想行
識識空為二識即是空識性自空於其中通而達者為

入不二法門支道林集妙觀章云夫色之性也不自有
色色不自有雖色而空故曰色即是空色復異空僧肇

維摩經注曰不可得而有不可得而無者其惟大乘乎
何則欲言其有無相無名欲言其無萬德斯行萬德斯

行故雖無而有無相無名故雖有而
無然則言有不乖無言無不乖有也
達人止是疑作獨

悟重昏

鷓冠子曰達人觀張協詠史詩曰達人知止
足王中頭陀寺碑文云重昏夜曉李善注云頭

陀經心王菩薩曰我見覆蔽飲雜毒酒重身雖繫馬一作昏長寢云何得悟慈心是語使得開解

鳥心避騰猿維摩經曰難化之人譬如象馬懶悞不調加諸楚毒乃可調伏什曰馬有五種第一

見鞭影即調伏第二得鞭乃伏第三以利錐刺皮乃伏第四穿肌乃伏第五徹骨乃伏衆生利鈍亦有五品第

一但見他無常其心乃悟第二見知識無常其心乃悟第三見兄弟親戚無常其心乃悟第四見父母無常其

心乃悟第五自身無常極受苦惱復加以苦言其心乃悟也又維摩經曰以難化之人心如猿猴故以若干種

法制御其心乃可調伏禪樓却月義殿翔鷗長阿含經曰月宮殿四方遠見故圓禪樓

却月者取其圓也若荊州記云沔口水北却月城矣張茂先鷓鴣賦云彼鷓鴣鷓鴣孔雀翡翠或陵赤霄之際

或託絕垠之外李善曰鷓鴣狀如迴風香蓋反露珠幡維摩

鶴而大義殿翔鷗言殿之高也

經曰寶積與五百長者子俱持七寶蓋來共供養佛律
有二種蓋一竹蓋二葉蓋西域僧有持竹蓋有持傘者
此云香蓋如古華蓋芝蓋之類供佛寶蓋也翻譯云梵
語刺瑟胝此云竿即幡柱也長阿含經曰若沙門於此
法中勤苦得一法者便當豎幡以
告四遠今有少欲知足人居此
西臨砥柱東背轆轤

砥柱注見本序隋志河南陝縣有砥柱左傳襄二十一年云樂盈過周王使侯出諸轆轤杜注云關在緄氏縣
東南後漢書郡國志曰河南緄氏縣
有轆轤關臣瓚曰險道名在縣東南
河鳴陽硤山響蘇

門
顏延年侍遊蒜山詩曰入河起陽硤李周翰曰秦築
長城渡河據陽山峽山側也魏氏春秋曰阮籍少時
嘗遊蘇門山蘇門山有隱者莫知姓名有竹實數斛而
已籍從之與談太古無為之道及論五帝三王之義蘇
門生蕭然曾不經聽籍乃對之長嘯清韻響亮蘇門生
道爾而笑籍既降蘇門生亦嘯若鸞鳳之音馬至是籍

乃作蘇門先生 翔禽歌轉流澗絃喧渡河餘獸移關舊
之論以寄所懷

村注見本序昔為畿服今成塞垣說文曰畿天子千里地服如禹貢甸服結服侯服綏

服要服荒服是也地理郡國二志稱弘農郡武帝元鼎四年置故秦函谷關建武十五年屬雒陽西南四百五

十里是弘農東西京皆畿內之地言魏都洛陽弘農本畿服內地今周齊交兵翻成塞垣也城疑廣

武地似樓煩郡國志曰河南滎陽有廣武城注云漢祖與項籍語處漢書項籍傳曰羽軍漢軍至

廣武相守羽令壯士出挑戰漢有善騎射曰樓煩楚挑戰三合樓煩輒射殺之羽大怒自披甲持戟挑戰樓煩

欲射羽瞋目叱之樓煩目不能視手不能發走還入壁不敢復出漢王使問問之乃羽也漢王大驚於是羽與

漢王相與臨廣武間而語按上句城疑廣武樓煩即是廣武相守之事云地似樓煩者當謂樓煩縣也史記趙

世家曰主父行新地出代西過樓煩王於西河而致其
兵地理志云樓煩屬雁門應劭曰故樓煩胡也故城在
代州崞縣東北言此弘農東西周齊相燿烽並照象馬
守如楚漢相語之城趙胡致兵之地也

單奔

張宴曰燿火烽火也方言曰烽虞望也郭璞云今
烽火是也後漢書光武紀昆陽之戰云又驅諸猛

獸虎豹犀象之屬以助威又左傳有象燧又云不介馬
而馳又云恃險而多馬按象馬所以驅戰故云象馬單

奔無鐘襲莒有雨圍原

莒已姓國隱二年始見春秋杜
云莒國城陽莒縣是文八年穆

伯奔莒從已氏是莒國已姓也云無鐘襲莒者按左傳
莊三十九年例云有鐘鼓曰伐無曰侵輕曰襲正義曰
釋例曰侵伐襲者師旅討罪之名也鳴鐘鼓以聲其過
曰伐寢鐘鼓以入其境曰侵掩其不備曰襲此所以別
興師用兵之狀也其襲莒之事按春秋昭元年三月取
鄆傳曰季武子伐莒取鄆杜預曰兵未加莒而鄆服故

書取而不言伐又襄十三年傳例云凡書取言易也按此傳例夫伐則有鐘鼓矣襲既曰輕取亦言易取襲義同類無鐘鼓其即武子爭郟取不書伐之謂矣左傳僖二十五年云晉侯圍原按傳無過雨之文有雨圍原是所未詳又左傳襄十八年云楚師伐鄭涉於魚齒之下甚雨及之楚師多凍役徒幾盡按左傳弦高云鄭國之有原圍杜云在滎陽中年驟又按魚齒山亦在滎陽疑鄭有原圍之名楚師伐鄭甚雨及之得稱有雨圍原矣

注詳賀婁

不資十方誰釋三

一作

怨

律有四方僧物鈔言十方常住謂於

公碑文

一寺中供僧成熟飲食等以體通十方惟局本處名十方僧以此物十方有分故裕師寺誥云寺是攝十方一切衆僧修道境界法為待一切僧經遊來往受供處所無彼無此無主無客僧理平等同護佛法故其中飲食衆具悉是供十方凡聖同有鳴鐘作法普集僧衆同時共受與檀越作生福之田如法及時者皆無遮礙是宜

開廓遠意除蕩鄙懷不吝身財護持正法左傳僖二十八年城濮之戰先軫曰楚有三施我有三怨怨讎已多將何以戰已上言周齊數有疆場之事怨讎衆多不藉十方佛力焉能釋其衆怨是此寺可以濟世也 風

傾地柱火及天元

一者樓炭經曰佛語比丘天地有三災變二者水火災變三者風災

變天地共遭大風災變時天下施行積善喜好道德皆復上十七天上為天人然後天下人乃盡索後乃久久大風起名曰來柯沙上行至故十六天上下至阿須倫天破壞消滅悉盡天下日月所照中萬物四天下及八萬城諸大山及須彌山盡竟鐵圍大山皆靡消滅亡悉盡索無餘譬如大風吹微麩隨漂消散微盡無餘矣遭火變者天下人民皆行非法奉邪見不見正行行十惡故天雨不時節天不雨以後是天下所有樹木草藥萬物皆枯死不復生世間有七日出四天下及八萬城諸大山須彌山王四天王忉利天跋摩天兜術天尼摩羅

天波羅尼蜜天梵迦夷天宮皆簸蕝動搖也風高諸天上著阿術貨羅天彼諸初生天子見火皆恐怖先生諸天子語初生天子汝莫怖恐我昔更見燒時火齊此不過爾時四大天下及八萬城諸大山須彌山皆簸蕝動搖須彌山王四千里一崩墮至二萬八千里而崩墮譬如脂膏濕著大火中即無煙亦無餘矣須彌山王盡破壞無復有焦土山處諸沈犁一切皆破壞滅盡已後畜生禽獸餓鬼阿須倫皆復無盡已後人皆死盡及四天王忉利天燄摩天梵術天無貢高天他化自轉天梵迦夷天人皆滅盡是謂天地燒之皆會一處天地共遭大風災變時竟一劫後復更始生之法復如遭火災變後復更始生一劫乃成竟第十五天上人其薄祿者來下悉填滿十一重天人所居及阿須倫天在須彌山四面本故所居處悉皆克滿風傾地柱火及天元者謂風災火災也博物志曰地下有四柱四柱廣十萬里黃帝內經鬼臾區曰臣積考太始天元冊文云云著之玉版藏

之金匱署
曰天元紀
銀鈎永固金牒長存
索靖草書狀曰宛若銀鈎衛夫人筆陣圖曰六

藝之奧莫匪乎銀鈎劉義恭詩
云金牒封梁甫說文曰牒札也
封君馬首方事南蕃
左氏

傳荀偃令曰雞鳴而駕塞井夷竈惟余馬首是瞻樂縻
曰余馬首欲東南蕃謂弘農郡為國蕃屏在西京之南

也
言從楊僕請謝劉昆
楊僕劉昆注見本序

溫湯碑

溫湯碑者弘農溫湯子山除郡守時作也溫湯
所在下有流黃或有丹砂白礬此三種在下蒸
為暖氣後周王褒溫湯碑云地伏流黃又云白
礬上散丹砂下沈知溫湯有此三物也天下所
有溫湯之處非一子山羈旅長安足跡所及不
越周秦之地按隋志稱京兆郡藍屋後周置周

南郡有倉城溫湯新豐有溫湯弘農有溫湯舊
傳京兆驪縣有溫湯弘農京兆接界自漢以後

多有析置開山圖曰麗山西北有溫池王褒溫
湯碑云擬此溫谷驪岳之陰是驪山溫湯也隋

書地志曰河南陝隴後魏置陝州弘農郡有溫
湯有砥柱疑即驪山西北溫池庾信王褒並有

碑文是碑子山除弘農
郡守所立故作此文也

咸池浴日先應綠甲之圖

淮南子曰日浴於咸池又樂
動聲儀曰黃帝樂曰咸池淮

南子曰河出丹書浴出綠圖黃帝夢見兩龍擬白圖即
帝以授於河之都天老曰天其授帝圖乎黃帝乃齋於

河浴之間遊於翠鳩大盧魚折溜而至汎白
圖蘭采朱文以授黃帝帝舒受之故曰綠圖 砥柱浮天

始受玄夷之命 尚書大傳曰河水分流包山而過山見
水中如柱然故曰砥柱海賦曰浮天無

岸吳越春秋曰禹傷父功不成乃巡衛獄血馬以祭仰
天而嘯因夢赤繡衣男子自稱玄夷蒼水使者謂禹曰
欲得我山神書者齋馬禹乃退齋三仁則滌蕩埃氛義
日登宛委發金簡之書得通水之理

則激揚清濁勇則負山餘力弱則鴻毛不勝

尸子曰水有四德沐

浴羣生流通萬物仁也揚清激濁蕩出滓穢義也柔而
難犯弱而難勝勇也道江疏河惡盈流謙智也抱朴子
曰重物宜沈而南海有浮石之山莊子曰藏山於澤謂
之固矣然而夜半有力者負之而走列仙傳曰巨鰲負
蓬萊山而抃之於滄海之中史記大宛傳曰安息國長
老傳聞條枝有弱水西王母而未嘗見索隱曰魏略云
弱水在大秦西玄中記曰天下之弱者有崑崙之弱水
鴻毛不能勝也後漢書曰桓帝時大秦國王安敦遣使
自日南徼外來獻或云西有弱水水近西王母處幾於
日所入也大荒西經云弱水有二源俱出女國北阿耨

連山南流會於女國東去國一里深丈餘闊六十步
非毛舟不可濟南流入海阿耨達山即崑崙山也
仲

春則榆莢同流三月則桃花共下
春秋元命苞云三月
榆莢落韓詩傳云三

月桃花水漢書溝洫志云來春桃
花水盛必羨溢有填淤反壤之害
其色變者流一作通為

五雲之漿其味美者結為三危之露
東方朔別傳朔謂
武帝曰臣至東極

過吉雲之澤其國常以雲氣占凶吉若有喜慶之事則
滿室雲氣五色照人著於草樹皆成五色露露味皆甘

帝曰吉雲五露可得否曰臣負吉雲草以備此焉此立
可得日可二三往可東走至夕而還得玄白青黃露盛

以青琉璃各受五合授帝帝徧賜羣臣其得之者老者
皆少疾者皆除也見別國洞冥記又按五雲者抱樸子

曰雲母有五種向日看其色五色並具而多青者名雲
英宜以春服之五色並具而多赤者名雲珠宜以夏服

之五色並具而多白者名雲液宜以秋服之五色並具而多黑者名雲母宜以冬服之但有青黃二色者名雲沙宜以季夏服之晶晶純白名磷石可以四時長服之也五雲之法或以桂蔥水玉化之以為水或以露於鐵器中以玄水熬之為水或以硝石合於筒中埋之以為水或以蜜搜為酪或以秋露漬之百日韋囊挺以為粉或以無巔草檮血合餌之令人長生也呂氏春秋伊尹說湯曰水之美者有三危之露高誘曰三危西極山名

煙青於銅浦色白於鉛溪

任豫益州記葭萌縣十里有刀鑲山亦銅水出焉地鏡圖

曰錢銅之氣望之如青雲吳越春秋若耶之溪酒而出銅鉛溪未詳

非神鼎而長沸異龍

池而獨湧

王子年拾遺記曰禹鑄九鼎五者以應陽法四者以象陰數使工師以雌金為陰鼎以雄

金為陽鼎鼎中常滿以占氣象之休否當夏桀之時鼎水忽沸又周禮挈壺氏云及冬則以火爨鼎水而沸之

左思蜀都賦曰龍池瀑瀑瀆其隈劉遠注云龍池在朱提南十里地周四十七里公羊傳曰瀆泉者湧泉也

洒胃滯腸興羸起瘠秦皇餘石仍為雁齒之階漢武舊

陶即用魚鱗之瓦

博物志曰始皇陵在驪山之北高數十丈周迴六七里運取大石於渭北

渚故歌曰運石甘泉口渭水為不流千人唱萬人鉤金陵餘石大如甌按雁齒階級也白帖橋有雁齒續漢書董卓曰杜陵南山下有孝武舊陶處作磚瓦一朝可辨後漢書楊彪傳曰杜陵南山下有武帝故瓦陶竈數千所九歌曰魚鱗屋兮龍堂王逸注云河伯以魚鱗蓋屋 山間湧水實表忠誠室內

江流彌彰純孝

後漢書耿恭曰貳師將軍李廣利拔佩刀刺山飛泉湧出又曰廣漢姜詩妻同

郡龐盛之女也詩事母至孝妻奉順尤篤母好飲江水妻嘗沂流而汲子因遠汲溺死妻恐姑哀傷託以行學

不在姑嗜魚鱸夫婦力作供鱸舍側忽
有湧泉味如江水每旦輒出雙鯉魚焉
豈若醴泉消疾

聞乎建武之朝神水蠲疴在乎咸康之世

尚書中候曰
俊又在官則

醴泉出也後漢書曰光武中元元年夏京師醴泉湧出
飲者固疾皆愈惟眇蹇者不瘳三秦記曰驪山湯舊說
以牲祭乃得入可以去病俗云秦始皇與神女遊而忤
其旨神女唾之則生瘡始皇怖謝神女為出溫泉而洗
除後人以為驗建武光武即位
年號也咸康疑作咸陽秦都也
嵩岳一作山三仙之館不

孤擅於天池華陰百丈之泉豈獨高於蓮井

爾雅曰嵩
高為中岳

山海經曰半石山東五十里曰少室山又三十里曰太
室山郭注云即中岳嵩高山也今在陽城縣西戴延之
西征記曰其山東謂之太室西謂之少室相去十七里
嵩其總名也以其下各有室焉故謂之室是也劉義慶

云嵩高山北有大穴晉時有人誤墮穴中見二人圍棋
下有一杯白飲與墮者飲氣力十倍棋者曰汝欲停此
否墮者曰不願停棋者曰從此西行有天井其中蛟龍
但投身此井自當出若餓井中物食之墮者如其言可
半年乃出蜀中因洛下問張華曰此仙館夫所飲者玉
漿所食者龍穴石髓嵩高山記曰山有玉女臺云漢武
帝見三仙玉女因以名臺事見藝文類聚楚辭曰沐盥
浴兮天池王逸曰天池則滄海也又莊子曰北溟者天
池也此云天池即嵩高天井也山海經曰華首之山西
六十里曰太華之山又云太華之西少華之山張衡西
京賦云綴以二華是也漢書地理志云京兆華陰縣太
華山在南有祠豫州山集靈宮武帝起爾雅曰河南華
郭璞注云華陰山正義曰禹貢導河積石至於龍門南
至於華陰東至於底柱然則此山在河之南故曰河南
華在華陰縣界故曰華陰山也華山記曰天井繞容人
上可長六丈餘出井東南二里至峻坂斗上又東上百

丈崖皆須攀繩挽葛而後行又曰華山頂生千葉蓮花言此弘農溫湯足與嵩高華陰二山之泉並峙也

周上柱國齊王憲神道碑

昔者軒皇受姓十有四人周室先封十有五國

軒皇黃帝也黃

帝姓軒轅氏以繼女媧伏羲神農故云軒皇國語曰黃帝之子二十五宗其得姓者十四人左傳昭二十八年成鯁曰昔武王克商先有天下其兄弟之國者十有五人自爾承基纂胄保受姓氏

左氏傳曰保姓受氏以守宗祊

雖復千年一聖終是百世同宗

王子年拾遺記

曰黃河千年一清至聖之君以為大瑞詩曰本支百世言宇文氏崛起雖非周之子孫而國號曰周亦如承基

纂胄同為姬姓也

故知昔之東京既稱炎

一作

漢再受今之周

歷即是鄴都中興

言昔光武都洛乃炎漢再受今宇文號周即鄴都中興也漢以火德王故

曰炎漢周都鄴故云鄴都東觀漢記序曰漢以炎精布曜或幽而光王融曲水詩序曰韜軼炎漢又按炎漢再受非謂光武蓋子山之微詞也光武乃是景帝子孫於漢猶為近屬與姬周宇文似為不類當謂劉淵劉聰諸人也前趙錄曰初漢高祖以宗女為公主以妻冒頓約為兄弟故其子孫遂冒姓劉氏淵僭即漢王位追尊劉禪為孝懷皇帝立高祖以下三祖五宗神位而祭之又僭即帝位晉懷帝永嘉五年劉聰攻陷洛陽遷帝於平陽大赦改元嘉平洛陽即漢之東京疑謂此為再受矣

公諱憲字毗賀突恒州武

川人也

周書列傳曰齊煬王憲太祖第五子也

晉太康之世據有黃龍

序

文氏之先也周書文帝紀曰其先出自炎帝神農氏為黃帝所滅子孫避居朔野有葛烏菟者雄武多算略鮮

卑慕之奉以為主遂總十二部落世為大人其後曰普
回因苻得玉璽三紐有文曰皇帝璽普回心異之以為
天授其俗謂天曰字謂君曰文因號宇文國并以氏馬
黃龍即黃龍鎮也十三州志曰遼東屬國都尉治昌黎
道有黃龍亭魏營州刺史治水經注曰白狼水北逕黃
龍城東隋志云後魏置營州於和龍城是也太康晉武
帝年魏孝昌之初奄荒玄菟周書曰普回子莫那自陰
號也魏孝昌之初奄荒玄菟周書曰普回子莫那自陰
侯為魏舅甥之國九世至侯豆歸為慕容所滅其子陵
仕燕拜駙馬都尉封玄菟公後魏明帝九年改元孝昌
言宇文陵於魏孝昌中仕燕封玄菟公也漢書地理志
曰玄菟郡武帝元封四年開高句驪屬幽州應劭曰故
真番朝太祖以百二諸侯三分天下太祖憲父安定公
鮮國

昨追尊為文王廟號太祖周書本紀云南清江漢西舉
巴蜀北控沙漠東據伊瀝漢書曰持戟百萬秦得百二

馬三分天下
比周文王也
函谷先登鴻溝大定
函谷先登謂奉魏武帝都關中也鴻溝大

定謂分東
西魏也
功業如此人臣以終
周書云億兆之望有歸揖讓之期允集功業若

此人臣
以終
公舍章天挺命世誕生
周易曰舍章可貞李陵書曰命世之才李善注

引孟子云其
中有命世者
降太一之神下文昌之宿
漢書曰武帝定郊祀之事祠太

一於甘泉又天文志曰中宮天極其一明者太一之常
居也楚辭曰後文昌使掌行兮顧命中宮勅百官王逸

曰天有三宮謂紫宮太微文昌也故云中宮按文昌六
星有上將貴相言齊王本天之貴神列宿降生於世也

珠角擅奇山庭表德
任昉王文憲集序曰况乃洲角殊祥山庭異表李善曰論語撰考識

曰顏淵有角額似月形摘輔像曰子貢山庭斗繞口謂
面有山庭言山在中鼻高有異相也故子貢至孝顏回

也至仁儀範清泠風神軒舉聳動廊廟光華城闕未逾髻

亂已議論天下事

本傳云性通敏有度量雖在童齒而神采嶷然少與高祖俱受詩傳成綜

機要得其指歸太祖嘗賜諸子良馬惟其所擇憲獨取駁馬太祖問之對曰此馬色類既殊或多駿逸若從軍征伐收圉易分太祖喜曰此兒智識不凡當成重器後從獵隴上經官馬牧太祖每見駁馬輒曰此我兒馬也命左右取以賜之埤蒼曰髻髻也夫戴禮曰男八歲而亂女七歲而亂鄭康成周禮注曰亂毀齒也人或

曰是謂若木

一作弱水

一枝旁蔭數國長河一直自然千里

楚辭曰折若木以拂日淮南子曰建木在廣都若木在建木西木育十日其華照地爾雅釋水曰河百里一小曲千里一曲一直風颺欲遠光景將昇
爾雅曰扶搖謂之颺郭璞云暴風從下上也楚

辭曰借光景
以往來兮

後魏二年封涪城縣開國公時年五歲也

隋書地志云金山郡涪城縣舊
置始平郡西魏改郡為涪城

虹蜺滿野是廢當途之

高鶩鶩鳴岐實始維新之命

孟子曰民望之若大旱之
望雲霓趙注曰霓虹也准

南子曰虹蜺彗星者天之忌也高誘曰雉曰虹雌曰蜺

忌禁也晉書天文志曰妖氣一曰虹蜺日旁氣也斗之

亂精主臣謀君天子詘漢獻帝紀曰太史丞許芝奏故

白馬令李雲曰許昌氣見於當途當道而高大者魏也

當代漢廢當途之高者謂魏祚衰也國語曰周之興也

鶩鶩鳴於岐山師曠禽經曰鳳雄凰雌亦曰鶩鶩詩曰

周雖舊邦其命維新始維
新之命者謂周將興也

國家光宅受圖欽明秉曆大

風初卷長沙始封

尚書中候曰堯登壇受圖書曰欽明
文思安安漢高祖歌曰大風起兮雲

飛颺漢書曰吳沛封長沙王言周元年周書作魏恭帝元年進爵

安城郡公食邑二千戶

安城郡即前涪城縣是隋書地志曰金山郡涪城縣西魏改郡

為涪城後周又改為安城仍授使持節驃騎大將軍開府儀同三司

按周書孝閔帝踐作授此官也開府同於馬駿秩擬六卿驃騎等於劉

蒼位高三事

晉書曰宣帝九男扶風武王駿字子臧太康初進拜驃騎將軍開府持節都督晉姓

司馬氏故稱馬駿後漢書曰東平憲王蒼顯宗甚愛重之及即位拜為驃騎將軍置長史掾史員四十三人位在三公上周禮云天子六卿尚書曰敬爾三事宗子維城彼多慙色

言憲在宗室雖馬駿

劉蒼不足比也

武成二年

周明帝即位之第三年也

授使持節大將

軍

周書云世宗即位授大將軍世宗明帝也

都督益壽寧

周書作益寧巴瀘

等二十

四州諸軍事益州刺史改封齊國公食邑萬戶

周書武成初除

授及進封隋書地志云蜀郡舊置益州後周置總管府

周書明帝紀云武成元年以大將軍安城公憲為益州

總管九月安城公憲為齊國公隋志北地郡西魏為寧

州本傳作巴瀘者隋志清化郡舊置巴州瀘川梁置瀘

州公時年十有六

周書云初平蜀之後太祖以其形勝之地不欲使宿將居之諸子之中欲

有推擇徧問高祖已下誰能此行並未及對而憲先請

太祖曰刺史當撫衆治民非爾所及以年授者當歸爾

兄憲曰才用有殊不開大小試而無效甘受面欺太祖

大悅以憲年尚幼未之遣也世宗追遵先旨故有此授

憲時年

王武子以上將開府未滿立年荀中郎為十州

十六

都督才踰弱冠方之於公已為老矣

晉書曰王濟字武子年二十起家拜

中書郎為駉騎將軍累遷侍中晉陽秋曰荀羨字全則
潁川人光祿大夫崧之子也清和有識鑒少以主婿為
駉馬都尉是時殷浩參謀百揆引羨為援頻蒞義興吳
郡起授北中郎將徐州刺史以蕃屏焉中興書曰羨年
二十八出為徐兗二州中興方伯之少未有若羨者也
論語曰三十而立何晏注云有所成也禮記曰人生二
十曰弱冠世說曰王敦謂摯瞻曰卿年未三十已為萬
石亦太蚤瞻曰方於將軍少為太蚤比之甘羅已為太
老言憲年僅十六加復營丘負海齊桓公受服之城謂
少於王荀二君矣國也漢書地理志曰臨淄師尚父所封臣瓚曰即營丘
也禮記曰太公封於營丘晁錯新書曰齊地僻遠負海
地大人眾禮記鄭注曰負之言背也左傳僖九年曰王
使宰孔賜齊侯昨正義曰周禮大宗伯以服膺之禮親

兄弟之國鄭注云服膺社稷宗廟之肉即胙肉也異姓不食賜今賜齊侯是尊之如二王後矣憲封齊國公故

云岷山導江漢武帝求仙之地

謂益州也山海經曰岷山江水出焉史記封禪

書曰江水祠蜀索隱曰風俗通云江出岷山岷山廟在江都地理志曰江都有江水祠益漢初祠之於源後祠之於委也括地志曰江濱祠在益州成都縣八里郡國志曰岷山在西徼外是也謂憲拜益州刺史也

非名陵孤竹聲振沈黎豈得南至穆陵西登積石

地理志曰

遼西令支有孤竹城應劭曰故伯夷國漢書曰沈黎郡武帝置本笮都也穆陵齊竟左氏傳曰南至於穆陵北至於無棣禹貢曰浮於積石至於龍門孔安國曰積石在金城西南河所經也地理志曰在金城河關縣西南羌中言非風有聲名不能受此疆界也

幸無白虎之患寧待黃龍之盟

後漢

書南蠻傳曰秦昭襄王時有一白虎常從羣虎數遊秦蜀巴漢之境傷害千餘人有巴郡閬中人作白竹之弩射殺白虎昭王嘉之而以其葬人不欲加封乃刻石盟要復葬人盟曰秦犯葬輸黃龍一雙葬犯秦輸清酒一

鍾彝人安之

叩竿畏威微盧仰德

漢書地理志曰越舊郡有叩都定竿竿秦大竿諸縣

孟康曰嵩音髓本叩都服虔曰今蜀郡都尉所治本竿都也臣瓚曰茂陵書沈黎治竿都微盧西南彝國名尚書泰誓曰擘微盧彭孔安國曰國名蠻彝屬文王者擘微在巴蜀盧彭在西北疏云擘微在巴蜀者巴在蜀之東偏漢之巴郡所治江州縣也盧彭在西北者在東蜀之西北也言益州諸郡感其威德也

生為立

廟刻石頌功

周書云憲善於撫綏留心政術辭訟輻輳聽受不疲蜀人懷之共立碑頌

成都

有文翁之祠非謂生前漢陽有諸葛之碑止論身後比

之今日豈可同年而語哉

漢書曰文翁終於蜀吏民為立祠堂歲時祭祀不絕師古

曰文翁學堂於今猶在益州城內蜀志曰諸葛亮卒景曜六年春詔為亮立廟於沔陽注云襄陽記曰亮初亡所在各求為立廟朝議以禮秩不聽百姓遂因時節私祭之於道陌上習隆等上表以為宜因近其墓立之於沔陽使所親屬以時賜祭凡其臣故吏欲奉祠者皆限至廟斷其私祀以崇正禮於是始從之地理志漢中沔陽縣注如淳曰此方人謂漢水為沔水是以沔陽稱漢陽矣又梁州記曰武侯壘東南有定軍山入山十餘里有諸葛武侯墓鍾會征蜀至漢川祭亮之廟令軍士不得於墓芻牧樵採今松柏碑銘儼然言憲生前得立碑廟功德及人

保定四年與大司馬蜀國公圍金墉城周

武帝紀云保定四年十一月柱國蜀國公尉遲迥率師圍洛陽齊國公憲營於邙山陸機洛陽記曰金墉城在

宮之西北魏故
宮人皆在中
師臨洛浦則廣武營奔兵上邙山則河

橋路斷

師臨洛浦謂圍洛陽也兵上邙山謂憲營於邙山也周書武帝紀云保定四年齊國公憲營於

邙山史記曰楚與漢臨廣武而軍又曰秦昭襄王五十年初作河橋正義曰此橋在臨晉縣東渡河至蒲州今

蒲津橋也按周太祖與齊神武有河橋之戰魏大統四年東魏將侯景等北據河橋南屬邙山為陣是西京洛

陽路所必由者也邙山在洛陽北十里八川風俗五方名利

潘岳關中記曰涇渭灞澇

鄴鄙潦滿凡八川八川謂關中之八川也此謂洛陽如東京賦汧洛背河左伊右瀍之屬貨殖傳曰洛陽東賈齊魯南賈梁楚如淳曰遊子樂其俗不復歸故有五方之民鐵市銅街風飛塵起市

即金市銅街銅駝街也俱在洛陽陸機洛陽記曰洛陽凡三市大市曰金市又曰銅駝街在洛陽宮南金馬門

外人物繁盛俗語云金馬門外集羣賢銅駝街上集少年又漢書百官公卿表曰幹官鐵市兩長丞風飛塵起

言洛陽震動也天和元年徵還行雍州牧保定至雍州牧按本傳云保定中徵還京

拜雍州牧及晉公護東伐以尉遲迴為先鋒圍洛陽憲與達奚武軍於邛山自餘諸軍各分守險要齊兵數萬

奄至軍後諸軍惶駭並各退散惟憲與王雄達奚武率衆拒之而雄為齊人所斃三軍震懼憲親自督勵衆心

乃安晉公護執政雅相親委賞罰之際皆得預焉傳稱保定中此作天和元年稍異周書明帝紀云二年改雍

州刺史為雍州牧公以日月之明威神其政漆沮既從荆岐即

又禹貢曰漆沮既從荆岐既旅漢書師古曰漆沮即馮翊之洛水也荆岐二山名荆在岐東憲為雍州牧故

云少陽用事路不喘牛仲秋以殷民無驚水漢書丙吉傳曰吉嘗

出逢清道羣鬪者死傷橫道吉過之不問吉前行逢人
逐牛牛喘吐舌吉止駐使騎吏問逐牛行幾里矣掾吏
謂丞相前後失問或譏言吉曰民鬪相殺傷長安令京
兆尹職所當禁備逐捕非所問也方春少陽用事未可大
熱恐牛近行用暑故喘此時氣失節恐有傷害也三公
典調和陰陽職所當憂是以問之尚書曰宵中星虛以
殷仲秋孔傳殷正也月令曰二本傳
仲秋水始涸天根見乃盡絕二作三
年拜大司馬仍理

小冢宰營室殿軍器太監

本傳雍州牧如故

天官以邦國開基

是司六典夏官以兵戈為主專謀七德

天官謂冢宰也周禮太宰之職

掌建邦之六典以佐王治邦國夏官大司馬也左氏傳
曰武有七德按周書盧辨傳云初太祖欲行周官命蘇
綽專掌其事未幾而綽卒乃令辨成之於是依周禮建
六官置公卿士天官府管冢宰等衆職地官府領司徒

等衆職秋官府領司寇等衆職冬官府領司空等衆職以魏恭帝三年始命行之今憲拜大司馬仍理小冢宰是以夏官兼天是以器械填委既包吳漢之功宮殿崢嶸彌壯蕭何之法

是以夏官兼天

是以器械填委既包吳漢之功宮殿崢嶸

後漢書吳漢傳曰更始幽州牧苗曾陰勒兵勅諸部不肯應調漢馳至無終搗兵收曾斬之而奪其軍南與光武會清陽士馬甚盛漢至莫府上兵簿漢書曰高祖七年蕭何造未央宮立東闕北闕前殿武庫太倉上見其壯麗甚怒曰天下匈匈勞苦數歲成敗未可知是何治宮室過度也何對曰以天下未定故可因治宮室且天子以四海為家非令壯麗無以重威無令後世有以加也上悅

時以白露涼風務閑農隙

月令曰七月涼風至白露降左氏傳曰春蒐夏苗秋獮冬狩皆於農

隙以講事者也

督兵三萬出自宜陽拔伏龍之城平姚萇

集誤當作

襄之壘

本傳云天和四年齊將獨孤永業來寇盜殺孔城防主能奔達以城應之詔憲與柱國李穆將

兵出宜陽築崇德等五城絕其糧道齊將斛律明月率眾四萬築壘洛南五年憲涉洛邀之明月遁走憲追之及於安業屢戰而還六年憲帥眾二萬出自龍門齊將新蔡王康德以憲兵至潛軍宵遁憲乃西歸仍掘移汾水水南堡壁復入於齊齊人謂略不及遠遂弛邊備憲乃渡河攻其伏龍等四城一日盡拔又進攻張壁克之獲其軍寶夷其城壘斛律明月時在華容弗能救也北攻姚襄城陷之按姚襄城本姚襄所築其城西臨黃河控帶龍門孟門之險周齊交爭之地城高二丈周迴五里武成二年斛律光破周兵於此城遂立碑表其功又於此城置鎮今憲平之集作姚萇知誤文者按姚萇都咸陽秦地周宇文氏所都不得云憲平之與史傳異蓋轉寫之誤也

馬陵削樹魏將路窮平陰聽烏齊師其遁

史記孫

臚龐涓戰於馬陵削樹曰龐涓死此下左
天子冢弟禮
氏傳曰平陰之役有烏烏之聲齊師其遁

絕羣公仁義所往事資道德建德元年進爵為王仍拜

大冢宰

本傳云晉公獲誅高祖名憲入憲免冠拜謝帝
謂之曰天下者太祖之天下吾嗣守鴻基常恐

失墜冢宰無君上將圖不軌吾所以誅之以安社稷女
親則同氣休戚共之事不相涉何煩致謝乃詔憲往護
第收兵符及諸簿等尋以憲為大冢宰又開府裴文舉
憲之侍讀高祖常御內殿引見之謂曰昔魏末不綱太
祖匡輔元氏有周受命晉公復執威權積習生常使謂
法須應爾豈有三十歲天子而為人所制乎且近代以
來又有一弊暫經隸屬即便禮若君臣此乃亂代之權
宜非經國之治術詩云夙夜匪懈以事一人一人者止
據天子耳雖陪侍齊公不得即同臣主且太祖十兒豈
可悉為天子卿宜規以正道勸以義方輯睦我君臣協

和我骨肉無令兄弟自致嫌疑文舉拜謝而出歸以白
憲憲指心撫几曰吾之夙心公寧不悉但當盡忠竭節
耳知復何言建德
二年進爵為王 姬旦封於曲阜不廢居中劉交國於

彭陽無妨常從

周公長子伯禽封於曲阜為魯侯詩魯頌說封魯之事云王曰叔父建爾元子

俾侯於魯鄭康成禮記注曰周公次子君陳別封於周世為卿士周公相王室以尹天下復封魯國身死之後伯禽就魯君陳相周也史記曰楚元王劉交者高祖之同母弟也高祖六年以弟交為楚王都彭城 豈直

周召二南並居師傅晉鄭兩國俱為卿士而已哉

詩譜曰文

王受命作邑於豐乃分岐邦周召之地為周公旦召公奭之采地其得聖入之化者謂之周南得賢人之化者謂之召南成王時周公為太師召公為太傅左傳周桓公言於王曰我周之東遷晉鄭馬依社預曰平王東徙

晉文侯鄭武公左右
王室故曰晉鄭馬依
匈奴突於武川燿火通於灞上武川

疑作武州漢屬雁門郡武帝誘匈奴入武州塞是也漢書匈奴傳曰置三將軍軍長安西細柳渭北棘門霸上

胡騎入代句注邊烽火通於長安甘泉燿火史記作權火索隱曰權如字一音燿周禮有司燿燿火官張宴曰

燿火燿火也狀若井契卑矣蓋指稽胡劉沒鐸之亂也公述職巡御治兵朔方馬

邑星飛龍城月動
地理志有朔方郡雁門郡有馬邑晉太康地記曰秦時建此城輒崩有馬

周旋馳走反覆父老異之因依以築城遂名為馬邑漢書曰漢兵約單于入馬邑而縱兵單于不至遂絕和親

又曰將軍衛青出上谷至龍城星飛月動謂弓矢之象也撓留犁之酒經略不前失

燕支之山下馬而去
漢書匈奴傳曰匈奴以徑路刀金留犁撓酒與張猛韓昌共飲血盟

應劭曰留犂飯匕也挽和也契金著酒中挽攬飲之也
又漢書曰漢使驃騎將軍去病將萬騎出隴西過馬支
山史記正義曰馬音煙括地志曰馬支山亦名刪丹山
在甘州刪丹縣東南五十里西河舊事曰匈奴失二山
歌云失我馬支山令我婦女無顏色失我祁連山使我
六畜不蕃息又曰白山冬夏有雪故曰白山匈奴謂之
天山過之皆下馬拜馬按匈奴謂天為祁連祁連山天
山也與燕支為二山矣本傳稽胡劉沒鐸稱皇帝詔憲
督趙王招東鄰逆命反道敗德東鄰謂齊也初為東西
等討平之魏其後並膺當壁周在
於西齊在於東子山以周囚箕子於塞庫羈文王於玉
比武王以齊比殷紂矣
門殷本紀曰箕子佯狂為奴紂又囚之竹書紀年沈約
注云王嘉季歷之功錫之圭瓚拒鬻九命為伯既而
執諸塞庫季歷困而死因謂文丁殺歷又曰執王季於
塞庫羈文王於玉門鬱悒之情辭以作歌按塞庫囚季

歷處殷紂或以其地因箕子所未詳矣呂氏春秋曰王季歷因而死文王苦之有不忘美里之醜時未可也武王事之夙夜不懈亦不忘玉門之辱立十三年而成甲子之事戰國策希寫曰昔者文王拘於美里而武王羈於玉門史記項羽紀曰天子將有盟津之師召公獨議成臯北門注云玉門也

公報以誕膺天命克成厥勳

本傳云四年高祖將欲東討獨與內史王誼謀之餘

人莫得知也後以諸弟才略無出憲右遂告之憲即贊成其事及大軍將出憲表上私財以助軍費曰臣聞撫機適運理藉時來兼弱攻昧事資權道伏惟陛下繼明出聖闡業弘風思順天心用恢武略方使長蛇外翦宇宙大同軍民內向車書混一竊以龍旗雷動天網雲布芻粟糧餼或須周給昔邊隅未靖卜式願上家財江海不澄衛茲請獻私粟臣雖不敏敢忘景行謹上金寶等十六件少助軍資詔不納而以憲表示公卿曰人臣當

如此朕貴其心耳寧須物乎乃詔憲率衆二萬為前軍趨
黎陽高祖親圍河陰未克憲攻拔武濟進圍洛口收其東
西二城以高祖疾班師盟津周武王與
八百諸侯會處亦曰孟津亦曰富平津
昔者秦昭起師

於蜀直問張儀晉武用兵於吳惟謀羊祜

戰國策曰秦昭王將伐蜀

謀於司馬錯張儀司馬錯不可張儀勸伐之遂西舉巴蜀晉書曰武帝密有滅吳之計而朝議多違惟羊祜杜預張華與帝意合
於是中軍無帥僉曰有歸五年拜上
祜病舉預自代

柱國

本傳云四年初置上柱國以憲為之

元戎東討給王鐵騎二萬先襲

太原

一作并州按本傳云五年大舉東討憲率精兵二萬復為前鋒守雀鼠谷高祖親圍晉州憲進兵克

洪同永安二城斬其驍將賀蘭豹子山禡壞等百餘人渡汾而及高祖於玉壁隋書地志云冀州太原郡後齊并州

置省立別宮後周置并州斗建麾兵天離轉戰虎嘯風
六府後置總管府廢六府

騰雲飛電掩

天官書曰平旦建者魁魁海岱以東北也
孟康曰傳曰斗第一星法於日主齊也魁

斗之首首陽也又其用在明陽與明德在東方故主東北齊分正義曰隨三時所指有前三建也天離轉戰者

按天官書曰離宮閣道又云王良策馬車騎滿野索隱注云閣道王良旗也有六星策一星在王良前主天子

僕也占以動搖移易在王良前或居馬後則為策馬策馬而兵動也謂其時高祖親征憲從駕也易曰雲從龍

風從虎劉峻絕交論起林胡棗栗詎得充饑晉陽荻蒿何曰雕虎嘯而清風起

能拒防史記蘇秦說燕文侯曰燕北有林胡樓煩北有棗栗之利民雖不佃作而足於棗栗矣此所謂

天府也漢書曰趙武靈王北破林胡樓煩而置雲中雁門代郡春秋後語曰張孟談謂趙襄子曰董安于之在

晉陽公宮之垣皆荻蒿言齊國糧仗俱竭漸有欲平之勢也

又加王精兵六萬長圍

晉州然後六軍星陳萬騎雷動中權始及前茅已戰自

爾即為前鋒橫行入鄴

本傳云高祖又令憲率兵六萬遷援晉州憲遂進軍營於涑水

齊主攻圍晉州晝夜不息既而諸軍俱進應時大潰齊主走鄴獲其從兄安德王延宗明年進剋鄴城破之俘斬三萬人擒任城王湣及廣寧王孝珩隋書地志臨汾郡後魏置唐州改曰晉州後周置總管府左傳杜注曰六軍天子之軍也東都賦曰千乘雷動萬騎紛紜左傳宣十二年曰前茅慮無中權後勁杜預注曰中軍制謀後以精兵為殿茅明也或曰時楚以茅為旌幟隋志云魏郡鄴縣東魏都也

觀彼車絰槐本

馬驚旋渾

謂齊主高氏之敗也左氏傳曰范鞅過樂射之不中又注則乘槐本而覆又左傳曰駢

絳而止又云駢絳於木而止絳戶卦反顧野王曰絳者
所礙又左傳僖十五年云晉惠公乘小駟戰於韓原晉
戎馬還淳而止秦獲晉侯以歸杜元凱注積甲高昆陽
云淳泥也小駟不調故墮泥中淳乃定反

之城封尸塞富平之水

後漢書曰赤眉降積兵甲宜陽城西與熊耳山等又昆陽之戰

云光武以三千人破尋邑百萬之衆盡獲其輜重車甲
珍寶不可勝算舉之連月不盡或燔燒其餘左傳宣十
二年邲之戰云潘黨曰君盍築武軍而收晉尸以為京
觀楚子曰古者明王伐不敬取其鯨鯢而封之以為大
戮於是乎有京觀以懲淫慝杜預注曰積尸封土其上
謂之京觀括地志云周武王伐紂與八百諸侯會孟津
亦曰盟津又曰富平津水經注曰小平津今河陽津是
也此云封尸塞富平之水者疑引武成師巡孟津之事
以孟津有富平之名故云是矣言周師克齊如光武之破尋邑武王之勝商紂也

莫不如彼建

瓠同斯破竹

漢書高帝紀曰田肯賀上曰陛下治秦中秦形勝之國也帶河阻山持戟百萬秦得

百二馬地勢利使其以兵下諸侯猶居高屋之上建瓴水也如淳曰瓴盛水瓶也居高屋之上而幡瓴水言其

向下之勢易也建音蹇蘇林曰瓴讀曰鈴師古曰建居偃反晉書杜預傳曰今兵威已振譬如破竹數節之後

迎刃而解一朝指揮六合大定阮嗣宗為鄭冲勸晉王賡曰一朝指麾乃封營丘高誘淮

南注曰四方上下為六合是用光昭下武翼亮中都足以摠祖宗之

宿憤解生民之怨黷

按北史魏武帝脩永熙三年高歡入洛周太祖宇文泰迎帝入長安

以雍州公廨為宮是為西魏高歡推清河王亶子善見為主徙都鄴是為東魏及東魏靜帝遜位於齊文宣歡第二子也西魏恭帝遜位於周孝閔帝泰第三子也歷明帝武帝至宣政元年鄴始平是周齊兩國宿有怨讎

自今誅之乃得舒解也詩序曰下武嗣文也云中都者洛陽天下之中本後魏所都自高歡入洛孝武西遷至今始定故云翼亮中都又按後齊有地名中都者隋書地志云冀州太原郡榆次縣後齊曰中都按隋志太原郡後齊并州置省立別宮後周置并州六府後置總管府或此中都亦得稱之燕然山銘曰將上以據高文之宿憤廣雅曰據舒也按據讀方當待彼石閭部斯玉鼓曰舒左氏傳曰君無怨黷

經緯天地光華日月

史記封禪書曰令公玉帶奉祠候神物還泰山修五年之祀如前而

加以禪祠石閭石閭者在泰山下趾南方方士多言此仙人之閭也今云蓋指齊地也玉鼓疑即石鼓郭璞山海經注曰鄴西北有鼓山下有石鼓蓋指鄴地也左氏傳曰經天緯地曰文呂氏春秋虞舜卿雲歌曰日月光華旦復旦兮言平鄴之日深賴於王方當待彼齊國石閭之靈部斯鄴都玉鼓之鄉然後經天緯地其功德所

至當與日既而赤鳥夾日黃熊入寢實沈無祀桑林不
月爭華也

祭

本傳云憲自以威名日重潛思屏退及高祖征北蕃
乃辭以疾尋而高祖崩宣帝忌憲威望遂至加戮此

言疾堯諱之也左傳哀六年曰有雲如衆赤鳥夾日以
飛三日楚昭王卒又昭七年傳曰晉侯有疾夢黃熊入
於寢門子產曰昔堯殛鯀鯀於羽山其神化為黃熊以入
於羽淵實為夏郊三代祀之晉為盟主其或者未之祀
也乎韓子祀夏郊晉侯有間又昭元年傳曰晉侯有疾
卜人曰實沈臺駘為崇史莫之知也子產曰昔高辛氏
有二子伯曰閼伯季曰實沈帝遷實沈於大夏主參參
為晉星由是觀之則實沈參神也又襄十年傳曰宋公
享晉侯於楚丘請以桑林舞師題以旌夏晉侯懼而入
於房去旌卒享而還及著雍疾卜桑林見荀偃士匄欲
奔請禱焉荀偃不可曰我辭禮
彼則以之猶有鬼神於彼加之

宣政元年六月二十八

日薨春秋三十有四

本傳云高祖崩宣帝嗣位以憲屬尊望重深忌憚之令開府于智察

其動靜智就宅候憲因是告憲有謀詔王晚共諸王俱至殿門憲獨被引進帝先伏壯士於別室至即執之憲辭色不挽固自陳說帝使于智對憲憲目光如炬與智相質或謂憲曰以王今日事勢何用多言憲曰我位重屬尊一旦至此死生有命寧復圖存但以老母在堂恐留茲恨耳因擲笏於地乃縊之時年三十五

季友

之亡魯可知矣齊喪子雅姜其危哉

周書史臣曰齊王奇姿傑出獨牢籠

於前載以介弟之地居上將之重智勇冠世攻戰若神敵國繫以存亡鼎命由其輕重比之異姓則方名韓白何以加茲扶震主之威屬道消之日斯人而嬰斯戮君子是以知周祚之不永也左傳閔二年曰季氏亡則魯不昌又曰成季生而有文在其手曰友遂以命之昭三年傳曰齊公孫竈卒司馬竈見晏子曰又喪子雅矣晏

子曰惜也子旗不免殆哉姜族弱矣而媯將
始昌二惠競爽猶可又弱一个焉姜其危哉 公器宇淹

曠風神透遠璣鏡照林山河容納置樽待酌懸鐘聽扣

說文云璣珠之不圓者淮南子曰聖人之道如中衢而
設尊禮記曰善待問者如撞鐘扣之以小者則小鳴扣
之以大則大鳴待其從容而後盡其聲不善答問
者反此也後漢書丁鴻贊曰五更待問應若鳴鐘聲動

天下光照四鄰武皇帝以介弟懿親特垂愛友而密謀

奇策加禮敬焉

武皇帝高祖也高祖為周太祖第四子
憲為第五子故曰介弟左氏傳曰雖有

小忿不廢懿親

常謂左右曰孔子云自吾有回門人日親其齊

王之謂也

史記曰顏回年二十九髮白早死孔子哭之
慟曰自吾有回門人益親也後漢光武亦以

此稱鄧禹矣

用之作宰則萬方協和用之撫軍則四表懾伏

作宰謂拜大冢宰也撫軍謂為大將軍也尚書曰協和萬邦左傳里克曰從曰撫軍尚書曰光被四表

宣

直臯繇為士國無不仁

見論語

隨會為卿民無羣盜

左氏傳曰

晉侯以黻冕命士會將中軍且為太傅於是晉國之盜逃奔於秦

愛翫書籍敦崇禮樂

一作

管絃入耳則谿谷俱調文雅沿心則煙霞並韻養

由百發落雁吟猿應奉五行綈緗縹帙

呂氏春秋曰荆庭有神白猿荆

之善射者莫能中荆王請養由基射由基矯弓操矢而往未之射而括中之矢發之則猿應矢而下則養由基有先中中之矣按落雁乃更羸事此並歸由基總以形其善射也後漢書曰應奉少聰敏凡所經履莫不暗記

讀書五行俱下漢書師古注曰緹厚繒也釋名曰緹桑也如桑葉初生之色也縹猶深淺青色也說文曰快

也書衣

雍容舉止抑揚談論當世以為楷模搢紳以為軌

範

後漢書曰天下楷模李元禮漢書司馬相如曰耆老夫搢紳先生之徒

則少有壯志頗

校兵書玄水降靈穀城授策飛風長柳月角星眉莫不

吟誦在心撰成於手

玄水黑水也山海經西北海有黑水又云大荒之中有人衣青衣名

曰黃帝女魃蚩尤作兵伐黃帝黃帝乃令應龍攻之冀州之野應龍蓄水蚩尤請風伯雨師縱大風雨黃帝乃下天女曰魃雨止遂殺蚩尤按北方黑色故云玄水疑引此事為降靈之事矣又穆天子傳云天子北征東還乃循玄水按此知北方有玄水矣水經注曰穀城有黃石臺黃石公與張子房期處也漢書藝文志有黃帝長

柳占夢十一卷甘德長柳占夢二十卷月角星眉未詳
藝文志稱天文者序二十八宿步五星日月以紀吉凶
之象然此稱月角星眉疑謂射法也新月有如角弓故
云月角又如眉故云星眉星如弧矢之類疑古有以此
名書所未詳矣

所著兵法凡有五卷六韜九法

一作地

不用吳起

舊書三令五申無勞孫武先誠

漢書藝文志曰周史六
弢六篇師古曰即言取

天下及軍旅之事弢字與韜同也九法當是九宮之術
注見是篇銘內漢書藝文志有吳起四十八篇史記曰
吳起衛人也好用兵為衛將擊秦拔五城後事楚南平
百越北并陳蔡却三晉西伐秦又曰孫子武者齊人也
以兵法見於吳王闔廬王出宮中美人得百八十人孫
子分為二隊以王之寵姬二人分為隊長皆持戟約東
既布乃設鈇鉞即三令五申之於是鼓之右婦人大笑
孫子曰約東不明中令不熟將之罪也復三令五申而

鼓之左婦人復大笑孫子曰既已明而不如法者吏士之罪也遂斬隊長二人以徇用其次為隊長復鼓之婦人左右前後皆中規矩無敢出聲於是闔閭知孫子能用兵卒以為將顯名諸侯

可謂有忠孝

馬有壯武馬不自驕矜謙光下物宋人獻玉不貪為寶

伯成子高守仁為富

本傳云子智告憲有謀帝乃遣小冢宰宇文孝伯謂憲曰三公之位

宜屬親賢今欲以叔為太師九叔為太傅十一叔為太保叔以為何如憲曰臣才輕位重滿盈是懼三師之任非所敢當且太祖勲臣宜膺此舉若專用臣兄弟恐乖物議孝伯反命尋而復來曰詔王晚共諸王俱至殿門憲獨被引進執之遂縊死憲懼盈讓爵是其謙讓不貪之處故下云以信致欺也左氏傳曰宋人或得玉獻諸子罕子罕弗受獻玉者曰以示玉人玉人以為寶也故敢獻之子罕曰我以不貪為寶爾以玉為寶若以與我

皆喪寶也不若人有其寶莊子曰堯治天下伯成
子高立為諸侯禹為天子伯成辭諸侯而耕於野不謂

以信致欺為善非樂

悼齊王死非其罪以忠信見戮也後漢書東平王言為善最樂

天

年不享嗚呼哀哉以其年月日葬於石安縣洪濟川之

里原隰悽愴埋於盛德幾年丘陵搖落蘊於良才永矣

爾雅曰高平曰原下濕曰隰廣雅曰小陵曰丘說文解字曰土之高也爾雅釋丘云如陵陵丘郭璞曰陵大阜

也乃為銘曰

悠哉朔方逝矣窮陰山連鳥道

一作

地盡龜林

言其先世居朔

野也爾雅曰悠遠也詩曰城彼朔方毛傳曰北方也尚書牧誓曰逝矣西土之人孔傳云逝遠也逝他歷反爾

雅作邊音暢古文逃也天官書曰西宮昂畢間為天街
其陰陰國其陽陽國言其居北方陰國路極遙遠也史
記曰趙武靈王築長城自代並陰山下至高闕為塞正
義曰地理志朔方臨戎縣北有連山險於長城其山中
斷兩峰俱峻上俗名為高闕也南中志曰鳥道西百里
以其地險絕獸猶無蹊特上有飛鳥之道耳龜林未詳
按子山賀妻慈碑文云至如禪河清論秋水高談故以
辨折龜林聲馳鹿野明是佛教之語西域地也本句經
云昔佛在時有人河邊樹下道學二十年但念六塵心
無寧息佛知可度化作沙門樹下共宿其夜月明龜從
河出野干欲嗽龜縮其頭尾及四足於甲中狗不得便
須臾遠去龜還入水道人見此語沙門曰龜有護命之
鎧野干不能得使沙門答曰世人不如此龜放恣六情
外魔得使又文句云迦葉此翻大龜氏其先代學道靈
龜負仙圖而應從德命族故云龜氏有畢鉢羅父母禱
樹神而生故名畢鉢羅云龜林者疑以樹下見龜又以

命族故稱龜林說文云叢木為林此稱林者如禮重黎林禪林之類地盡龜林言地直通西域之遠也

業大伯翳功深宵其積德必有君臨

言葛烏菟之後普回得璽子孫遂成

帝業也國語曰重黎氏世序天地史記曰楚之先祖重黎為火正又秦本紀曰秦之先大費佐舜調馴鳥獸鳥獸多馴服是為伯翳賜姓嬴氏索隱曰伯翳尚書謂之伯益是也謂宇文氏世德類是其後必君臨天下也

太祖撥亂喪君有君功迴地軸策動天文

謂高歡之亂憲父周太祖

奉魏武帝遷都長安也左氏傳曰晉惠公在秦呂甥曰征繕以輔孺子喪君有君博物志曰地有三千六百軸

天官書曰王良策馬車騎滿野注曰策一星在王良前策動天文者言策馬星動天子出行也猶臨赤

水尚復黃雲諸侯八百天下三分

謂魏帝西遷之後宗社以安天命人心將

歸於周也莊子曰黃帝遊於赤水之北左氏傳曰黃帝氏以雲紀又黃雲虞舜之瑞劇秦美新曰黃瑞湧出周本紀曰武王東伐盟津公之挺生實惟天假翠微神降諸侯叛殷會周者八百

文昌星下

此下序齊王憲也翠微即紫微春秋合誠圖云紫微大帝室太一之精也本序降太一之

神下文昌之宿此稱翠微神降文昌星下其義同也又按爾雅釋山未及上翠微注云近上旁坡疏謂未及項上在旁坡陀之處名翠微豈以憲爵居王位未及頂上故避紫微之名而稱之耶

照於四國克

於兩社舟楫江河棟梁華夏水湧詞鋒風飛文雅

左氏傳曰

成季之將生也桓公使卜楚丘之父卜之曰間於兩社為公室輔社注曰周社亳社兩社之間朝是執政所在也漢書賈誼曰是猶渡江河亡維楫師古曰楫所以刺船也班彪王命論曰橐稅之材不荷棟梁之任閔元年

左傳曰諸夏親暱襄四年傳魏絳曰諸華必叛注云華夏皆謂中國論語正義曰夏大也言有禮義之大有文章之華也曾子建王仲宣誄曰文若春華思若湧泉陸士衡文賦曰思風發於胸臆言泉流於脣吻純深之性義極天經忠貞之道事感百靈君親惟一臣子惟

寧忠泉出井孝笋生庭

本傳云憲所生母連步千氏茹茹人也建德三年冊為齊國太

妃憲有至性事母以孝聞太妃舊患風熱屢經發動憲衣不解帶扶持侍左右憲或東西從役每心驚其母必有疾乃馳使叅問果如所慮西征賦曰稅侯之忠孝淳深孝經曰孝天之經也東都賦曰懷百靈後漢書耿恭傳曰匈奴攻恭於城下擁絕澗水恭於城中穿井十五丈不得水吏士渴乏恭整衣服向井再拜為吏士禱有頃水泉奔出眾皆稱萬歲楚國先賢傳曰孟宗字恭武至孝母好食笋宗入林中哀號方冬笋為之出因以供養

時人以為孝感所致乃宰天官為國之輔是居上將為天之柱謂憲

為冢宰也周禮天官冢宰之職上將文昌六星中名也

晉書天文志曰三台六星兩兩而居起文昌列抵太微

一曰天柱三公之位也乃聖乃神惟文惟武策高開闢威移雲雨

此下序東九宮神略三術謨明天離轉戰月德迴兵易

討之師也

鑿度曰太一取其數以行九宮鄭康成注曰太一者北

斗神名也下行八卦之宮每四乃還於中央中央者北

辰之所居故謂之九宮天數大分以陽出以陰入陽起

於子陰起於午是以太一下九宮從坎宮始自此而從

於坤宮又自此而從於震宮又自此而行於巽宮所以

行半矣還息於中央之宮既又自此而從於乾宮又自

此而從於兌宮又自此而從於艮宮又自此而從於離

宮行則周矣上遊息於太一之星而反紫宮行起從坎

官始終於離宮也班固答賓戲曰商鞅挾三術以鑽孝公服虔曰王霸富國強兵為三術李周翰曰三術謂帝道王道霸道而商君說秦孝公用此三術孝公用其霸術也書云謨明弼諧天離注見序文漢書曰匈奴舉事常隨月盛滿以攻戰月虧則退兵又陰陽雜書有天德月德黃道赤道之說言憲從高祖東征大克齊師也

黎陽水駭官渡山驚冀州既載東原底平

謂平郡也臣瓚曰黎陽在

魏郡劉楨鄴中詩曰北渡黎陽津銑曰謂從太祖征袁紹也文穎曰滎陽鴻溝即今官渡水也後漢書曰建安五年曹操與袁紹戰於官渡紹敗走禹貢曰冀州既載又云東原底平孔傳曰冀州堯所都也正義曰東原即今之東平郡也按冀州時大半屬於後齊太原為後齊別都蓋指齊地言大兵至鄴水駭山驚戰勝之後乃底定
溟波欲運弱木將危中峰岳斷半海鵬垂
悼憲功業方大而中

途摧折也莊子曰是鳥也海運則將徙於南溟南溟者
天池也弱木即若木山海經曰灰野之山有赤樹青葉
赤花名曰若木春秋漢舍孽曰三公象五岳在天法三
能台能同庾翼晉陽秋曰張華將死中台星遂圻莊子
曰鵬之背不知其幾千里也
怒而飛其翼若垂天之雲
鳳沈丹穴龍亡黑陂臨淄

廢市東武山移千秋萬古英靈在斯
謂憲死時人知其
寃酷所屬吏民皆

傷之也山海經曰丹穴之山有鳥名曰鳳凰史記封禪
書曰昔秦文公出獵獲黑龍此其水德之瑞鳳沈龍亡
以喻憲之死也地理志曰齊郡有臨淄縣吳越春秋曰
范蠡作城訖瑯琊東武海中一自來百姓怪之因
名怪山後漢書郡國志曰清河國有東武城濟南王安
子康為東武城侯注云今貝州武成縣是千秋二語言
憲雖死功業
自足不朽也

周太子太保步陸逞神道碑

公諱逞字季明本姓陸吳郡

一有人也

吳字

周書列傳曰陸通弟逞初名彥

字世雄本姓陸後賜姓步陸孤氏魏文帝嘗從容謂之曰爾既溫裕何因乃字世雄且為世之雄非所宜也於

爾兄弟又復不類遂改焉

君子至止既紹虞賓鳳凰于飛實興齊國

序陸氏得姓之始也陸氏本媯姓齊田氏之後蓋虞舜之苗裔也史記索隱注曰陸氏譜云齊宣公子達食采於陸號曰陸侯達達生發發生皋適楚賈其孫也一云陸渾氏之後此言虞賓齊國蓋宗陳田也詩云君子至止鸞聲鏘鏘尚書曰虞賓在位左氏傳曰陳公子完奔齊初懿氏卜妻敬仲其妻占之曰吉是謂鳳凰于飛其鳴鏘鏘有媯之後將育于姜五世其昌並於正卿八世之後莫之與京及陳之初亡也陳桓子始大於齊其後

亡也成子得政杜注云成子田常也敬仲八世孫史記曰田常曾孫和始為諸侯遷康公海濱康公卒呂氏遂絕其祀田氏南越使者解漢帝之衣西陵將軍覆吳王卒有齊國

之蓋

漢書陸賈傳曰中國初定尉佗平南越因王之高祖使賈賜佗印為南越王賈至今稱臣奉漢約歸

報高帝大悅拜賈為太中大夫孝文即位欲使之南越丞相平乃言賈為太中大夫往使尉佗去黃屋稱制又

南越王傳曰文帝召賈為太中大夫使賜佗書上楮五十衣中楮三十衣下楮二十衣遺王師古曰以綿裝衣

曰楮上中下者綿之多少厚薄之差也吳志曰陸遜振旅武昌權令左右以御蓋覆遜入出殿門凡所賜遜皆

御物上珍於時莫與為比遣還西陵黃龍元年拜上大將軍右都護曾祖載為宋王司馬

留鎮關中赫連之亂仗劔魏室黃河叅凌或亡追路烏

江艤船更無歸迹今為河南洛陽人也

暹兄陸通傳曰曾祖戴從宋武

帝平關中還留戴隨其子義真鎮長安遂沒赫連氏魏太武平赫連氏載仕魏任中山郡守漢書曰陳平間行仗劍士降漢史記曰項羽欲東渡烏江烏江亭長檣船待如淳曰南方人謂整船向岸曰檣

高祖冠

軍將軍營州刺史

隋志後魏置營州於和龍城

吳人有降附者悉領

為別軍自是官帥擁鐸更為吳越之兵君子習流別有

樓船之陣

謂吳人降附皆領別軍故魏軍中有吳師也國語曰吳王夫差出軍與晉爭長昏乃戒夜

中令服兵擐甲陳士卒官帥擁鐸建祀姑此吳軍容之舊制也吳越春秋曰句踐復問范蠡曰可伐矣乃發習

流二千人俊士四萬諸御千人以與吳戰遂虜殺太子入吳焚姑胥臺

父政驃騎大將軍

儀同三司恒州刺史中都獻公

陸通傳云父政性至孝其母吳人好食魚北方

魚少政求之常苦難後宅側忽有泉出而有魚遂得以供膳時人以為孝感所致因謂泉為孝魚泉初從爾朱

天光討罰及天光敗歸文帝文帝為行臺以政為行臺左丞原州長史賜爵中都縣伯大統中卒漢書地理志

中都屬太原郡太祖扶危濟傾經綸夷阻報君之恥遠襲平原

太祖周文帝宇文泰也時高歡既破爾朱遂有異志賀拔岳軍西次平涼為侯莫陳悅所害悅附高歡不肯應

召太祖馳赴平涼斬侯莫陳悅所謂報君之恥遠襲平原是也原州即其地矣以高平霸業所

基委命留事

謂以政為原州長史也周書本紀云賀拔岳既為侯莫陳悅所害太祖將赴之夏州

吏民咸泣請曰聞悅今在永洛去平涼不遠若已有賀拔公之衆則圖之實難願且停留以觀其變太祖曰悅

既害元帥自應乘勢直據平涼而反趙起屯兵永洛吾知其無能為也遂進軍至原州太祖為行臺政為長史知其霸業所聞中餽食非直滎陽之師河內供軍豈但基重任也

淇園之竹

史記曰漢與楚相守滎陽數年軍無見糧蕭何轉漕關中給食不後漢書曰光武南定

河內拜恂河內太守行大將軍事光武於是復北征燕代恂移書屬縣講兵肄射伐淇園之竹為矢百餘萬以給軍前書音義曰淇園衛之苑多竹篠也言公秉照晉太祖以政為長史餽食供軍如蕭何寇恂矣

疑作之靈降明神之德猛虎振檻七年不驚羝羊觸蕃

九齡能對

竹林七賢論曰王戎幼而清秀魏明帝於宣武場上為欄苞虎阱使力士袒褐與之搏縱

百姓觀之戎年七歲亦往觀馬虎乘間薄欄而吼其聲震地觀者莫不辟易顛仆戎亭然不動帝於門上見之

使問姓名而異之。羝羊觸藩羸其角。易大壯九三爻辭。荀爽曰：三與五同功為兌，故曰羊終始陽位，故曰羝。藩謂四也。三欲觸四而危之，四反羸其角，角謂五也。揚雄別傳曰：揚信字子烏，雄第二子，幼而聰慧，雄疑羝羊觸藩，彌日不就。子烏曰：大人何不云荷戟入榛，揚子法言曰：育而不苗者，其吾家之童烏乎？九齡而予我以玄文。

諸兄以公先君愛子稱之曰仁推而襲封

本傳云：暹少謹密，早有名。

譽兄通先以軍功別受茅土，乃讓父爵中郡縣伯。令暹襲之，起家羽林監。左傳：公族穆子曰：請立起也。與田蘇

遊而曰好仁

雖復季末大成之心守節

疑作季末天成乃心守節，當謂去爾朱氏。

而就周太祖言，雖遇季世而心能守節也。按暹兄陸通傳云：通從爾朱榮榮死，又從爾朱兆及爾朱氏滅，乃入關。文帝引為帳內督，疑暹亦與焉。且暹父政亦從天光敗後歸文帝，而本傳無聞稱其守節，當謂未從爾朱也。

事在襲封前而

既遭燻穴翻從壓紐

亦謂爾朱氏滅逞得歸文帝也淮南

子曰越王翳逃入山穴

越人燻而出之哀江南賦云剖巢燻穴左氏傳曰楚平王再拜皆壓紐蓋謂爾朱之敗

為燻穴得從文帝

為當壁之君矣 太祖初封函谷始合諸侯以公辭令

叅謀機密故得戎政克宣師言無漏

本傳云文帝內親信時輩皆以驍勇

自達惟逞獨兼文雅帝由此加禮過馬大統十四年叅大丞相府軍事尋兼記室左氏傳曰齊寺人貂始漏師

於多 賜姓步陸孤氏

事見陸通傳

委鹿輅而論都入鴻門而

舞劔方之吹律綽有餘榮

漢書曰婁敬脫輓輅見齊人虞將軍虞將軍入言名見說

上曰陛下都洛不使不如入關據秦之便上問張良良因勸上是日車駕西都長安上曰本言都秦地婁敬婁

者劉也賜姓劉氏拜為奉春君蘇林曰一木橫鹿車前
一人推之孟康曰輅音胡格反輓音晚索隱曰輓者牽
也輅者鹿車前橫木二人前輓一人後推之又曰沛公
從百餘騎見羽鴻門羽留沛公飲范增令項莊入以劍
舞因擊沛公莊入為壽因拔劍舞項伯亦起舞常以身
翼蔽沛公得免賜姓劉氏潛夫論曰古人始生吹律定
其姓名漢書曰京房本姓李氏吹律定姓為京氏言步
陸孤賜姓若婁敬項伯為從龍應運之臣榮於吹律定
也姓

出身羽林監輕車將軍除尚書右丞官聯會計務應

平準水衡貫朽長平粟

紅趙氏孟子注曰孔子主委積倉庾之吏不失會計當直其

多少而已史記有平準書漢書注曰水衡與少府皆天子私藏三輔黃圖有長平倉漢書曰太倉之粟紅腐而不可食
授使持節車騎大將軍儀同三司增邑千戶尋遷

駕部中大夫領吏部中大夫歷蕃部御伯東京鼎實先

加鄧騭之勲西晉官人多用山濤之啓

後漢書曰鄧騭字昭伯女弟為

貴人立為和熹皇后延平元年拜騭車騎將軍儀同三司自騭始也陽帝崩太后與騭定策立安帝永初元年封騭上蔡侯食邑萬戶以定策功增三千戶騭辭讓上疏至於五六乃許之晉書曰山濤為吏部尚書所奏甄拔人物各為題目
豈若五王登朝必司賓主之禮六龍

時稱山公啓事

御轡取定鸞和之節

首語謂領蕃部也次語謂領駕部也按蕃部之職如古典容鴻臚掌

四方歸義蠻夷實司賓禮者也云五王登朝者當引漢書匈奴傳五單于事謂呼韓邪單于屠耆單于呼揭單于車犁單于烏藉單于凡五王也甘露三年單于朝甘露宮漢寵以殊禮矣漢書禮樂志曰六龍之調使我心

若左傳錫鸞和鈴昭其聲也杜注曰鸞在鑣御正以官和在銜按駕部掌車與牛馬等物故云是矣

觸父名不拜

周書明帝紀云武成元年八月增御正四人為上大夫按送父名政故御正之官為

觸父名矣會稽有王會之名其子不為太守博陵有王沈之

封其兒不為刺史

晉書曰王舒字處明丞相導之從弟也父會侍御史舒代鄧攸為尚書僕

射時將徵蘇峻司徒王導欲出舒為外援乃授撫軍將軍會稽內史秩中二千石舒上疏辭以父名朝議以字

同音異於禮無嫌舒復陳音雖異而字同求換他郡於是改會字為鄧舒不得已而行又曰王沈字處道太原

晉陽人初封博陵侯及武帝受禪以使命之勲封博陵郡公子浚字彭祖出補河內太守以郡公不得為二千

石轉東遷驃騎大將軍開府入掌納言治司宗伯儀漢官曰

尚書唐虞官也龍作納言出入帝命周禮云春官宗伯本傳從授司宗中大夫故云又為軍司馬

職居常伯勤問於南宮位管王言連官於北斗漢官儀曰侍中

周成王常伯任侍中殿下稱制出即陪乘後漢書曰肅宗詔賈逵入講尚書南宮雲臺禮記曰王言如絲其出

如綸晉書天文志曰紫宮垣在北斗北門內東南維五星曰尚書主納言夙夜諮謀龍作納言此之象也 豈

止郊天祀地龍門峽谷之聲贊鼓頌旗白露涼風之月

上語謂宗伯之職也下語謂軍司馬之職也周禮大宗伯之職云掌建邦天神人鬼地示之禮又云冬日至於地上之園丘奏樂六變則天神降夏日至於澤中之方丘奏樂八變則地示出又云龍門之琴瑟鄭注曰龍門山名呂氏春秋曰黃帝使伶倫自大夏之西崑崙之陰取竹之嶰谷生其竅厚薄均者斷兩節間而吹之以為

黃鐘之管制十二筩以聽鳳凰之鳴雄鳴六雌鳴六以
為律呂周禮曰司馬以旗致民平列陳如戰之陳辨鼓
鐸鐳鏡之用淮南子曰孟
秋之月涼風至白露降
暗夜有人餉羅數十匹公閉

門不受行人干觸具以聞奏朝野稱之太尉楊震直推

故吏之金涼州張奐高揖羌人之馬清畏人知我無慙

德

本傳云暹幹識詳明歷任三府所在著績朝廷嘉之
進爵為公後漢書曰楊震字伯起時號關西孔子暹

荆州刺史東萊太守當之郡道經昌邑故所舉荆州茂
才王密為昌邑令謁見至夜半懷金十斤以遺震震曰
故人知君君不知故人何也密曰暮夜無知者震曰天
知地知我知子知何謂無知密愧而出又曰張奐字然
明敦煌酒泉人遷安定屬國都尉使南匈奴不得交通
東羌諸豪遂相率與奐和親共擊尊鞬等連戰破之郡

界以寧羌蒙帥感與恩德上馬二十疋先零酋長又遺金鍊八枚與並受之而名主簿於楮先前以酒酌地曰使馬如羊不以入廐使金如粟不以入懷悉以金馬還之晉陽秋曰胡威字伯虎淮南人父質以忠清顯威為徐州世祖賜見與論違事及平生帝歎其父清因謂威曰卿清孰與父對曰臣清不如也帝曰何以為勝汝耶對曰臣父清畏人知臣清畏人不知是以不如遠矣

齊國通和封人受使以公有

出境之才見命張壇之禮既珠盤插血定楚國之連名

七首登壇反齊人之侵地是謂使乎固稱光國

本傳云天和三年

年齊遣侍中斛斯文略中書侍郎劉逖來聘初修鄰好威進行人詔逞為使主尹公正為副以報之逞美容止善辭令敏而有禮齊人稱焉還屆近畿招定路車飾服郊迎而入時人榮之儀禮曰使者及境張壇乃謁關人

周禮曰玉府若合諸侯則共珠槃玉敦鄭注曰敦槃類珠玉以為飾古者以槃盛血以敦盛食合諸侯者必割牛耳取其血執之以盟珠槃以盛牛耳尸盟者執之故書珠為夷鄭司農云夷槃或為珠槃玉敦押血玉器史記曰秦之圍邯鄲趙使平原君求救合從於楚平原君與楚合從言其利害日出而言之日中不決十九人謂毛遂曰先生上毛遂按劍歷階而上謂平原君曰從之利害兩言而決楚王叱遂遂按劍而前曰十步之內王不得恃楚國之衆命懸遂手吾君在前叱者何也以楚之強天下弗能當白起小豎子耳率數萬之衆以與楚戰一戰而舉邯鄲再戰而燒夷陵三戰而辱王之先人合從者為楚非為趙也吾君在前叱者何也楚王曰唯唯誠若先生之言謹奉社稷以從毛遂曰從定乎楚王曰定矣毛遂謂楚王之左右曰取雞狗馬之血來毛遂捧銅盤而跪進之遂定從於殿上楚魏救至秦兵遂罷又刺客傳曰曹沫魯人也齊桓公與莊公既盟於壇上

曹沫執匕首劫齊桓公曰魯弱齊強而大國侵魯亦以甚矣今魯城壞即壓齊境君其圖之桓公乃盡許歸魯之侵地曹沫三戰所亡地盡復于魯索隱曰七音比劉氏云短劍也鹽鐵論以為長尺八寸其頭類七故云七也

首也 三輔公侯五陵鐘鼎銅街柳市塵起風飛乃授京兆尹增邑通前一千六百戶餘官如故

本傳云四年除京兆尹三輔黃圖曰

武帝太初元年改內史為京兆尹與左馮翊右扶風謂之三輔其理俱在長安古城中西都賦曰北眺五陵西京賦曰擊鐘鼎食沈約麗色賦曰狹邪才女銅街麗人黃圖曰長安有九市郡國志曰長安大俠黃子夏居柳市王仲宣雜詩曰風飄揚塵起白日忽已冥呂向曰風起舉揚塵埃喻兵戈暴起也

上林兵息蘭

池盜靜不學王陽平生鑄金之術未同張敞終日章臺

之遊

言逞為京兆尹有美政也本傳云逞為京兆尹都

界有豕生子經旬而死其家有殯遂乳養之諸豚

賴之以活時論以逞仁政所致漢舊儀曰上林苑方三

百里苑中養百獸天子秋冬射獵取之三輔黃圖曰蘭

池宮始皇三十一年為微行咸陽與武士四人俱夜出

逢盜蘭池漢書曰王陽雖儒生自寒賤然好車馬衣服

極為鮮好而無金銀文繡之物及遷徙去官處所載不

過囊衣不蓄餘財去位家居布衣蔬食天下服其廉而

怪其奢故俗傳王陽能作黃金又張敞傳曰敞為京兆

朝廷每有大議引古今處便宜公卿皆服天子數從之

然敞無威儀時罷朝會過走馬章
臺街使御史驅自以便面拊馬
家僮暮行還得遺錢

於道并白絕十匹公訪得其主即以還之見金於路指

以示人得錢於道持留掛樹方之今日異代同風

皇甫
溢高

士傳曰延陵季子出遊見道中有遺金顧披裘公曰取彼金公投鏤瞑目拂手而言曰何子處之高而視人之卑五月披裘而負薪豈取金者哉季子驚謝郤原別傳曰原嘗行而得遺錢拾以繫樹枝此錢既不見取而繫錢者愈多俄遷司會治小司馬重總六軍再操八柄考謂之神樹

績入於歲成論功書之年表

本傳云俄遷司會中大夫出為河州刺史晉公護雅

重其才表為中外府司馬頗委任之尋復為司會兼納言遷小司馬周禮鄭注云天子六軍周禮大宰之職以八柄詔王馭羣臣一曰爵二曰祿三曰予四曰置五曰生六曰奪七曰廢八曰誅遲前已為軍司馬今為司會中大夫復為司會遷小司馬故云重總六軍再操八柄也尚書曰三載考績黜陟幽明史記有功臣年表及將相名臣
尋授都督宜州諸軍事宜州刺史

本傳云護誅免官頃之起

為納言又以疾不堪任乃除宜州刺史周書太祖紀云
魏廢帝三年改北雍州為宜州隋志云京兆郡華原縣

後魏置北雍州
西魏改為宜州
露冕觀風停車待雨百城解印憚朱穆

之威千里相迎愛王基之德

益都耆舊傳曰郭賀拜荆
州刺史明帝巡狩至南陽

特見嗟嘆賜以三公之服黼黻旒冕勅去愴露冕使百
姓見此衣服以章其德後漢書曰鄭弘為淮陰太守行

春大旱隨車致雨又朱穆傳曰順帝末江淮盜賊羣起
州郡不能禁梁冀辟之使典兵事永興元年冀州盜賊

尤多故擢穆為冀州刺史州人有宦者三人為中常侍
並以檄謁穆穆辭之疾不相見冀部令長閭穆濟河解

印綬去者四十餘人及到奏劾諸部至有自殺者以威
略權宜盡誅賊渠帥舉劾權貴或死獄中魏志曰王基

字伯與東萊曲城人也黃初中察孝廉除郎中是時青
土初定刺史王浚特表請基為別駕後召為祕書郎浚

欽定四庫全書

庚子山集
卷十三

五十六

復請還司徒王朗辟基浚不達朗書劾之大將軍司馬
宣王辟基未至擢為中書侍郎按選蒞任宜州未久請
停即被勅追還如公叔之始
及濟河伯與之歷經辟召矣
會未暮月被救追還眷眷

吏民不無河內之請依依故老實念黎陽之別

本傳除
宜州刺

史故事刺史奉辭例備鹵簿選以時屬農要奏請停之
武帝深嘉馬詔遂其所請以彰雅操選在州有惠政吏
人稱之後漢書曰寇恂拜河內太守恂至潁川盜賊悉
降而竟不拜郡百姓遮道曰願從陛下借寇君一年乃
留恂又鄧訓傳曰訓撫接邊民為幽部所歸遷護
烏桓都尉黎陽故人多攜將老幼樂隨訓徙邊
少陽

養德前星守器尊師讓齒必俟賢能乃授太子太保

本傳

云東宮初建投太子太保顏延年曲水詩序曰正體毓
德於少陽李善注云少陽東宮也周禮鄭注曰東郊少

陽諸侯象也。星經曰：心三星，中天王，前為太子，後為庶子。故曰：前星尊師，師如太保、太傅、太師、少保、少傅、少師也。讓齒按禮：太子入學，以年大小為次，不以天子之子為上。方之劉寔，道高於大邦。

譬以山濤榮深於小輦。

晉書曰：劉寔字子真，平原高唐人，也為國子祭酒、散騎常侍、愍

懷太子初封廣陵王，高選師友，以寔為師。元康中，進爵為侯，累遷太子太保。太安初，寔以老病遜位，賜安車駟馬。以侯就第，又曰：山濤字巨源，河內懷人也。咸寧初，轉太子少傅，加散騎常侍，除尚書僕射，加侍中、領吏部。居選職十有餘年，濤以老疾固辭，不許。帝嘗講武於宣武場，濤時有疾，詔乘步輦從，因與盧欽論用兵之本。於時咸以濤不學，孫吳而間與之。本有消渴之疾，常餌金石，合帝稱之曰：天下名言也。

自理舊疾，微增奄捐館舍。茂陵之下，不留封禪之書校。

欽定四庫全書

庚子山集
卷十三

五十七

尉之營惟餘服食之器

西京雜記曰長卿素有消渴疾及還成都悅文君之色遂以發

痼疾漢書司馬相如傳曰相如既病免家居茂陵天子曰相如病甚可往悉取其書若後失之矣使所忠往而相如已死家無遺書問其妻曰長卿未死時為一卷書有使來求書奏之其遺札書言封禪事所忠奏焉天子異之後漢書曰宣秉字巨公馮翊雲陽人遷司隸校尉秉性節約常服布被蔬食瓦器帝嘗幸其府舍見而嘆曰楚國二龔不如雲陽宣巨公即賜布帛帳什物四年拜大司徒司直六年卒於官帝愍惜之

哉春秋四十有七建德二年五月十一日也天子以大

臣之喪躬輟聽訟東朝以師傅之尊親臨攢祭

東朝謂太子也

震主東方故曰東朝

詔贈大將軍

本傳同

諡某公禮也以今三年正

月十日葬於京兆之高陽原夫人郁久閭

郁久閭蠕蠕國姓也北史

曰蠕蠕姓郁久閭氏始神元之末掠騎有得一奴髮始齊眉亡本姓名其主字之曰木骨閭木骨閭者首禿也

木骨閭與郁久閭聲相近故後子孫因為氏齊神武娶蠕蠕公主郁久閭氏魏景穆皇后亦郁久閭氏蠕蠕

強盛與西魏通和故得婚也逞之夫人當亦蠕蠕公主故下云王姬矣

西遇王姬愛敬肅

恭言容令淑有聞箴盥無廢絃

禮記曰右佩箴管線

曰奉匱沃盥杜云器也盥古緩反又左傳曰銜統絃從下而上者紼冠上覆列女傳敬姜曰公

侯之夫人加之以絃

爰在盛年先從大夜今節婦開墳松柏已

拱季孫成寢丘陵始同

史記曰公子重耳謂季隗曰待我二十五年不來而後嫁對曰

二十五年不來吾墓上柏大矣禮記曰季武子成寢杜氏之喪在西階之下指合葬焉許之况復圖

畫賢妃方在甘泉之室瘞埋才子即用高陽之原

上謂郝久

閭下謂逞也漢書曰金日磾母教誨兩子甚有法度上聞而嘉之病死詔圖畫於甘泉宮署曰休屠王閼氏日磾每見畫常拜嚮之涕泣然後乃去又曰李夫人少而早卒上憐閼氏圖畫其形於甘泉宮左氏傳曰高陽氏有才子八人後漢書曰荀氏有子八人

公儀表外明風

神內照器量深沈階基不測事君惟忠事親惟孝言為

世範行為士則

陳仲弓碑文辭也

留連墳素怡悵文詞

素即素左氏傳

曰三墳五典八索九丘宋玉高唐賦云怡悵自失李善注云王逸楚辭注云怡悵恨貌

霜府錄於

尚書天官總於司會出入匡贊常帶數職身具六龜腰

恒四綬

周禮天官冢宰有司會之職鄭注曰會大計也司會主天下之大計計官之長若今尚書出入

匡贊常帶數職者謂速駕部領兵部歷蕃部及遷驃騎掌納言司宗伯又為軍司馬也又遷司會任河州表中外府司馬復為司會兼納言遷小司馬是其常帶數職有六龜四綬之集矣漢舊儀曰銀印背龜紐其文曰章謂刻為某官之章也董巴輿服志曰古者君臣佩玉尊卑有序及秦以采組連結於綬謂之綬漢承秦制

平密謀既非天子所見苟或上策又非諸侯所聞

漢書曰高

祖至平城為匈奴所圍七日用陳平祕計得出應劭曰陳平使畫工圖美人間遣人謂閼氏云漢有美女如此今皇帝困厄欲獻之間氏畏其奪已寵謂單于曰漢天子亦有神靈得其主地非能有也於是匈奴開其一角

得突出鄭氏曰以計鄙陋故不傳師古曰應氏之說出桓譚新論蓋譚以意測之事當然耳非記傳所傳也魏志曰荀彧字文若潁川潁陰人也勸太祖至洛陽奉迎天子進為漢侍中守尚書令常居中持重太祖雖征伐在外軍國事皆與彧籌焉與紹連戰太祖保官渡紹圍之太祖軍糧方盡書與彧議欲還許以引紹用彧言遂以奇兵襲紹斬淳于瓊等紹退走許攸叛紹顏良文醜臨陣授首田豐以諫見誅皆如彧所策彧別傳曰彧自為尚書令常以書陳事臨亮皆焚毀之故奇策密謀不得盡聞也

其為郡也惟取赤土

封書其為州也惟以青鹽換粟

東觀漢記曰鄧訓好青泥封書黎陽故吏載青

泥一襪至上谷遺訓又西京雜記曰漢朝中書以武都紫泥為墮室加綠緋其上魏志曰徐邈為涼州刺史使持節領護羌校尉至值諸葛亮出祁山隴右三郡反邈輒遣叅軍及金城太守等擊南安賊破之河右少雨常

苦乏穀邀上修武成酒泉鹽池以收庸穀漢書地理志云朔方縣有青鹽澤魏土地記云朔方縣有大鹽池其鹽大而青白名曰青鹽又名戎鹽留家則千樹無資遺子則一經而已

習鑿齒襄陽耆舊傳曰吳李衡字叔平襄陽人習竺以女英習配之漢末為丹陽太守衡每欲治家事習不聽後密遣客十人往武陵龍陽汎洲上作宅種橘千株臨死勅兒曰汝母每怒吾治家事故窮如是然吾州有千頭木奴不責汝食歲上匹絹亦當足用耳衡既亡後二十餘日兒以白英習曰此當是種樹也汝家失十客來七八年必汝父遺為宅汝父恒稱太史公言江陵千樹橘當封君家吾答云士患無德義不患不富若貴而能貧方好爾漢書韋賢傳曰自韋孟至賢凡五世賢少子玄成復以明經歷位至丞相故鄒魯諺曰遺子黃金滿籬不如一經

嫡子操

本傳子操嗣

至性過禮純孝不遺

疑作匪左氏傳曰類

考叔純孝也詩曰孝思不匱

墳前之樹染淚者先枯庭際之禽聞悲

者則下

千寶搜神記曰王裒字偉元元城營陵人父儀為文帝所殺裒廬於墓側旦夕常至墓所拜跪

攀柏悲號涕泣著樹樹為之枯又曰鄭弘遷臨淮太守郡民徐憲在喪致哀有白鳩巢戶側弘舉為孝廉朝廷稱為白鳩郎陸機周處碑文云墳前之樹淚染先枯庭際之禽聞悲乃下銘曰

山連日觀水枕滇機富春沙起開陽柱飛

言陸氏之先系出齊田後

遼楚國又為吳人及歸魏居洛陽也應劭漢官儀曰泰山東南山頂名曰日觀雞一鳴時見日始欲出長三丈許故以名焉按泰山日觀在齊地言陸氏之先出自齊國故山連日觀也水枕滇機謂楚地按史記楚威王使莊路循江上略至滇池滇楚接界故水枕其流矣言陸氏自齊適楚為楚人也郡國志富春屬吳郡吳志曰黃

初五年秋分三郡惡地十縣置安東郡治富春以全珠
為太守平討山越水經注曰浙江東北逕富春縣江南
有山孫武皇之先所葬也浙江又逕越王允常冢北句
踐都瑯琊欲移允常冢冢中生風飛沙射人遂止富春
沙起是其事也吳時丹陽吳會山民為寇據分三郡險
地為安東郡富春乃是一郡統率諸縣故得稱富春沙
起也應劭漢官儀曰開陽門始成未有名夜有一柱來
樓上瑯琊開陽縣上言縣南城門一柱飛去光武使視
之因刻記其年月日以名門焉後漢書百官志洛陽城
十二門有開陽門二語喻陸氏本吳人富春屬吳今為
河南洛陽人開陽門
在洛陽若飛柱矣 大夫屈節將軍振威南越受吏西

陵解圍

大夫謂陸賈為南越使者將軍謂
陸避為西陵將軍也注見本序

昔我烈祖垂

翅秦中白馬無路烏江不通笛吟鄉里琴哀土風

謂逞
祖載

留關中沒赫連氏不得歸吳遂居洛陽也後漢書馮異傳璽書勞異曰始雖垂翅回溪終能奮翼灑池史記高祖本紀云劉賈將騎二萬人時數百渡白馬津索隱曰即黎陽津也南界東郡白馬縣史記曰項羽敗至烏江曰天之亡我何渡為向子期思舊賦序曰鄰人有吹笛者發聲寥亮連思曩昔遊宴之好感音而嘆左氏傳曰晉侯見鍾儀使與之琴操南音范文子曰樂操土風不忘舊也

營州恒州擁旄世載壯

節旃衿人雄關塞

營州當謂戴仕魏為中山郡守也恒州謂政為恒州刺史也史記正義曰

旄節者編毛為之以象竹節

直河穿趙平雲臨代生謂立功沒為留

愛

恒州在趙代之間即漢之恒山郡依恒山為名左氏傳曰其次立功又曰子產古之遺愛也言政為刺史

於州郡之內立功遺愛也

降茲嶽瀆誕此貞明祥符雲氣慶合星精

謂送之生為天地之所鍾靈也尚書孔安國傳曰四獄
視公四瀆視伯史記天官書曰卿雲見喜氣也列仙傳
曰東方朔為
歲星之精
宮帷定策殿柱書名忠泉暗漏孝笋寒生

宮帷定策即序中鄧騭事殿柱書名漢田鳳
世屬殷周
事忠泉耿恭事孝笋孟宗事皆注見前篇

時逢楚漢天下三分鴻溝一半
世屬殷周以魏周比殷
周以太祖比文王也

故云天下三分時逢楚漢以齊周比楚
漢本東西魏也魏分東西若割鴻溝矣
以我明略來叅

匡贊日乃再中天成兩旦
謂送叅謀機密周之帝業以
成如殷日再中堯華復旦也

史記封禪書曰新垣平言日再中居頃之日却復中
虞舜卿雲歌曰日月光華旦復旦兮見呂氏春秋
述

叅三事歷副六卿天師
一作
光宅地載謨明
詩云三事
大夫又左

氏傳曰六府三事謂之九功正德利用厚生謂之三事
六卿周禮冢宰司徒宗伯司馬司寇司空是也逞為吏
部中大夫及小司馬未居正卿又歷諸部故云
遊參歷副矣尚書曰光宅天下又曰謨明弼諧
春官定

禮夏官治兵識言默識溫樹無名

春官謂宗伯也夏官謂司馬也後漢書竇

融傳云融上疏曰臣融年五十三有子年十五質性頑
鈍臣融朝夕教導教以經義不得令觀天文識記漢書
曰孔光沐日歸休與兄弟妻子燕語終不及朝省政事
或問光溫室省中樹皆何木也光默不應更荅以他語
其不泄謙恭周密言行無乖忠公兕殪陰德蛇埋
漢書

如此
安世以謹慎周密自著晉語叔向曰昔吾先君唐叔射
兕於徒林殪以為太甲以封於晉韋昭曰兕似牛而青
善觸人徒林林名一發而死曰殪甲鎧也列女傳曰孫
叔敖為嬰兒之時出遊見兩頭蛇殺而埋之歸見其母

而泣馬母問其故對曰吾聞見兩頭蛇者死今出遊見
之其母曰蛇今安在對曰吾恐他人復見之殺而埋之
矣其母曰汝不死矣夫有陰德者陽報之德勝百祥仁
除百禍天之處高而聽卑書不云乎皇天無親惟德是
輔爾默矣必興於楚及叔教長為令尹軍國紛總部領填堦一作馬不入

廐金不入懷

言歷任諸部事繁遲有清聲也馬不入具廐金不入懷後漢張奐事注見本序

瞻惟德高山惟仰甲觀初登龍樓初上東國桓榮西京

疎廣

謂暹為太子太保也詩曰民具爾瞻又曰高山仰止三輔黃圖曰太子宮有甲觀畫堂又云龍樓門

門上有銅龍漢書成帝紀曰上召太子出龍樓門後漢書明帝紀曰建武十九年立為皇太子師事博士桓榮學通尚書漢書曰疎廣為太傅受為少傅上疏乞骸骨歸公卿大夫為設祖道供帳東都門外年齡俄

頃風電相摧銘旌兩沒池柳雙迴

禮記曰古者謂年齒亦齡也禮弓曰銘

明旌也以死者為不可別已故以其旗幟之又曰池視重雷鄭注云如屋之有承雷也柳宮象也以竹為池衣以青布懸銅魚馬今宮有承雷云以銅為之正義曰池者柳車之池也兩沒雙迴言陸逞與郁久閻氏合葬也

筑筑肩子在疚啣哀身障野火心懼天雷

言子操居喪以禮也左氏

傳曰子筑筑在疚李陵書曰足下肩子無恙後漢書曰長沙有孝子古初遭父喪未葬鄰人失火初旬旬柩上以身扞火火為之滅干寶搜神記曰王哀初旬旬柩上母性畏雷母沒每雷輒到墓曰哀在此

日月其除榮

終哀始馬歸司隸書還太史歷對天星墳連地

詩曰今我

不樂日月其除論語曰其生也榮其死也哀列異傳曰鮑宣三世為司隸嘗乘一驄馬史遷自序云談為太史

公如淳注曰漢儀注太史武帝置位在丞相上天下升
書先上太史公副上丞相序事如古春秋遷死後宣帝
以其官為令行太史文書而已歷對天星如莊子云傅
說得之以騎箕尾說死為傅說星矣辛氏三秦記曰驪
山始皇陵作地市生死人
交易市平不得敗死人云
山勢接飛松形蓋起德音無

絕平原忽矣

抱樸子曰千歲之松有如偃蓋楚辭曰平原忽兮路超遠

周大將軍崔說神道碑

公諱說

周書作說

字士約博陵郡安平縣人也

周書列傳曰崔謙字士遜

博陵安平人也弟說本名士約謙字士遜說當以士約為字矣

昔者華陽之野降龍首

之神烈山之都啟龜文之繇

序崔氏之先也帝王世紀曰神農氏姜姓也母曰任

氏有螭氏女登為少典妃遊華陽有神龍首感生炎帝
人身牛首長於姜水有聖德以火德王故曰炎帝又曰
神農本起烈山故曰烈山氏一曰厲山氏黃帝代之於
時河出龍圖洛出龜書三皇本紀曰神農本起烈山故
左氏稱烈山氏之子曰柱亦曰厲山氏禮曰厲山氏之
有天下是也按崔氏系出齊姜姜姓本神農之後故云

左傳云且其繇曰杜注
云繇卜兆辭繇直救反

匡周則盟津有會佐夏則龍門

始鑿

匡周謂齊太公望佐武王會諸侯於盟津也佐夏
謂四岳也尚書舜曰咨四岳有能奮庸熙帝之載

使宅百揆亮采惠疇僉曰伯禹作司空帝曰俞咨禹汝
平水土惟時懋哉按禹本四岳所薦故云佐夏也禹貢
曰導河積石至于龍門地理志云龍門山在馮翊夏陽
縣北此山當河之道禹鑿以通河東郡之西界也按四
岳有伯夷齊為姜姓伯夷之裔言神農之後在西遊則
夏則有伯夷在周則有呂尚先周後夏互文也

西遊則

起家秦相東入則載世齊卿備乎史籍可得言矣

崔氏出自

齊丁公左傳東郭偃曰今君出自丁杜注云齊丁公崔杼之祖也傳又云崔杼生成及疆而寡娶東郭姜生明崔成有疾廢之而及明崔成請老於崔弗許曰崔宗邑也必在宗子杜元凱曰濟陽東朝陽縣北有崔氏城傳又云崔氏滅崔明奔魯世系表云崔明生良十五世孫意如為秦大夫封東萊侯此云起家秦相者即是人也載世齊卿者即崔武子是齊卿在前秦相在後此亦互文也

祖辯平遠將軍武邑郡

守

周書說兄崔謙傳云祖辯魏平遠將軍武邑郡守魏書北史並作安南將軍隋志冀州信都武彊縣舊置

武邑郡

父楷散騎常侍光祿大夫殷州刺史

崔謙傳云父楷散騎常侍

光祿大夫殷州刺史贈侍中都督冀定相三州諸軍事驃騎大將軍儀同三司冀州刺史隋志豫州趙郡大陸

縣舊曰廣阿置殷州並厲風霜俱張鋒穎邸史疊迹官曹凜然是

謂鮑恢都官百城振懼葛豐握節京師斂手

並厲俱張言祖辨父

楷二人也邸史者按郡有邸及從事史漢書朱買臣傳云會稽郡守邸者又云郡邸直上計後漢書百官志從事史十二人都官從事等其餘郡國從事每郡國各一人主督促文書察舉非法皆州自辟除官曹者如功曹書佐之類後漢百官志云每郡國各有典郡書佐一人各主一部文書以郡吏補以辨楷為郡守刺史故云後漢書曰鮑永為司隸校尉鮑恢為都官從事光武曰貴戚宜斂手避二鮑漢書曰諸葛豐字少季瑯邪人特立剛直元帝擢為司隸校尉刺舉無所避京師為之語曰間何闊逢諸葛上嘉其節加豐秩光祿大夫時侍中許章以外戚屬貴幸倉淫不法豐按劾章欲奏其事適逢許侍中私出豐駐車舉節詔章曰下欲收之章寤史

馳入宮自歸上豐亦上奏於
是收豐節司校去節自豐始
公特稟英靈偏鍾山嶽雄

姿俊茂眉目疎朗觀虎於檻
齧髮不驚稱象於船勝衣

能對

世說曰魏明帝於宣武場上斷虎爪牙縱百姓觀之
王戎七歲亦往看虎乘間攀欄而吼其聲震地

觀者無不辟易顛仆戎湛然不動了無恐色魏志曰鄧
哀王冲字蒼舒少聰察岐嶷生五六歲智意所及有若
成人之智時孫權曾致巨象太祖欲知其斤重訪之羣
下咸莫能出其理冲曰置象大船之上而刻其水痕所
至稱物以載之則較可知矣太祖大悅即
施行焉齧即髻剪髮為髻也故云齧髮
至於拉虎押

一作

熊摧斑碎掌忘歸繁弱落雁吟猿故得氣蓋關中

威申河外

本傳云說少鯁直有節槩膂力過人尤工騎射
曹子建七啓曰批熊碎掌拉虎摧斑新序

曰楚王載繁弱之弓忘歸之矢以射隨兕於雲夢也干寶搜神記曰楚王遊於苑白猿在焉王令善射者射之矢數發猿搏矢而笑乃命由基由基撫弓猿即抱木而號及六國時更羸謂魏王曰臣能虛發而下鳥王曰然則射可至此乎羸曰可有頃聞雁從東來更羸虛發而鳥下焉吟猿落雁是其事也關中秦地漢書曰懷王與諸將約先入定關中者王之師古曰自函谷關以西總名關中項羽雞鳴歌云力拔山兮氣蓋世潘岳西征賦曰出申威於河外李善曰河外謂之澠池史記曰秦王使告趙王為好會於西河外澠池按河外索隱謂曲沃等處正義謂同華州晉語入河外列城五注云河東也晉以河東為河外魏以河南為河外張儀說魏王曰秦下兵攻河外據卷衍酸棗說齊曰梁效河外索隱謂河外河之南邑若曲沃平周等處魏世家秦復予我河外無忌率五國兵攻秦敗之河外蘇秦說趙曰魏弱則割河外張儀說趙曰秦驅韓梁軍於河外正義謂滑州北

臨河此河解褐領軍錄事轉諮議參軍周書時當塗失

御政在權門始論函谷之兵即起韓陵之戰當塗言魏也權門言

爾朱氏及高歡也後漢書曰代漢當塗高答賓戲曰王塗蕪穢因失其御魏本紀云明帝崩爾朱榮謀廢立立

莊帝榮以兵權在已遂有異志帝殺榮尋為爾朱兆所

弑立閔帝高歡復廢帝立孝武閔帝失位賦詩曰朱門

久可患紫極非情翫顛覆立可待一年三易換時運正

如此惟有修真觀其失御如此按魏本紀云武帝永熙

三年九月高歡東還洛陽帝親督衆攻潼關斬其行臺

華長瑜又剋華州此云始論函谷之兵是也又魏本紀

云閔帝普泰元年六月高歡起兵信都以誅爾朱氏為

名二年高歡敗爾朱天光等於韓陵此云韓陵之戰是

按韓陵之戰在魏未遷之前當是互文函谷句謂高歡

之亂韓陵句謂爾朱氏之亂此二家皆專權魏室者也

太師賀拔勝作牧西荆

周書列傳曰賀拔勝字破胡神武尖山人也武帝將圖神武以

勝弟岳擁衆關西欲廣其勢援乃拜勝為都督三荆二鄂南襄南雍七州諸軍事荆州刺史魏文帝三年以賀

拔勝為

公為假節冠軍將軍防城都督及南陽失守卷

甲奔梁

本傳云賀拔勝出牧荆州以說為假節冠軍將軍防城都督又隨勝奔梁南陽失守者按賀拔

勝傳武帝西遷勝還軍南陽自率所部將西赴關中進至浙陽詔封勝太保錄尚書事時齊神武已陷潼關屯

軍華陰勝乃還荆州州民鄧誕執元穎北引侯景勝至景逆擊之勝軍不利率麾下數百騎南奔梁在江表三

年梁武帝遇之甚厚勝常乞師北討齊神武既不果乃求還梁武帝許之觀餞於南苑勝自是之後每行執弓

矢見鳥獸南向者皆不射之以申懷德之志也既至長安詣闕謝罪朝廷嘉其還乃授太師訖既從勝奔還俱

同故備錄於此樂毅羈旅猶思燕路陳軫悽愴終戀秦聲

謂說在梁

之日思歸長安也戰國策曰樂毅破齊燕惠王得齊反間使騎劫代將而召樂毅毅畏誅遂西降趙趙封望諸君尊寵樂毅以驚動於燕齊齊田單破騎劫燕惠王後悔復以毅子樂間為昌國君而樂毅往來復通燕趙以為客卿卒於趙史記陳軫適至秦惠王曰子去寡人之楚亦思寡人不陳軫對曰越人莊舄仕楚執珪有頃而病楚王曰舄故越之鄙人也今仕楚執珪富貴矣亦思越不中謝對曰凡人之思故在其病也彼思越則越聲不思越則且楚聲使人往聽之猶尚越聲也今臣雖棄逐之楚豈能無秦聲哉惠王曰善

幸值和

鄰言歸舊國

本傳復自梁歸國

授衛將軍都督封安昌縣開國

子食邑三百戶

本傳同隋志豫州汝南郡朗山縣舊曰安昌

弘農克復沙苑

揮鋒

本傳云從太祖復弘農戰沙苑皆有功克弘農戰沙苑周太祖與齊神武戰也在魏文帝大統三年

八月至弘農十月至沙苑距齊神武軍皆大克獲獻俘長安隋書地志曰馮翊有沙苑進爵為侯

增邑并前一千一百戶

本傳同

信圭則更受司勳穀璧則

還輸典瑞

周禮宗伯云侯執信圭玉人云命圭七寸謂之信圭侯守之司勳屬夏官鄭司農云勳功

也此官主功賞宗伯云子執穀璧鄭注云穀所以養人以穀為飾璧徑五寸不執圭者未成國也又宗伯有典瑞之職鄭注云瑞節信也典瑞若今璽節郎說始封子今進爵為侯是用受信圭於司勳還穀璧於典瑞也

鐵馬有河橋之戰戈船有汾水之兵

河橋汾水連前弘農沙苑二戰本傳

此獨不載按賀拔勝傳河橋之役勝大破東魏軍及齊神武攻玉壁勝從太祖追之於汾北說荊州之役弘農

沙苑之戰皆從此河橋汾水當亦在馬子山碑文為鼓
詳矣陸倕石闕銘曰鐵馬千羣注云鐵馬鐵甲之馬也
漢書曰歸義越侯嚴為戈船將軍張宴曰越人於水中
負人船又有蛟龍之害故置戈於船下因以為名也

除京兆太守

本傳

移民下邑未學邊韶走馬章臺不同

張敞

移民下邑未學邊韶疑引延篤事後漢書曰延篤
桓帝以博士徵拜議郎與朱穆邊韶共著作東觀

徙京兆尹其政用寬仁憂恤民黎擢用長者與叅政事
郡中歡愛三輔咨嗟焉郡人語曰前有趙張三王後有
邊延二君時皇子有疾下郡縣出珍藥而大將軍梁冀
遣客齋書詣京兆并貨牛黃篤發書收客曰大將軍椒
房外家而皇子有疾必應陳進醫方豈當使客千里求
利乎遂殺之冀慙不得言篤以病免按邊即邊鳳以邊
延二君前後京兆故云韶疑邊鳳字或取尚書蕭韶九
成鳳凰來儀之義非謂違孝先也漢書曰張敞為京兆

尹走馬
章臺街

遷帥都督持節撫軍通直散騎常侍大都督尋

遷使持節車騎大將軍儀同三司都官尚書定州大中

正

本傳同隋書地理志云冀州博陵郡舊置定州後魏置總管府

五曹奏事有朱穆之

忠九品論人見楊喬之直

漢書成帝紀曰建始四年春初置尚書員五人師古曰漢

舊儀云尚書四人為四曹成帝置五人有三公曹百官志曰世祖置六人凡六曹云五曹者依成帝也後漢書曰朱穆字公叔南陽宛人徵拜尚書穆既深疾宦官及在臺閣旦夕共事志欲除之上疏帝不納後穆因進見口復陳曰臣聞漢家舊典置侍中中常侍各一人省尚書事黃門侍郎一人傳發書奏皆用姓族自和熹太后以女主稱制不接公卿乃以閹人為常侍小黃門通命兩宮自此以來權傾人主窮困天下宜皆罷遣博選者

儒宿德與參政事帝怒不應自此中官數因事稱詔詆毀之穆素剛不得意憤懣發疽卒又孟嘗傳曰桓帝時尚書同郡楊喬上書薦嘗曰臣前後七表言故合浦太守孟嘗謝承後漢書曰楊喬字聖達烏傷人也前後數上書陳政事也

改封安國

傳作安國

縣侯益邑合前一千四百戶

隋志

冀州信都郡鹿城縣後齊曰安國傳作安國者隋志清化郡安國縣梁置後周置遂州

賜姓宇文

改名為說

本傳云賜姓宇文氏并賜名說焉

漢王改婁敬之族事重論

都魏后變程昱之名恩深捧日

漢書曰高祖西都長安拜婁敬為奉春君賜姓

劉氏論都謂婁敬勸帝都關中也後漢書曰杜篤著論都賦魏書曰程昱少時常夢上泰山兩手捧日昱私異之以語荀彧及兗州反賴昱得完三城於是或以昱夢白太祖太祖曰卿當為吾腹心昱本名立太祖乃加其

日更名
也

遷車

周書北
史作驟

騎大將軍開府儀同三司加侍中

寶憲連官單于之寶鼎可致張寬固位渭橋之流星可

識

後漢書曰寶憲字伯度南單于請兵北伐拜憲車騎
將軍與北單于戰於稽落山大破之登燕然山刻石

勒功紀漢威德南單于於漢北遣憲古鼎容五斗其傍
銘曰仲山甫鼎其萬年于子孫孫永保用憲乃上之拜

憲大將軍陳壽益都耆舊傳曰漢武帝蜀張寬為侍中
從侍甘棠至渭橋有女子浴於渭水乳長七尺上怪其

異遣問之女曰帝後第七車知我已知張寬在第七車
對曰天星主祭祀者齋戒不潔則女人見寶憲句謂為

車騎大將軍也張
寬句謂為侍中也
司木七工既掌丘陵之賦司會六典

乃均邦政之才居官得人於斯為盛
禮記曰天子六府
有司木考工記曰

凡攻木之工七周禮天官冢宰之職云司會掌邦之六典八法八則之貳鄭注云司會若今尚書進爵

為公改封萬年縣通前二千四百戶

隋志云京兆郡大興縣後周舊郡置

縣曰除隴州刺史都督隴州諸軍事

俱見本傳隴坻路遥秦

川望遠鄧仲華之不去馬文淵之願歸

周書太祖紀云魏廢帝三年改

東秦州為隴州隋志扶風汧源西魏置隴東郡及汧陰縣有西魏東秦州後改為隴州有隴山汧山汧水漢書

地理志隴西郡應劭曰有隴坻在其西也師古曰隴坻謂隴阪即今之隴山也三秦記隴頭歌有遥望秦川之

句後漢書曰鄧禹字仲華南陽新野人也赤眉入長安是時三輔連覆禹乘勝獨克名震關西延岑寇順陽間

禹破之岑奔漢中餘黨悉降天下平定按隴州亦在關西於古為六郡之地鄧禹西征數年乃克此隴州是鄧

仲華之所不去也又後漢書曰馬援字文淵扶風茂陵人也璽書拜援隴西太守諸種萬餘人悉降視事六年

徵入為虎賁中郎將尋除涼州刺史總督河西甘瓜諸軍事本傳

管涼甘瓜三州隋志武威郡舊置涼州後周置總管府又曰張掖郡西魏改西涼州尋改曰甘州又曰敦煌舊

瓜州此地似伏龍城如飛鳥水經注地理風俗記曰漢

涼州以其金行土地寒涼故也武帝元朔三年改雍州曰

形故曰臥龍城南北七十里東西三里本匈奴所築也

又水經曰三危山在燉煌縣南注山海經曰三危之山

三青鳥居之是山也廣圓百里在鳥鼠山西即尚書所

謂竄三苗於三危是也西河記曰姑臧匈奴燉煌實錄

曰蓋藏城也城不方有頭尾兩翅名蓋鳥城漢書地理志曰武帝後

宛在胸襟玉門亭障無勞圖畫元年分酒泉置燉煌郡

師古曰即春秋左氏傳所云允姓之姦居於瓜州者也
隋書經籍志云敦煌實錄十卷劉景撰漢書地理志龍
勒有玉門關酒泉郡有玉門縣關駟云漢罷玉關屯徙
其人於此又西域傳曰漢列亭障至玉門矣又張安世
傳曰大將軍光問千秋戰關方略山川形勢千秋口對
兵事畫地成圖無所忘失

有馬如羊不

以入廐有金如粟不以入懷

水經注曰侍郎張奐為定安屬國都尉治此羌有獻

金馬者奐主簿張祁入於羌前以酒酌地曰使馬如羊不以入廐使金如粟不以入懷盡還不受威化大行事

出後漢書柱國齊王

齊煬王憲也詳見憲碑文

今上之介弟

今上謂武帝也左傳曰上

其手者曰夫子為王子圓寡君之介弟也

龔行薄伐問罪河陽以公為行軍

長史參謀帷幄

本傳云齊王憲東征以託為行軍長史按憲傳事在天和四年五年平齊尚書

曰恭行天伐西都賦引此作龔隋志河南中軍之司既

舉魏絳上卿之佐實用荀林以公方之差無慙德魏絳魏犇

子畢萬之後左傳成十八年云魏絳為中軍司馬文七年稱令狐之役荀林父佐上軍按春秋時晉中軍司馬

非卿上軍之佐其位在四皆非主帥也除使持節大將

軍大都督本傳軍崇德周書武帝紀云天和四年九月

等安義周書劉雄傳云天和四年建忠隋志京兆三原

郡九曲河曲壽安縣有九曲城所謂九阿也齊宣安樂

尉迺迺率東於河南築安樂城三泉疑即三原後伏

流

周書武帝紀云保定二年四月於伏流城置和州又魏玄傳云天和四年轉和州刺史伏流防主隋志河

南陸渾開皇改縣曰伏流有東魏北荊州後周曰和州

周張平泉固安蠻通谷凡

十三防禦

本傳云除使持節崇德安義等十三防是崇德安義已下皆防禦名也隋書地志蜀郡有

平泉北平泉所以備周恐非隋志涿郡固安舊曰故安餘未詳

熊和忠三州

周書同隋志洛州宜

陽縣後魏置宜陽郡東魏置陽州後周改曰熊州和州注見上文即伏流城是又襄城郡東魏北荊州後周改

曰和州忠州疑即中州隋志河南郡新安後周置中州

黃蘆起谷王宴供超牽羊

溫狐交河大嶺避雨木柵寺十一戍諸軍事崇德防主

黃蘆下十一戍名也本傳稱三州諸軍事崇德防主不載其名通典云河南府永寧縣後周熊耳縣有後周黃

樞同軌永昌三城以備齊隋志後周置同軌
郡此十一戍並屬崇德防主崇德注見上文
宜陽上地

更有秦兵熊耳山前還逢積仗用是連營函谷獵騎黎

陽威振兩河名陵三晉

史記秦本紀曰武王三年使甘茂庶長封伐宜陽四年拔宜陽

斬首六萬涉河城武遂正義曰宜陽在河南府福昌縣

東故陽城是也此韓之大郡伐取之三川路乃通也後

漢書曰赤眉敗樊崇乃將盆子及丞相徐宣以下三十

餘人肉袒降上所得傳國璽綬及玉璧各一積兵甲宜

陽城西與熊耳山齊注云宜陽縣故城韓國城也鄭元

水經注曰洛水之北有熊耳山雙巒競舉狀同熊耳在

宜陽也函谷關名兩河謂河東河北也三晉韓魏趙也

史記年表曰定王十六年魏桓子與韓康子趙襄子三

人敗智伯於晉陽乃三分其地故號為三晉按後魏宜

陽郡東魏置陽州後周改曰熊州本漢宜陽縣魏之一

金塢城也後周置重兵於此以備齊韋孝寬曰宜陽一城之地兩國爭之周築崇德等五城齊築統關豐化二城時方東討周齊兩國交爭接境在於宜陽本故秦韓之地所以連營函谷獵騎黎陽兩河三晉之間威名遂振

改封安平縣公

本傳加授大將軍改封安平縣公

淮陰一國韓信之

故人戶牖萬家陳平之鄉里公此衣錦足為連類

漢書曰韓

信淮陰人也項羽死高祖徙信為楚王都下邳信至國召所從食漂母賜千金及下鄉亭長錢百曰公小人為德不竟名辱已少年令出跨下者以為中尉告諸將曰此壯士也又曰陳平者陽武戶牖人也後高祖還至洛陽與功臣剖符定封封平為戶牖侯言崔詵本博陵郡安平縣人今封安平縣公若韓信陳平矣項羽思東歸曰富貴不歸故鄉如衣錦夜行其後歸故里者皆云衣錦

建德四年正月十日薨於

長安之永貴里私第春秋六十有四詔贈數

周書作
鄭字同

延

丹綏恒

周書
作長

五州諸軍事敷州刺史

隋志上郡後魏置
東秦州後改北華

州西魏改敷州又曰延安郡後魏置東夏州西魏改為
延州又曰延安郡義川西魏為丹州又曰雕陰郡西魏

置絳州又曰朔方郡長澤縣有後魏太安
郡及置長州按此五州皆隋雍州地也

諡曰莊公禮

也傳即以其年二月二十四日葬於京兆平原鄉之吉

遷里北陵追遠大司馬有賜綬之恩西京贈行冠軍侯

有詔葬之禮

史記曰乃益置大司馬位大將軍驃騎將
軍皆為大司馬衛青冢近茂陵在長安北

故云北陵霍去病封冠軍侯元狩六年卒天子悼之
發屬國玄甲軍陳自長安至茂陵為冢像祁連山鳴

呼哀哉世子儀同行

本傳云子弘度猛毅有父風大象末上柱國武鄉郡公此云衍本傳

字摩訶衍

生事以禮死葬以禮愛親有王祥之孝同氣有姜

肱之睦百行之本於斯備焉

崔謙傳曰謙性至孝與弟說特相友愛雖名位各重

所有資產皆無私焉居家嚴肅謙子曠與說子弘度等並奉其遺訓焉干寶搜神記曰王祥字休徵瑯琊人性至孝早喪親繼母朱氏不慈數譖之由是失愛於父母使掃除牛下父母有疾衣不解帶母常欲生魚時天寒冰凍祥解衣將割冰求之冰忽自解雙鯉躍出持之而歸母又思黃雀炙有黃雀數十入其幕復以供母鄉里驚嘆以為孝感所致後漢書曰姜肱字伯淮與二弟仲海季江俱以孝行聞其友愛天至常共臥起及各娶妻兄弟相戀不能別寢以保嗣當立乃逃往就室嘗與季江謁郡夜於道遇盜欲殺之兄弟更相爭死賊遂兩釋

馬況復松檟深沈既封青石之墓丘陵標榜須勒黃金

之碑

戴延之西征記曰金鄉焦氏北數里有漢司隸校尉曾峻冢前有石祠堂四壁皆青石隱起自書契

以來忠臣孝子孔子七十二人形象皆刻石記之水經注曰刺史賈遠廟前有碑碑石生金干寶曰黃金可採

為晉中興之瑞乃為銘曰

華陽之神厲山之祖鳳野匡周龍門佐禹

言崔氏系出神農及夏之

伯夷周之太公皆其祖也華陽注見本序厲山即烈山括地志曰厲山在隨州隨縣北百里山東有石穴曰神

農生於厲鄉所謂列山氏也春秋時為厲國國語曰周之興也鶩鶩鳴於岐山鶩鶩鳳凰也故云鳳野龍門注

見本序日浴溟池山浮海浦甫穆霸國營丘樂土

山海經曰日浴

溫源淮南子曰日浴於咸池莊子曰南溟者天池也漢書曰三神山在渤海中溟池海浦者言齊表東海之國說文云浦瀕也潛夫論曰炎帝苗胄四岳伯夷為堯典禮折民惟刑以封申呂裔孫尚為文王師克殷而封之齊甫疑作輔文王為穆考疑謂輔穆考而霸國也然下文對以營丘是齊地名此甫穆豈謂穆陵耶左氏傳曰南至於穆陵史記曰武王封尚父於營丘曰齊正義曰營丘在青州臨淄北百步外城中詩曰適彼樂土

斯宗邑承此壤王

一作土

移封東武就君安陽

左氏傳曰崔宗邑也

譜云崔氏出自姜姓齊丁公伋嫡子季子讓國叔乙食采於崔遂為崔氏濟南東陽縣西北有崔城是也季子生穆伯穆伯生沃沃生野八世孫天生杼為齊正卿生子成子明子彊皆為慶封所殺子明奔魯生良十五世孫意如為秦大夫封東萊侯三子業仲年業字伯基漢東萊侯居清河東武城十三世孫林字德儒魏司空安

陽孝侯是也魏志曰崔林字德儒清河東武城人也為司空封安陽亭侯三公封列侯自林始又進封安陽鄉

侯譜牒所載蓋與史符移封東武謂東萊侯居清河東武城也就君安陽謂崔林封安陽鄉侯也自後遂為博

陵望族矣中軍節目鎮北鋒芒商飈獵草電火驅霜謂說祖父皆為

將軍辨為中軍將軍措為鎮北將軍公之輪奐繼體貞

世有威望如秋風殺草電火驅霜也

幹儀表丘墟風神牆岸孝有至德忠能匡贊不廢橫琴

無妨欵案禮記張老曰美哉輪焉美哉奐焉參同契曰長子繼父體周易曰貞者事之幹也說苑曰

宓子賤治單父彈鳴琴身不下堂而既班三事又貳六

官衛青受詔韓信登壇三事見尚書六官見周禮東觀漢紀曰衛青大克匈奴武帝拜

大將軍於幕中漢書蕭何薦韓信於高祖曰陛下必欲
爭天下非信無可與計者漢王於是設壇拜信為大將
軍
長城馬窟廣武兵欄軍吏無犯營民不寒
古詩曰飲
馬長城窟

郡國志云滎陽縣有廣武城城在山上漢所城也高祖
與項羽臨絕澗對語責羽十罪羽射漢祖中胸處也言
訖封拜之後歷有戰功軍吏無犯營民不寒
者言其兵有紀律三軍之士皆如挾纊也
乃用六謀

乃論三策城壘向背星辰主客
六謀如陳平之六出奇
計也三策謂上策中策

下策也漢書匈奴傳嚴尤曰周秦漢征之未有得上策
者也周得中策漢得下策秦無策馬禮記鄭注曰壘軍
壁也漢書天文志曰天鳳四年九月客星在紫宮中斗
樞極間占曰為兵其五年六月發三輔郡國少年詣北
軍五年四月燭星見奎婁間占曰有功敵人死遣城和
其六年正月築遼東玄菟城二月度遼將軍范明友擊

烏桓是客星為兵象主者對客而言又天文志曰太白為客辰星出太白為主人凡太白所出所直之辰其國為得位得位者戰勝所直之辰順其色而角者勝其色害者敗言說用兵有謀策能察其城壘向背之勢又能

仰觀星象知吉凶也

劍起沈犀弓開伏石楚后讓盟秦君還璧

犀犀

甲也周禮曰犀甲七屬吳越春秋曰夫差衣水犀甲者十三萬人沈犀言劍利能切入犀甲也淮南子曰夫純鈎魚腸磨其鋒鋸則水斷龍舟陸剗犀甲千寶披神記曰楚熊渠子夜行見寢石以為伏虎彎弓射之沒金鍛羽下視知其石也因復射之矢摧無迹漢世復有李廣為右北平太守射虎得石亦如之劉向曰誠之至也而金石為之開況於人乎讓盟毛遂事注見前篇步陸碑文還壁藺相如事史記藺相如奉璧入秦相如以璧歸百齡危脆千仞摧藏諸侯地裂邊將星亡

史記天官書正義曰諸侯

五星在東井北河主判舉戒不虞又天官書畢曰罕車
為邊兵主弋獵正義曰畢八星其大星曰天高一曰邊
將四星之尉此言地裂
星亡謂崔說之薨也
輕車騎士玄甲黃腸社如齊地

廟似桐鄉銘功贊德碑闕相望

漢書曰張安世薨天子贈以輕車介士師古曰

輕車古之戰車玄甲見漢書霍去病傳黃腸見霍光傳
師古曰玄甲謂甲之黑色也蘇林曰以柏木黃心致累
棺外故曰黃腸社如齊地者諸侯有社稷崔氏本齊後
今封公侯是公侯復始也漢書樂布傳曰燕齊之間為
立社號樂公社又曰朱邑少時為舒桐鄉嗇夫廉平不
苛後為大司農病且死屬其子曰必葬我桐鄉後世子
孫奉我不
如桐鄉人

周大將軍司馬裔神道碑

公諱裔字遵脣河內溫人也昔顓頊之命始則南正司

天重黎之後又以羲和掌厯

序司馬氏之先也司馬遷自序云昔在顓頊命南正

重以司天北正黎以司地唐虞之際紹重黎之後使復典之至於夏商故重黎氏世序天地其在周程伯休父其後也當宣王時官失其守而為司馬氏司馬氏世典周史尚書曰乃命羲和孔傳云重黎之後羲和氏世掌天地四時之官也呂刑傳云重即羲也黎即和也羲和雖別為氏族而出自重黎矣

夏陽適晉

得隨會而同奔東海避秦與毛公而俱隱

司馬遷曰惠襄之間司馬

氏去周適晉晉中軍隨會奔秦而司馬氏入少梁其後司馬靳事武安君白起而少梁更名夏陽東海司馬豫也子山司馬裔墓誌云豫之避秦共毛公而俱隱知東海避秦為司馬豫也其事未詳

其後金行

受命玉筍南遷帝系極於興

一作東

圖中朝至於江表

序

本晉宣帝弟太常馗之後也晉以金德王西方曰金行蓋指西晉也謂宣帝司馬懿之後受命為天子也南遷謂西晉之亂元帝遷都也晉書曰愍帝崩問至建康百僚勸進即位是為元帝沈約齊安陸王碑曰是開金運祚始玉筐李善注云鄒子曰五德從所不勝虞土夏木殷金周火呂氏春秋曰有城氏二女為九成之臺飲食以鼓帝命燕往視之鳴若隘隘二女愛而爭搏之覆以玉筐少選發而視之燕遺卵而北飛遂不返高誘曰帝天也天命燕降卵於有城氏女吞之生契按殷為金德司馬氏亦以金德王故云金行玉筍矣孫盛晉陽秋曰秦時望氣者曰東南有天子氣五百年有王者興至晉元帝適逢其時言東晉成江表偏王也

曾祖楚之晉太傅錄尚書揚州牧會稽文孝王之次子元顯之

幼弟也

北史列傳曰司馬楚之字德秀晉宣帝弟太常

文孝王即榮期也元顯為會稽王世子楚之為顯幼弟注詳下文

元顯見害之後桓玄

篡逆之初爰自齟齬容

一作容

身屠鈞

北史楚之傳曰父榮期為其叅軍楊

承祖所殺楚之時年十七送父喪還丹陽會劉裕誅夷司馬氏叔父宣期兄貞之並遇害楚之乃逃匿諸桑門中濟江至汝潁間又裔本傳云司馬氏桓玄劉裕之際歸北者又有司馬景之等按晉書安帝元興元年以後將軍元顯為驃騎大將軍征討大都督以討桓玄帝戎服餞元顯於西池桓玄敗王師於姑孰三月王師敗績於新亭驃騎大將軍會稽王世子元顯遇害二年桓玄篡位是元顯見害桓玄篡逆之事也元興三年劉裕舉義兵斬桓玄裕誅夷司馬氏故宣期貞之遇害榮期見殺楚之乃潛逃濟江歸北也劉裕又以恭帝元熙二年

受晉禪是為宋武帝韓詩外傳
曰太公望屠牛朝歌釣於磻溪
河內道左抱劍長號代

郡城前慟悲靈祭

後漢書獨行傳曰張武父業至河內
亭盜夜劫之業與賊戰死遂亡失屍

骸武時年幼不及識父後之太學每節常持父遺劍至
亡處祭酸泣而還風俗通曰俗傳文帝小生於軍長大
有識不知父所在
日祭於代東門外江淮志節之士汝潁風塵之客感激

一言咸多依附

楚之傳云濟江至汝潁間楚之少有英
氣能折節待士及宋受禪規受報復復

收象據長社歸
之者常萬餘人

既而雲生伏鼈

一作
龜

星出鯨魚太白經

天蚩尤映野

史記天官書曰旬始出於北斗旁狀如雄
雞其怒青黑象伏鼈徐廣曰蚩尤也一作

龜者史記龜策傳曰蒼生滿百莖者其下必有神龜守
之其上常有青雲覆之王者得之長有天下四裔賓服

欽定四庫全書

庚子山集
卷十三

八十

博物志曰鯨魚死而彗星出漢書天文志曰太白經天
天下革民更主又劉向封事曰太白經天而行孟康曰
謂出東入西出西入東也太白陰星出東當伏東出西
當伏西過午謂經天也天官書曰蚩尤之旗類彗而後
曲象旗見則王征伐四方孟康曰熒惑之精也晉灼曰
呂氏春秋云其色黃上白下言時魏室多故楚之乘機
也 歸附 公乃收合餘燼泣血登陴臨武牢之關據成臯之

坂擁衆萬家歸於魏室

本傳云明元末山陽公奚斤略地河南楚之遣使請降授荊州

刺史陴女牆也釋名云城上垣曰陴於其孔中陴倪非常亦言陴益也助城之高也或曰女牆言其卑小比之於城如女子之於丈夫也晉書地理志河南郡成臯有關鄭之武牢按奚斤略地河南楚之從長社擁衆來歸
晉書地理志云長社屬潁川
郡武牢成臯皆河南地也
魏明元皇帝
諱嗣道武帝長子也
遙授

平南大將軍荊州刺史襲封瑯琊郡王尚河內公主

楚之傳云

尚諸王女河內公主襲封謂承司馬氏後也晉元帝初為瑯琊王今楚之亦封瑯琊王為襲封也

命王

承制從賓國之儀

謂楚之本晉宗室故命承制為賓客之儀如周客二王之後矣左氏傳曰

宋于周為賓故云從賓國之儀

於時宋兵馮陵旗鼓侵逼虎牢不封金

墉無援

謂宋兵征魏也南史到彥之傳曰元嘉七年遣彥之北侵至東平須昌縣魏滑臺虎牢洛陽守

兵並走彥之留朱修之守滑臺尹冲守虎牢杜驥守金墉左氏傳曰馮陵我畿甸虎牢即前云武牢是左傳莊二十一年曰王與之武公之略自虎牢以東杜預曰虎牢河南成臯縣水經注曰穀水左會金谷水北角築之謂之金墉城魏文帝起層樓於東北隅晉宮闕名曰金墉按金墉城在河南洛陽故城西北角時司州金墉虎

欽定四庫全書

庚子山集
卷十三

全

牢兗州碣磳滑臺為魏河南四鎮宋元嘉中有恢復河南之志詔到彥之等舟師入河段宏將精騎直指虎牢修復舊境彥之泝江西上魏主以河南四鎮兵少魏太命悉眾北渡此云虎牢不封金墉無援是其事也

武皇帝授王使持節侍中安南大將軍開府儀同三司

給前後部鼓吹元戎啓行志雪冤恥登壇慷慨三軍掩

泣黃河漕粟已出石門白馬連旗將臨野坂

楚之傳云授安南大

將軍封瑯琊王以拒宋師破宋到彥之別軍於長社又與冠軍安頌攻拔滑臺禽宋將朱修之等俘萬餘人上疏求更進討太祖以兵久勞不從徵還宋將裴方明胡崇之寇仇池楚之督關中諸軍擊走方明禽崇之仇池平而還南史宋文帝紀云元嘉八年二月魏剋滑臺登西壇道濟引軍還自是河南復亡又到彥之傳云魏軍

向金墉城次至虎牢杜驥奔走尹冲衆潰而死魏軍仍
進滑臺時河冰將合彥之回軍焚舟步至彭城資實蕩
盡文帝遣檀道濟北救滑臺收彥之下獄石門白馬野
坂皆地名晉書曰符堅伐晉運漕萬艘自河入石門達
於汝潁水經注曰王玄漢自滑臺走鹿鳴鹿鳴津又曰
白馬津東南有白馬城河水舊於白馬縣南決白馬縣
故城五十里開山圖所謂白馬山山下有白馬羣行悲
鳴則河決馳走則山崩野坂野或作冶魏太武帝紀云
神麤三年宋將到彥之遣將渡河攻冶坂冠軍將軍安
頡督諸軍擊破之言楚之方事南討下文既而已下以
征蠕蠕北歸也既而雲中析起代郡烽然反旆南轅途窮北略

楚之傳云車駕征蠕蠕楚之督運以繼大軍拜鎮西大
將軍雲中鎮大將朔州刺史在邊二十餘年以清儉著
聞遂薨於此言蠕蠕逆命雲中代郡擊析舉烽有邊警
也楚之方欲南征改命北討故云反旆卒於邊地為途

窮也隋書地理志有雲中郡有代郡後魏道武為代王都雲中在朔州北三百餘里改代曰魏孝文遷洛陽時雲中為鎮周易鄭注曰手持二木以相敲是為擊柝擊柝為守備警戒也漢書師古注曰晝則舉烽夜則舉燧左氏傳曰令尹反旃南轅史記趙世家云趙武靈王北略中山之地

梁益秦寧荆兗青豫郢洛十州諸軍事揚州牧司徒謚

貞王祖金龍

北史列傳云楚之在魏尚河內公主生金龍字榮則有父風

封瑯邪鎮

西大將軍儀同三司吏部尚書贈司空謚康王父悅

北史

列傳云字慶宗金龍第三子也

鎮南將軍豫州刺史漁陽莊侯以荆河

刺舉

禹貢曰荆河惟豫州悅為豫州刺史故云荆河刺舉

時值亂離釁起蕭牆遂

終非命

北史傳云永平元年豫州城人白阜生謀為叛遂斬悅首送梁詔揚州移購悅首贈青州刺史

莊子

公遺腹載誕流離寇逆復壁襁負深山擁樹程嬰

之匿趙武從役家臣王成之藏李變為傭酒市

後漢書曰鄭玄

惟有一子益恩孔融在北海舉為孝廉及融為黃巾所圍益恩赴難墮身有遺腹子玄以其手文類已名之曰小同詩曰流離之子陸機云流離象也自關西謂象為流離後漢書梁冀傳曰冀妻孫壽性鉗忌冀與支通期私通生子伯玉壽誅支氏冀慮壽害伯玉嘗置複壁中論語包注曰負者以器曰襁博物志曰織縷之廣八寸長丈二以約小兒於背深山即程嬰藏趙武於山中事見下文漢書夏侯嬰傳曰徐行面擁樹馳蘇林曰南陽人謂抱小兒為擁樹面者大人以面向之小兒抱大人頸似縣樹也史記曰屠岸賈作難公孫杵臼取他兒代

武死程嬰匿趙武於山中居十五年因晉侯有疾韓厥乃請立武為趙氏後袁宏後漢紀曰梁冀誣李固與文鮪通謀固死獄中二子憲公季公皆棄官歸固知罪之將及乃命二公將小子變還鄉里固女文姬密與二公謀共逃變實言還京師矣鄉人信之後被郡書二公受害王成者固之僕隸也文姬厚為其資以變屬成成為義士乃將變往徐州界變姓名為酒家傭賣卜於市陰相往來會救得免變學行才藝亞於固官至京兆尹陰袁宏紀言王成固之僕隸范曄書言固門生李變字德公言喬少遭父難得全若趙武李變矣

遭太夫

人憂苦草墳塋以終灰燧形骸毀瘠逾於喪禮

左氏傳曰齊晏

桓子卒晏嬰寢苦枕草

年十有五始幹家事

北史本傳云喬少孤有志操州郡辟召並

不楹前鑿柱即取遺書石上開松仍求故劍

謂喬克承父志也晏

子春秋曰晏子病將死鑿楹納書焉謂妻曰楹語也子壯而示之及子壯發書之言曰布帛不可窮窮不可飾牛馬不可窮窮不可服士不可窮窮不可任國不可窮窮不可竊也干寶搜神記曰楚王將莫邪為楚王作劍三年乃成王怒欲殺之劍有雌雄其妻重身當產夫語妻曰吾為君作劍三年乃成王怒往必殺我汝若生男大告之曰出戶望南山松生石上劍在其背於是即將雌劍往見楚王王大怒使相之劍有二一雄一雌雌來雄不來王怒即殺之莫邪子名赤比後壯乃問其母曰吾父所在母曰汝父為楚王作劍三年乃成王怒殺之去時屬我語汝子出戶望南山松生石上劍在其背於是子出戶南望不見有山但視堂前松柱下石砥之上即以斧破其背得劍日夜思欲報楚王王夢見一兒眉間廣尺言欲報讎王即購之千金兒聞之亡去入山行歌客有逢者謂子年少何歌之甚悲耶曰吾干將莫邪子也楚王殺吾父吾欲報之客曰聞王購子頭千金將

子頭與劍來為子報之兒曰幸甚即自刎兩手捧頭及劍奉之立僵容曰不負子也於是屍乃仆容持頭往見楚王王大喜容曰此乃勇士頭也當於湯鑊焚之王如其言煮頭三日三夕不爛頭踣出湯中躡目大怒容曰此兒頭不爛願王自往臨視之是必爛也王即臨之容以劍擬王王頭隨墮湯中容亦自擬已頭頭復墮湯中三首俱爛不可識別乃分其湯肉葬之

故通名三王墓今在汝南北宜春縣界

出身司徒府叅

軍除中堅將軍員外散騎常侍值魏室多難所在烽起

孟津以北無復封畿嵩山以南即為鋒鏑

南諸郡從此興師也郡國志河內郡河陽縣注云左傳王與鄭盟杜預曰縣南孟津是也周禮封人掌為畿封而樹之鄭注云畿上有封若今時界也天子封人職典封疆者左傳申無宇曰諸侯正封杜云封疆有定分詩

云邦畿千里郡國志潁川郡有嵩高
山謂河內在孟津之北嵩高之南也
公建議脩武立柵

溫城函谷西封河橋北斷長亭籍馬並入武城百里租

車咸輸溫縣

魏室至溫縣按周書本傳云魏孝武西遷
高時在鄴潛歸鄉里志在立功大統三年

大軍復弘農乃於溫城起義遣使送款與東魏將軍永
洛王陵等晝夜交戰衆寡不敵義徒死傷過半及大軍
東征裔率所部從戰河橋又別攻懷縣獲其將吳輔叔
自此頻與東魏交戰每有克獲修武溫城河南地也郡
國志云河內郡修武故南陽又河內溫縣蘇子所都又
云弘農本函谷關漢武帝遷於新安左氏傳曰又欲肆
其西封杜預云封疆也時周太祖與齊神武有弘農之
戰故云史記正義曰河橋在臨晉縣蒲津橋也時周太
祖與齊神武又有河橋之戰矣應劭曰秦法十里一亭
白帖云十里一長亭左氏傳曰楚蒍掩賦車籍馬武城

即上修武城也漢書兒寬傳曰寬為左內史當免民恐失之大家牛車小家擔負輸租溫縣即河內溫縣裔立義之處言裔於溫城

太祖文帝締構關都經綸夷阻招

起義遣使送款也

攜以禮懷遠以德

謂周太祖奉帝西遷裔率義眾歸款特蒙賞勞也

馬文淵之

擇主去隴坻而歸身竇周公之入朝在河西而奉詔

後漢

書曰馬援字文淵與公孫述同里閉相善至蜀辭歸謂隗囂曰子陽井底蛙耳不如專意東方援奉書洛陽引見宣德殿世祖迎笑謂援曰卿遨遊二帝間今見卿使人大慙援頓首辭謝因曰當今之世非獨君擇臣也臣亦擇君矣臣與公孫述同里閉相善臣前至蜀述陞戰而進臣臣今遠來陛下何知非刺客而簡易若是帝復笑曰卿非刺客願說客耳援曰陛下恢廓大度同符高祖乃知帝王自有真也遂從南幸黎丘後為伏波將軍

封新息侯又曰竇融字周公扶風平陵人世任河西為吏人所敬向隗囂先稱建武年號融等從受正朔後決策東向遣長史劉鈞奉書獻馬光武見鈞歡甚令還賜融璽書制詔行西河五郡大將軍事後封為安豐侯言裔之歸周太祖如馬接歸身竇融奉詔也

大統七年蒙授平東將軍北徐州

刺史

隋志瑯琊郡舊置北徐州

十年河內故義四千餘家願立忠誠

須公衣錦乃授使持節領河內太守加前將軍

周書本傳云八

年率其義衆入朝太祖嘉之特蒙賞勞頃之河內有四千餘家歸附並裔之鄉舊乃授前將軍太中大夫領河內郡守令安集流民裔本河內溫人今領河內郡守故稱衣錦矣

懷州拓境兩鎮奔波

柳泉轉戰三城授首

隋志云河內郡舊置懷州又王屋縣後周置懷州注詳下文周書本

傳云十三年攻拔東魏平齊柳泉蓼塢三十三周書北
城獲其鎮將李熙之加授都督是其事也史並作

五年太祖召山東諸立義之將能率衆入關者有加重

賞公率先而至領戶千室即以為封固辭不受北史本

五年周文令山東立義諸將等能率衆入關者並加重
賞商領戶千室先至周文欲以封商商辭曰立義之士

遠歸皇化者皆以其誠心內發宜商能率之乎今以封
商便是賣義士以求榮周文善而從之授帥督周書傳

同 其菽粟之賜或以指困馬牛之賞將同量谷吳志曰
周瑜求

資糧於魯肅肅家有兩困米各三千斛肅乃指一困與
周瑜漢書貨殖傳曰烏氏羸畜牧及衆斥賣求奇繒物

問獻戎王戎王十倍其價于畜畜至谷量牛馬師古曰
言其數饒不可計算故以山谷多少言之本傳十六年

大軍東討喬請為前鋒遂入建朝廷以華陽西極漢水
州破東魏將劉雅興拔其五城

東流嘆孟達之奔兵怪劉封之失策

謂漢中重地命喬出鎮為華陽郡守

也禹貢曰華陽黑水惟梁州晉常璩著華陽國志列漢
中諸郡以其在華山之陽也禹貢曰嶓冢導漾東流為
漢孔安國傳曰泉始出山為漾水東南流為沔水至漢
中東流為漢水蜀志曰建安二十四年命孟達從裨歸
北攻房陵將進攻上庸先主陰恐達難獨任乃遣劉封
自漢中乘沔水下統達軍與達會上庸上庸太守申耽
降遷封為副軍將軍自關羽圍樊城襄陽連呼封達令
發兵自助封達辭以山郡初附未可動搖不承羽命會
羽覆敗先主恨之又封與達忿爭不和封尋奪達鼓
吹達既懼罪又忿恚封遂發表辭先主率所領降魏

前元年移鎮漢中除白馬城主領華陽郡守

周書本傳云魏廢帝

元年徵裔令以本兵鎮漢中除白馬城主帶華陽郡守

白馬城者按桑欽水經沔水又東逕白馬戍南瀘水入
馬郿元注有張天師堂庾仲雍謂山為白馬
塞堂為張魯治東對白馬城一名陽平關 昔稱導漾

今聞上瀦煙沈冰井雨歇雲門

言漢中華陽等處也導
漾即禹貢嶓冢導漾東

流為漢是也史記索隱注曰水經云漾水出隴西氐道
縣嶓冢山東至武都沮縣為漢水師古曰漾水出隴西

氐道東流至武關山南為漢北周地圖記夏水合諸水
同入漢自漢入瀦名七里沔煙沈冰井疑即火井博物

記曰臨邛有火井以竹木取火後人以火燭投井中火
即滅絕不復然蜀都賦曰火井沈熒於山泉謝惠連雪

賦曰火井滅溫泉冰雨歇雲門者蜀都賦曰指渠口以
為雲門按劉李諸君注稱渠口雲門如雲之出門惟取

其名猶雲來則雨至也此以蜀都賦有雲門故以雲門
指蜀巴蜀皆華陽所統蜀未平時尚屬武陵王紀裔之

所鎮是其接界下文從尉遲迴長
驅入蜀此二語疑即為下張本也
其年授大都督加散

騎常侍

周書本傳云加授撫軍將軍大都督通直散騎
常侍二年轉鎮宋熙郡今于山碑文從漢中徑

至蜀郡故不序

柱國蜀國公

尉遲迴也周書列傳云尉
遲迴字薄居羅代人也孝

其轉鎮宋熙也

閔踐祚進位柱國大將軍又
迴有平蜀之功封蜀國公

開金牛之道通牧馬之關

謂尉遲迴伐蜀也尉遲迴傳云梁元帝弟武陵王紀在

蜀稱帝率眾東下將攻之梁元帝大懼乃移書請救又

請伐蜀太祖曰蜀可圖矣取蜀制勝在茲一舉乃與羣

公會議惟迴以為紀既盡銳東下蜀必空虛王師臨之

必有征無戰太祖深以為然於是令迴伐蜀以魏廢帝

二年春自散關由固道出白馬趨晉壽開平林舊道前

軍臨劔閣紀安州刺史樂廣以州降梁州刺史楊乾時

鎮潼州又降六月迴至潼州大饗將士引之而西遂平

蜀括地志曰梁州褒城縣北五十里褒谷昔秦敬伐蜀路無由乃刻石為牛五頭置金於後僞言此牛能屭金以遺蜀蜀侯貪信之乃令五丁共引牛墮山埋谷致之成都秦遂尋道伐之號曰石牛道圖經百牢故基在今興元西縣兩壁山相對六十里不斷漢江流其間乃入金牛益昌路也華陽國志曰會無有天馬河馬日行千里後死於蜀葬江原小亭今天馬冢是也縣有天馬祠初民家牧馬山下或產駿駒云天馬子也今其天馬遲厥迹存馬

公卷甲北塞懸車束馬遂得策預葭萌勳叅綿竹

周書本傳云尋率所部兵從尉遲迴伐蜀與叱羅協破叛兵趙雄傑於槐林平鄧肱於梓潼漢書地理志曰廣漢郡有葭明縣綿竹縣師古曰明音萌後漢書作葭萌華陽國志曰蜀王別封弟葭萌於漢中號直侯命其邑曰葭萌馬地道記曰綿竹有紫巖山綿水之所出也梓潼亦漢之廣漢郡縣名也

封龍門縣開

國子蒲州刺史仍領新州

本傳以功賜爵云云尋行新城郡事隋志冀州河東郡龍

門縣梁州新城郡梁末置新州

尋授使持節車騎大將軍儀同三司大

中正

本傳云魏恭帝元年授大中正傳作散騎常侍本郡中正

隆周授圖天保大定

謂孝閔踐阼也詩云天保定爾

以公才望仍為舊臣遂乃義深追遠恩

隆繼絕即改封瑯邪縣公

喬曾祖楚之太武初封瑯邪王至父悅遭難失國今復封

喬瑯邪郡公故云追遠繼絕

邑五百戶仍遷驃騎大將軍開府儀同

三司都督巴州諸軍事巴州刺史武成二年

明帝即位之四年也

被勅赴援信州魚復道阻屢却岑彭荆門水急幾沈吳

漢

信州梁置在巴東後周置總管統魚復諸縣注見下文漢書地理志巴郡有魚復縣古庸國左傳文十三

年庸人逐楚師是也後漢書曰岑彭字君然南陽棘陽人也公孫述遣其將任滿等將數萬人乘枋葺擊破馮駿及田弘李玄等遂拔夷道夷陵據荆門虎牙橫江水起浮橋鬪樓立橫柱結營山上以拒漢兵彭數攻之不利華陽國志云巴楚相攻故置江關舊在赤甲城後移在江南岸對白帝城故基在今魚復縣又按捷為武陽有彭亡聚岑彭死處也征南惡彭亡之號為客刺死於此矣荆州記曰荆門上合下開有門形因為名東觀漢記曰延岑遣奇兵出吳漢後漢墮水緣馬尾得出吳漢字子顏南陽宛人也

公乃月峽先登

瞿塘直上

後漢郡國志巴郡有枳縣注云華陽國志有明月峽廣德嶼者是也鄾元水經注曰江東

水東逕廣溪峽乃三峽之首也峽中有瞿塘黃龕二灘晉宋間有淫預歌云灩預大如馬瞿塘不可下灩預大

如象瞿塘
不可上

天子以公操履忠勤儀刑亮直乃徵為大御

伯尋轉大御正邑一千一百戶

御正蓋古侍中之職也
本傳云保定二年入為

御伯中大夫增邑通前一千五百戶四年轉御正中大夫進爵為公傳云始封瑯邪伯至此乃進公位與碑文

為小異也樞機近侍出納絲言所謂多識舊章殿中無雙者

矣

漢書張安世傳曰職典樞機禮記曰王言如絲魏志曰王粲博物多識問無不對魏國既建拜侍中時舊

儀廢弛典造制度粲恒典之後漢書曰丁鴻字孝公拜侍中肅宗詔鴻與諸儒論定五經同異於白虎觀鴻論難最明時人語曰四年大軍東討公所領義眾先守枳

殿中無雙丁孝公

關授都督懷州諸軍事懷州刺史

本傳云大軍東討喬率義兵與少師楊樹

守枳關即授懷州刺史東道慰勞大使隋書地志云河
內郡王屋後周置懷州有王屋山齊子嶺有枳關河內

裔所起義處也偃師張幕河陽牧馬雖接戰於富平已連營於

官渡謂裔合軍討東魏也漢書地理志曰河南偃師尸鄉殷湯所都又河內郡有河陽縣又北地郡有富

平縣北地郡秦置雒陽西一千一百里郡國志滎陽有
鴻溝水文穎曰於滎陽下引河東南為鴻溝即官渡水

也時東魏都鄴西師東討是其連營接戰之所也五年詔追還拜始州刺史周書

太祖紀云魏廢帝三年改安州為始州更討信州賊山彰尋寶渝恃險周書

本傳作蠻酋向寶勝等據險自固峽路五尺絙約纒通懸水三門橋飛

濟渡言信州道路之險也隋書地理志曰巴東郡梁置

信州後周置總管府郡統魚復諸縣巴東有巫峽

荆州記曰巴東三峽巫峽長是也言峽路之險須縣度矣漢書西南夷傳曰秦時嘗破略通五尺道師古曰其處險阨故道繞廣五尺懸水三門即荆門是荆州記云荆門上合下開有門之形後漢岑彭入荆門長驅破江關即是既而風行草偃谷靜山空前後平十一城獲九處也

千餘口馬歸平樂金輸水衡

周書本傳云天和初信州蠻酋冉令賢等反連結二

千餘里裔隨上庸公陸騰討之裔自開州道入先遣使宣示禍福蠻酋冉三公等二十餘城皆來降附進次雙城蠻酋向寶勝等率其種落據險自固向天王之徒為其外援裔晝夜攻圍腹背受敵自春至秋五十餘戰寶勝糧仗俱竭力屈乃降又拔籠東城獲賊帥冉西黎向天王等出師再暮羣蠻率服拜信州刺史華嶠後漢書曰明帝至長安迎取飛廉并銅馬置上西門平樂觀漢書宣帝紀注云水衡與少府皆天子私藏也

天保

疑作天和

二年除信州刺史都督信州諸軍事朝發白帝暮

宿江陵氣振巴丘之兵威警建平之戍

信州注見上文白帝漢巴郡魚

復縣公孫述所謂白帝城也江陵漢屬南郡水經注曰自三峡七百里中兩岸連山略無闕處重巖疊嶂隱天蔽日自非停午夜分不見曦月至於夏水襄陵沿沂阻絕王命急宣有時朝發白帝暮到江陵其間千二百里雖乘奔馭風不以疾也吳志曰建安十九年權使魯肅以萬人屯巴丘以御關侯注云巴丘今曰巴陵干寶晉紀曰王濬治船於蜀吾彥取其流柁以呈孫皓曰晉必有攻吳之計宜增建平兵建平不下終不敢渡江皓弗從隋書地理志云巴東巫山
五年遷潼州刺史
隋書地理志云

金山郡西

益州柱國公

趙王招也周書文帝十三子傳云趙僭王招字豆盧突武成初

進封趙國公保定中拜為柱國出
為益州總管建德中進爵為王
降帝子之重鎮天井

之星延閣擬於叢臺岷山方於代郡

言趙國公出鎮益州則蜀郡之地擬

於趙國也楚辭曰帝子降兮北渚河圖括地象曰岷山之精上為井絡帝以會昌之神建福上為天井左思蜀

都賦曰結陽城之延閣漢書鄒陽曰夫全趙之時武力

鼎士衽服叢臺之下者一旦成市師古曰叢臺故趙王

之臺也在邯鄲山海經曰岷山江水出焉東北流注於

海郭璞注曰岷山在汝山郡廣陽縣西大江所出史記

趙世家曰趙襄子請代王使人以銅料擊殺代王遂興

兵平代以代封伯魯子周為代成君是代郡為趙地也

公仰稟雄謨叅謀遠略故得身預舞陽之工位極長平

之寵

言趙國公為益州總管裔為潼州刺史相助為理也史記曰樊噲以舍人起沛從至霸上封舞陽侯

元朔二年衛青再以車騎將軍取朔方河南功封
長平侯索隱曰舞陽屬潁川長平屬汝南皆縣名
六年

授使持節大將軍大都督西寧州諸軍事西寧州刺史

隋書地理志曰越巂郡後周置嚴州開皇六年改曰西
寧州周書武帝紀曰天和五年平越巂置西寧州按周

書及此是後周時
已有西寧州矣
方欲開沫若徼
牂牁見夜郎之侯習

昆彌之戰
漢書司馬相如傳曰故乃開沫若徼
牂牁華

桑欽水經曰若水出蜀郡旄牛徼外東南至故關為若
水也地理志曰牂牁武帝元鼎六年開牂牁郡有夜郎

縣應劭曰故夜郎侯邑牂牁臨牁江也華陽國志曰
楚頃襄王時遣莊踰伐夜郎軍至且蘭牁船於岸而步

戰既滅夜郎以且蘭牁船牁牁處即改其名為牁牁史
記曰西南夷君長以什數夜郎最大唐蒙為郎中將從

巴蜀箝關入邊見夜郎侯喻以威德約為置吏使其子
為今夜郎聽蒙約還報乃以為犍為郡漢書西域傳曰
烏孫國大昆彌治赤谷城昆莫王號也名獵驕靡後書
昆彌云此言習戰疑是昆明史記曰天子使求身毒國
歲餘皆閉昆明莫能通正義曰昆明在雋州西昆縣是
也黃圖曰天子遣使求身毒國而為昆明所閉天子欲
伐之乃作昆明池象之以習水戰是也而飛鷲墮水馬
按史記漢書漢卒破之以為郡縣矣

援去而無歸金馬騁光王褒行而不反

方欲至不反按言徵拜之後除

西寧州刺史未及而卒也後漢書馬援謂官屬曰方吾
在浪泊西里間虜未滅之時下潦上霧毒氣重蒸仰視
飛鷲跼跼墮水中臥念少游平生時語何可得也援征
武陵五溪病卒漢書王褒傳曰方士言益州有金馬碧
雞之寶可祭祀致也宣帝使褒往祀馬褒於道病亡上
閔惜之地理志云越雋郡青蛉縣禺同山有金馬碧雞

嗚呼哀哉七年正月十日薨

本傳六年徵拜大將軍除西寧州刺史未及之部卒

於京師

春秋六十有五詔贈使持節大將軍懷邵汾晉四

州諸軍事懷州刺史

傳同

夫人襄城公主魏獻帝之曾孫

趙穆王之季女

本傳云大統十五年拜妻元為襄城郡公主

王姬肅恭禴翟

典禮四教競

一作競

莊三星令淑

子夏詩序曰王姬下嫁於諸侯車服不繫其夫

下王后一等毛傳曰服則禴翟周禮鄭注云翟雉名江淮而南青質五色皆備成章曰搖翟翟搖者又周禮

云四教婦德婦功婦言婦容亦見詩傳國風綢繆之詩云三星在戶

有光隆慮之賢足表

平陽之盛

史記外戚傳曰王太后第三女為林慮公主索隱曰林慮縣名屬河內本名隆慮避瑒帝

諱改名林慮慮音廬又王太后長女號曰平陽公主正義曰括地志云平陽故城即晉州城西面今平陽故城

東面也城記云堯築也後漢皇后紀云皇女奴永平三年封平陽公主適大鴻臚馮順皇女迎三年封隆慮公

主適牟平 生則從夫以秩死則同穴以禮 禮婦人從夫 爵詩云死則

同 建德元年八月十二日合葬於武功三時原大夫墓

樹以柏諸侯墳高於雉 三時原時當作時在武功縣西南二十里隋文帝開皇二年三

月開渠引杜陽水於三時原是也白虎通曰諸侯墳樹以柏大夫樹以樂此云大夫樹柏矣徐爰射雉賦注云

青幽之間土高且 吁嗟滕公來居此里 博物志曰漢滕公薨求葬東都

門外公卿送葬駟馬不行踟地悲鳴跑蹄下地得石室有銘曰佳城鬱鬱三千年見白日吁嗟滕公居此室遂

莫馬勝公 夏侯嬰也 詔諡定公禮也 公資忠履孝蘊義懷仁直幹

千尋澄波萬頃

世說曰庾子嵩目和嶠森森如千丈松雖磊砢有節目施之大廈有棟梁之用

又曰郭林宗指黃叔度彌日信宿曰叔度汪汪如萬頃之波澄之不清擾之不濁具器深廣難測量也

逢

蒙射法力牧兵書

趙氏孟子注曰逢蒙羿之家衆也春秋傳曰羿將歸自田家衆殺之漢書

藝文志有逢門射法二篇師古曰即逢蒙又有力牧十五篇黃帝臣依託也

星辰高下之占

風雨逢迎之氣

漢書藝文志有常從日月星氣太一雜子雲兩諸書是也言用兵能占星氣知

吉凶 故得出師以律天幸將軍者也

周易師卦曰師出以律漢書曰霍去

病從大將軍為驃騎校尉敢 至如官曹案牘未嘗煩壅

深入軍亦有天幸未嘗困絕

戎馬交馳不妨餘裕足使四嶽彌峻三台更明

尚書孔傳曰四

嶽視公漢書天文志曰魁下六星兩兩而比者曰三能三能色齊君臣和蘇林曰能音台

在朝四十

一年身經一百餘戰凡任四郡歷八州未嘗以貨殖經

懷去如始至

貨殖見論語漢書因立貨殖傳左氏傳曰叔孫子所至必葺其牆屋去如始至

渭

南千畝之竹更懼盈滿洛陽二頃之田常思止足

漢書貨殖

傳曰蜀漢江陵千樹橘渭川千畝竹其人與萬戶侯等史記蘇秦曰使我有洛陽二頃田安能佩六國相印乎

身沒之日家無餘財素車白馬狹室崎嶇黃腸玄甲堦

庭仄陋有詔冬官為營寢室

本傳云裔性清約不事生產所得俸祿並散之親戚

身死之日家無餘財宅宇卑陋喪庭無所詔為起祠堂
馬漢書曰沛公至霸上秦王子嬰素車白馬應劭曰素
車白馬喪人之服後漢書曰張郃喪至壙將窆而柩不
肯進見有素車白馬號哭而來母曰此必范巨卿也庾
闡著狹室賦埤蒼曰崎嶇不平也廣雅曰踣傾側也西
征賦曰執崎嶇以低仰呂延濟曰崎嶇傾側貌漢書霍
光傳曰光薨賜使房黃腸題湊各一具又霍去病薨上
悼之發屬國玄甲軍陳自長安至茂陵周禮冬官考工

朱邑祭醑無所漢后是以賜金陳表妻子露立吳王為

之開館

漢書曰朱邑字仲卿廬江舒人也身為列卿居
處儉節祿賜以共九族鄉黨家無餘財神爵元

年卒天子閔惜下詔稱揚賜邑子黃金百金以奉其祭
祀吳志曰陳表字文興武庶子也年三十四卒家財盡
於養士之日妻子露
立太子登為起屋宅
嗚呼哀哉世子侃孝家忠國揚名

顯親

見孝經

是以勒此豐碑懼從陵谷植之松柏不忍凋

枯

周禮曰及窆執斧以泣匠師鄭注云匠師主豐碑之事詩曰高岸為谷深谷為陵晉書曰山濤居喪過禮

手植松柏

銘曰

欽若歷象平秩寅賓少梁奔華地入咸秦族夷興馬書

窮獲麟

言羲和之後遂以司馬命氏也尚書曰乃命羲和欽若昊天歷象日月星辰敬授人時又曰寅

賓出日平秩東作孔傳曰寅敬賓導秩序也東方之官敬導出日平均次序漢書曰司馬氏入少梁師古曰少

梁本梁國也為秦所滅族夷興馬者言重黎之後程國失官而為司馬氏也太史公曰自獲麟以來四百有餘

歲而諸侯相兼史記放絕今漢興海內一統于為太史而不論載廢天下之文于其懼馬玉鏡云始

金行乃構象浦通關龍沙開候

玉鏡云始金行乃構者謂西晉受命也尚書帝

命期曰桀失其玉鏡用其噬虎金行注見本序水經注

曰象水又兼象浦之名晉功臣表所謂金遼清遐象渚

澄源者也後漢書班超傳贊曰咫尺龍沙注云龍沙沙

漠也揚雄曰西北一候注云候亦官也言西晉幅頓廣

大也時西北開候劉淵起於離石

至其子劉聰亂晉遂有平陽之禍

五馬南浮三星東宿

言西晉之亂晉室南遷也上糝未詳晉書五行志曰愍帝建興五年

石言於平陽是時帝蒙塵亦在平陽故有非言之物而

言俄而帝為逆所殺國語曰周靈王二十二年殺洛鬪

將毀王宮王欲壅之太子晉諫曰不可王卒壅之晉書

五行志云大安中童謡曰五馬遊渡江一馬化為龍後

五王同至江東而瑯邪王睿嗣統是為元帝又天文志

曰永嘉六年熒惑歲星太白聚牛女之間後元帝中興

揚土 太傅作牧奄有江沱司徒避亂承制荆河 太傅謂裔曾祖楚之

為晉太傅揚州牧也詩云江有沱禹貢曰荆河惟豫州言楚之會劉裕作難歸魏為荊州刺史承制尋授司徒

也 南勞推轂猶思枕戈龍媒被野蒼兕凌波 言楚之事魏授安南

大將軍南拒宋師漢書馮唐對曰臣聞上古王者遣將也跪而推轂晉書劉琨傳曰吾枕戈待旦漢書天馬歌

曰天馬徠龍之媒史記齊世家曰師尚父左仗黃鉞右把白旄以誓曰蒼兕蒼兕總爾庶衆 莊侯季

年禍機相接誕公遺嗣崎嶇懷挾山竄趙武家藏李燮

謂裔遭父難少孤也裔父悅謚曰莊故稱莊侯禍機謂白阜生之亂也詳見序文序云遺腹蓋遺腹子也彌衡

鸚鵡賦曰崎嶇重阻呂延濟曰崎嶇傾側貌程嬰匿趙武於山中故云山竄王成藏李燮於酒家故云家藏俱

注見本序 伍員道阻燕丹路遙南奔楚塞北避秦橋左氏傳曰費無

極指伍奢於楚平王執之召其子伍尚歸楚皆殺之員

如吳博物志曰燕太子丹質於秦請歸秦王遣之為發

機之橋欲陷丹丹驅馳過之而橋不發南奔楚塞即伍

員事吳越春秋所謂昭關也北避秦橋即燕丹事秦王

發機之橋也丹北水流登隴寒風度遼有功都護則疑

歸燕故云北避

責重嫖姚三秦記隴頭歌有隴頭流水之句荆卿歌云

將軍應劭曰常度遼水往擊之故以度遼為官號後漢

書西域傳曰武帝時西域內屬有三十六國漢為置使

者校尉領之宣帝改曰都護漢書云都護自鄭吉始也

又云霍去病為嫖姚校尉言裔避難得出權為將校有

威望也 懷書上馬習禮從戎陣圖六甲兵占八風吳志曰

魯肅治

軍整頓禁令必行雖在軍陣手不釋卷後漢書曰祭遵為將軍取士皆用儒術對酒設樂必雅歌投壺又建為孔子立後奏置五經大夫雖軍旅不忘俎豆可謂好禮悅樂守死善道者也玄女三宮戰法曰行兵之道天地之寶九天九地各有裏表九天之上六甲子也九地之下六癸酉也子能順之萬全可保六甲謂六甲子也兵占八風者按左傳云南風不競多死聲杜預注曰歌者吹律以詠八風南風微故曰不競也

藏松寶

劍射柳瑀弓推誠賈復屈節廉公

藏松寶劍即干將莫邪子赤比事注見本

序史記曰楚有養由基者善射者也去柳葉百步而射之百發而百中後漢書曰賈復在汝南部將殺人於潁川寇恂捕得繫獄時尚草創軍營犯法率多相容恂乃戮之於市復以為恥曰見恂必手劍之帝徵恂恂至引見時復先在坐欲起相避帝曰天下未定兩虎安得私鬪今日朕分之於是並坐極歡遂共車同出結友而去

史記曰趙拜簡相如為上卿位在廉頗之上頗曰我有攻城野戰之功相如徒以口舌為勞而位居我上我見必厚辱之相如出望見廉頗輒引車避之舍人諫相如曰夫以秦王相如能廷叱之何畏廉將軍哉吾念疆秦不敢加兵於趙者蓋以吾兩人也今兩虎鬪必不俱全吾所以先公家之急而後私讎也按此二語當指益州柱國為總管喬為刺史位在其下又八翼頻飛六條亟從蜀國公亦居其下而能協和故云

秉勇此仁義行茲寬猛

晉書陶侃傳曰侃夢生八翼飛而上天見天門九重已登其八

惟一門不得入閤者以杖擊之因墜地折其左翼及寤左腋猶病及都督八州據上流握彊兵潛有窺窬之志每思折翼之祥自抑而止漢書曰刺史所察有六條察民疾苦冤失職者察墨綬長吏以上居官政狀察盜賊為民之害及大奸猾者察犯田律四時禁者察民有孝悌廉潔行修正茂才異等者察吏不簿入錢穀放散者

所察不得過此左氏傳曰猛以濟寬寬以濟猛

持印山開沈黎盜靜取甲無丘

均田不井

謂裔為澧州刺史有善政也持印未詳當是孟州地名與下沈黎同處漢書曰漢殺莽侯

以莽都為沈黎郡春秋成元年三月作丘甲杜注云周禮九夫為井四井為邑四邑為丘丘十六井出戎馬一匹牛三頭四丘為甸甸六十四井出長轂一乘戎馬四匹牛十二頭甲士三人步卒七十二人此甸所賦今魯使丘出之譏重斂故書此云取甲無丘均田不井謂薄賦斂也

懋功賜爵上將賞官軍

中受詔塞外登壇

言拜大將軍也按此當為授大將軍都督西寧州刺史之事下文言未及

而卒矣尚書曰德懋懋官功懋懋賞上將文昌中星名漢書衛青傳曰天子使使者持大將軍印即軍中拜青為大將軍後漢書竇憲傳曰詔使中郎將持節即五原塞拜憲大將軍

方屠參合更麋臯

蘭渝川毒水熨道灾氛地亡都尉灘悲使君史記韓王信傳曰柴

將軍屠參合斬韓王信蘇林曰代地也正義曰故城朔州定襄縣北水經注曰參合縣南魏因參合陁以即名也比俗謂之蒼鶴陁道出其中亦謂之參合口徑左縣之西北即燕書所謂太子寶自河還師參合三軍奔潰即是處也魏立縣以隸涼州郡也又云道人城北五十里有參合鄉故縣也漢書霍去病傳曰過馬支山千有餘里合短兵鏖卑蘭下師古曰山名也後漢書南蠻傳曰閬中有渝水其人多居水左右天性勁勇初為漢前鋒數陷陳俗喜歌舞高祖觀之曰武王伐紂之歌也命樂人習之所謂巴渝舞也郡國志閬中屬巴郡有渝水矣漢書地理志云犍為郡有焚道應劭曰故焚侯國也音蒲北反漢書武帝紀云太初三年匈奴入張掖酒泉殺都尉水經曰江水又東逕羊腸虎臂灘鄒元注云揚亮為益州至此舟覆懲其波瀾蜀人至今猶名之為

使君濰周書本傳云卒於京師此似在道卒也
言任西寧刺史方欲立功邊地不幸疾卒也
谷寒無

日山空足雲北風吹旄秋霖泣軍

淮南子曰日至於蒙谷是謂定昏說文云

雲者山川之氣旄丹旄銘旌也爾雅曰龜蛇曰旄漢書王莽傳曰遣太師王匡更始將軍廉丹祖東都門外天大雨沾衣上長老歎曰是謂泣軍今云悲其死也
遣奠雙設銘旌兩布沁水同

墳平陽合墓

遣奠謂天子遣奠也禮記曰銘明旌也以死者為不可別故以其旗識之後漢書曰

皇女至永平三年封沁水公主適高密侯鄧乾注云沁水隸屬河內乾鄧震之子禹之孫漢書曰衛青尚平陽主與主合葬雙設兩布言裔與夫人合葬也夫人為襄城公主若沁水之於鄧乾平陽之於衛青矣
嗣子攀號靡訴慟甚風枝悲深霜露
言世子侃居喪以禮也韓詩外傳曰
悲哀

樹欲定而風不靜子欲養而親不在禮記曰霜露既降君子履之必有悽愴之心

自此何世從

斯幾年麒麟欲鬪華表中燃

三輔黃圖曰秦始皇驪山墓上有石麒麟迹異記曰

秦漢間公卿墓則以石麒麟鎮之博物志曰麒麟鬪而日蝕于寶搜神記曰燕惠王墓上有狐狸已經千餘歲神變無比化為二書生持刺謁張華華引入談論三日不屈華甚疑之此必妖也乃掃榻延留留人防禦華曰千年之妖以千年神木照之即變世說燕惠王家有華表木已經千年發走為使往取其木空中有青衣童子曰老狸不智不聽我言今日禍已及我其可逃乎乃發聲而泣忽然不見使伐其木木流血使將木歸照之其精乃變華乃烹之華表中燃蓋引是事言地形樓起松從此千年墓上之石麒麟華表皆成神也

心蓋圓茫茫丘隴代代英賢

青烏子曰山有重疊望之如鼓吹樓墓之出連州二

千石抱樸子曰千
歲之松有如偃蓋

周柱國大將軍長孫

一作拓

儉神道碑

蓋聞放勳立而羲和昇重華登而元凱用

堯典曰若稽古帝堯曰放

勳又曰乃命羲和欽若昊天舜典曰舜曰重華左氏傳曰昔高陽氏有才子八人謂之八元高辛氏有才子八人謂之八愷此十六族也以至於堯堯不能舉舜臣堯舉八元八愷

思皇多士既成西伯

之功俊德克明乃定南巢之伐

大雅文王之詩云思皇多士生此王國王國克

明惟周之頑西伯文王也淮南子曰湯放桀於歷山與妹喜同舟浮江奔南巢之山而死括地志云廬州樂縣有巢湖即尚書成湯放桀於南巢者也

是知惟賢非后弗食惟后非賢弗

又若夫君臣一德啓心沃心見之昌寧文公矣

封昌寧郡公諱

曰文隋書地志同昌郡
怙夷縣西魏置昌寧郡

公諱儉初名慶明恒州高陸人

也周書列傳曰長孫儉河南洛陽人也本名慶明其先魏之枝族姓拓跋氏孝文遷洛改為長孫按傳以從

未遠之先本恒州高陸人也北嶽天孫之星燕河帝子

之國北史云魏之先出自黃帝子昌意之少子受封北

魏之支庶故序其先世云云北嶽天孫之星者此北嶽

嶽恒之北嶽也後漢書烏桓傳云使護死者神靈歸赤

山赤山在遼東西北數千里如中國人死者魂神歸岱

山也博物志曰泰山天帝孫也主召人魂東方萬物始

故知人生命按此是泰山有天孫之名又織女星亦名

天孫故云天孫之星謂遼東赤山若泰山天孫矣若序
恒州恒山得稱北嶽然無天孫之稱故知其非也云燕
河帝子之國者按燕本春秋燕國自慕容氏都
燕自後常為帝都言拓拔氏之先世居彼土也
故多奇

節甚茂華風

中國曰華謂其
有中華之風也

高闕圖南二王齊軫

史記
曰趙

武靈王築長城自代並陰山下至高闕為塞圖南見莊
子魏之先世本在塞北自後奄有南土如鷓鴣之圖南
矣二王謂沙莫雄什翼犍也北史魏本紀云魏平文皇
帝鬱律生二子長曰沙莫雄次曰什翼犍即魏道武皇
帝祖也後魏法七分其國以兄弟分統之沙莫雄號為
南部大人後改名仁號為拓拔氏生嵩太尉柱國大將
軍北平宣王道武以兄
宗室之長改為長孫氏
長城拔本十族分源
長城趙武
監王所築
括地志云在朔州善陽縣北左傳拔本塞源長城本以
備邊既入內地是為拔本也魏書官氏志云獻帝以兄

為純骨氏改胡氏次兄普氏改周氏次兄拓拔氏改長
孫氏弟達奚氏改奚氏次弟伊婁氏改伊氏次弟丘敦
氏改為丘氏又次弟侯氏改亥氏又命叔父之後乙旃
氏為叔孫氏疏屬車焜氏改車氏凡與帝室為十姓百
世不通婚

高祖太尉北平王

周書本傳五世祖
嵩魏太尉北平王

光輔五君允

釐百揆恒衛既從淮沂其乂

按嵩以魏道武登國元年
為南部大人至太武大延

三年正月薨年八十北史本傳云年十四代父統事昭
成歷仕昭成道武元明太武凡四君此言光輔五君者
左傳楚平王稱范會之德曰宜其光輔五君以為盟主
者也尚書曰允釐百工又云使宅百揆禹貢曰恒衛既
從淮沂其乂地理志曰恒水出常山衛水出靈祖豹北
壽淮出桐柏沂出泰山師古曰淮出大復山也祖豹北
本傳云祖酌

龍驤將軍恒州刺史常山刺舉非無取代

恒州刺史

之符龍驤總戎或似平吳

一作戎

之號

地理志代郡有常山關按恒州本漢

常山郡張宴曰恒山在西避文帝諱故改曰常山漢書曰刺舉無所避史記趙簡子告諸子曰吾藏寶符於常山上先得者賞毋郵曰從常山臨代代可取也晉書職官志曰龍驤等大將軍開府者位從公不開府非持節都督者品秩第二魏文帝黃初三年始制都督諸軍事或領刺史又王濬傳云加龍驤將軍以伐吳上語言為恒州刺史下語言

父馘年止弱冠榮終解印

北史傳云父馘員外

散騎常侍郎早卒

公以五常蘊智六氣資德乘天則策馬秉靈

降神則牽狼應象

史記天官書曰漢中四星曰天駟旁四星曰王良王良策馬車騎滿野正

義曰策一星在王良前主天子僕也占以動搖移易在王良前或居馬後則為策馬策馬而兵動也牽狼二星

名爾雅曰何鼓謂之牽牛史記正義曰何鼓三星在牽牛北主軍鼓蓋天子三將軍所以備關梁而拒難也天官書曰天矢東有大星曰狼下有四星曰弧直狼正義曰以伐叛懷遠也言儉名將誕生上應列宿也直

心於物水火恬然無負於天雷霆不懼富貴自取豈資

唐舉之言聲名有聞無勞李膺之識

史記曰蔡澤遊學於諸侯小大甚衆

不過而從唐舉相曰富貴吾所自有吾所不知者壽也願聞之後漢書李膺傳曰時朝廷日亂紀綱廢弛膺獨持風裁以聲名自高有被其容接者名為登龍門年十八解褐員外散騎侍郎

尋授輕車將軍羽林監

本傳云孝昌中起家員外散騎侍郎從爾朱天光破隴石太

祖文皇帝駕馭天網苞羅英傑選公才德光佐中書諸

葛亮之西歸玉壘成三分之業管夷吾之入仕葵丘有

一匡之功

周書本傳云太祖臨夏州以儉為錄事深器敬之賀拔岳被害太祖赴平涼凡有經綸謀

策儉皆參預北史作周文臨夏州以儉為錄事參軍事餘同蜀志曰諸葛亮字孔明瑯琊陽都人輔先主都蜀

先主即位帝策亮為丞相三分魏蜀吳也玉壘山名華陽國志曰七國時杜宇稱帝於蜀號望帝其相開明決

玉壘山以除水害是也史記曰管仲夷吾者潁上人也任政於齊齊桓公以霸九合諸侯一匡天下管仲之謀

也左傳僖九年曰夏會諸侯於葵丘尋盟且脩好禮也秋齊桓盟諸侯於葵丘天水黠羌漁陽

羣盜乃遷秦州長史本傳云從平侯莫陳防城大都督

封信都縣開國伯隋書地志曰信都郡三年滑州蟻聚

長樂縣舊曰信都郡

保障沈命靡旗亂轍乘冰渡河

漢書光武紀按北史滑

州當作

丞相大行臺授假節撫軍

丞相大行臺謂周太祖也周太祖討平侯

莫陳悅進位關西大都督略陽縣公承制封拜

行滑

北史

作渭州刺史

北史本傳云渭州刺史可朱渾元奔東魏後

儉將十餘騎冒難赴之復隨機安撫羌胡悅服按渭州刺史乃李弼令儉權鎮非朝廷所授故云行渭州刺史

大統元年授持節西夏州刺史加散騎常侍郅支抱馬

如聞耿秉之戰單于願識似畏王商之威

北史本傳云轉夏州刺史

甚得人和時西夏州仍未內附而東魏遣許和為刺史儉以信義招之和乃歸附即以儉為西夏州刺史魏地

形志西夏州寄治并州界領太安神武二郡後漢書曰
耿秉竇固合兵萬四千騎出白山擊車師車師有後王
前王秉議先赴後王以為并力根本則前王自服乃上
馬引兵北入縱兵抄掠斬首數千級收牛馬十餘萬頭
後王安得惶恐走出門脫帽抱馬足降其前王亦歸遂
定車師而還漢書曰王商代匡衡為丞相天子甚尊任
之為人多質有威重長八尺餘身體鴻大容貌甚過絕
人河平四年單于來朝引見白虎殿丞相商坐未央庭
中單于前拜謁商商起離席與言單于仰視商貌大畏
之遷延却退天子聞而歎曰此真漢相也言儉至夏州
使許和歸附若車師之降
耿秉單于之畏王商也

五年遷使持節鎮東將軍都

督東北三夏諸軍事西夏州刺史增邑千戶改伯為公

周書本傳云以儉為西夏州刺史總統三夏按三夏西
夏州注見上文隋書地志云朔方郡後魏置夏州延安

郡後魏置東夏州

既而江漢遼遠車書寂莫

謂荆襄初附也注見下文

蜀主

的顛未出檀溪之水秦王飛雉猶向南陽之城

世語曰劉備屯

樊城劉表禮馬惲其為人不甚信用曾請備宴會欲因會取備備覺之偽如廁潛逃出所乘馬名的顛走墮襄陽檀溪水中溺不得出備急曰的顛今日厄矣可努力的顛乃一踴三丈遂得過乘桴渡河中流而追者至以表意謝之曰何去之速乎隋書地理志云襄陽郡義清縣有檀溪水襄水干寶搜神記曰秦穆公時陳倉人掘地得物若羊非羊若猪非猪牽以獻穆公道過二童子曰此名為媪常在地食死人腦若欲殺之以拍挿其首媪曰彼二童子名為陳寶得雄者王得雌者霸陳倉人舍媪逐二童子童子化為雄飛入平林陳倉人告穆公穆公發徒大獵果得其雌又化為石置之汧渭之間至文公時為立祠陳寶其雄者飛至南陽今南陽雒縣是

其地也秦欲表其符故以名縣每陳倉祠時有赤光長
十餘丈從雒縣來入陳倉祠中有聲殷殷如雄雉其後
光武起於南陽六年以公為使持節都督三荆二襄南雍平信

江隨郢浙十二州諸軍事荊州刺史東南道行臺僕射

周書本傳云時荆襄初附太祖表儉功績尤美宜委東
南之任授荊州刺史東南道行臺僕射北史曰獨孤信
都督三荊州獨孤畧定北荊州後周置兵於此以備齊
隋書地理志北荊州後周曰和州東荊州後改曰淮州
荊州為鄧州襄陽郡江左並僑置雍州西魏改曰襄州
置總管府春陵郡湖陽後魏置南襄州蔡陽後魏置南
雍州南郡當陽縣後魏置平州巴東郡梁置信州九江
郡舊置江州漢東郡西魏曰隨州江夏郡舊置郢州又
竟陵郡亦舊郢州浙陽郡西魏置浙州凡十二州也漢
書百官表曰僕射秦官古者重武官有主射以督謀之

應幼曰僕主也射音夜

楚城鄰境實有讓田吳人對營無妨贈藥

儉為荊州刺史與梁接界言其能使二國邊境相安也讓田讓疑上聲讀如左傳遠章讓黃之讓責也吳越春秋曰楚之邊境卑梁其處女與吳之處女桑於境戲而傷卑梁之處女卑梁人操其傷子以讓吳人吳人應之不恭怒殺而去之吳人往報之盡屠其家吳楚由是大格又讓如字劉向新序曰梁大夫有宋就者嘗為邊縣令與楚鄰界邊亭皆種瓜各有數梁之邊亭人勸力數灌其瓜瓜美楚人竄而稀灌其瓜瓜惡楚令因以梁之美瓜怒其亭之惡也心惡梁亭之賢因往夜竊搔梁亭之瓜皆有死焦者矣梁亭亦欲竊往報搔楚亭之瓜以請宋就就曰惡是何可構怨禍之道也乃每暮夜灌楚亭之瓜瓜日以美楚亭怪而察之則乃梁亭也楚令大悅以聞楚王王聞之怒然愧以意自閔也乃謝以重幣而請交於梁王梁楚之歡由宋就晉書曰羊祜與陸抗

相對使命交通抗稱祜之德難量雖樂毅諸葛孔明不能過也抗嘗病祜饋之藥抗服之無疑心人多諫抗抗曰羊祜豈醜人者時談以華元子反復見於今日按上語讓從上聲則文有開闔言楚城鄰境雖實有責讓之言乎然吳人對營不妨有贈饋之事也若部內屬城為如字則文偏於一皆言二國邊亭輯睦也

人所訟公遂集文武肉袒自罰

本傳云所部鄭縣令泉璨為民所訟推治獲實

儉即大集僚屬而謂之曰此刺史教誨不明信不被物是我之愆非泉璨之罪遂於廳事前肉袒自罰捨璨不問於是屬城肅勵莫敢犯法兄弟不讓延壽責躬吏民有過翁歸引

咎

漢書曰韓延壽字長公燕人也入守左馮翊行縣至高陵民有昆弟相與訟田延壽大傷之曰幸得備位

為郡表率不能宣明教化至令民有骨肉爭訟咎在馮翊當先退是日移病不聽事閉閣思過一縣莫知所為

令丞畚夫鄉老皆自繫待罪於是訟者宗族傳相責讓此兩昆弟深自悔皆自髡肉袒願以田相移終死不敢復爭延壽起聽事郡中不敢犯又曰尹翁歸字子兄河東平陽人也拜東海太守入守右扶風選用廉平疾姦吏以為右職接待以禮好惡與同之其負翁歸罰亦必行天子異之璽書勞問贈賄

加幣王人接踵

本傳云魏文帝璽書勞之

大丞相書云此之美事耳

目之所未經歎賞無極故遣專使

周書本傳云太祖又與儉書曰近行路傳

公以部內縣令有罪遂自杖三十用肅羣下吾昔聞王臣蹇蹇匪躬之故蓋謂憂公忘私知無不為而已未有如公刻身罰己以訓羣僚者也聞之嘉歎公善於撫馭長於接引山藪無棄

苞苴不行示人赤心與人顏色盜不敢發民不忍欺

北史

本傳云儉清正率下兼懷仁恕有竊盜者原情得實悔而放之荆蠻舊俗少不敬長儉殷勤訓導風俗大革務廣耕桑兼習武事故邊境無虞人安其業王逸臨豫州教云舉遺逸於山藪禮記曰苞苴葷苟問人者鄭注云苞苴裹魚肉者也或以葷或以茅廣絕交論曰苞苴所入實行張霍之家後漢書光武紀曰蕭王推赤心置人腹中安得不投死乎漢書曰韓延壽為東郡太守民不忍欺

至是將校者老於州城

之南起清德之樓勒賢臣之頌

本傳云吏民表請為儉構清德樓樹碑刻頌朝

議許之漢書曰王褒為聖主賢臣頌

杜鎮南之作牧當世樹碑竄車騎之

臨戎生年刻石方之今日彼獨何人

鎮南即征南杜預也襄陽記曰杜元

凱好為身後名常自言百年後必高岸為谷深谷為陵作二碑叙其平吳勲一沈萬山下一沈峴山下謂叅佐

曰何知後代不在山頭乎後漢書竇憲傳曰南單于請兵北伐乃拜憲車騎將軍與北單于戰於稽落山大破之遂登燕然山去塞三千餘里刻石勒功紀漢威德令班固作銘云於時戶口日增荒萊

畢墾華實紛敷黔黎茂豫但恐哀職有闕待公而補鼎

飪未和須公而正是以漢陰民望荆南杞梓並皆上書

詣闕連名乞留

北史本傳云吏人又以儉秩滿恐有代至詣闕乞留儉朝廷嘉而許之在州遂

歷七載詩曰衮職有闕惟仲山甫補之左氏傳曰民之望也又云杞梓皮革自楚往也按儉治荊州漢陰荆南皆其所屬河內之借寇恂更慙謁帝交州之請士燮還著上

表

後漢書曰寇恂拜河內太守恂從至潁川盜賊悉降而竟不拜郡百姓遮道曰願從陛下借寇君一年乃

留恂吳志曰士燮字威彥蒼梧人也漢時燮為綏南中郎將董督七郡領交趾太守孫權遣步騭為交州刺史燮率兄弟奉承節度九年授車騎大將軍儀同三司按

權加燮為大將軍史云在州遂歷七載周書云在州遂歷二載乞留之文北史較詳當是大統六年授荊州刺史歷二載九年徵召吏民乞留在荊州授此車騎儀同之職也自六年至下十二年共歷七載而除行臺尚書矣故上文寇恂句為乞留也士燮句十二年除大行臺尚書仍為大丞相謂加大將軍也

司馬以公識度嚴明志節清儉遂改公名儉字慶明丞相

司馬疑是誤文當作仍為大司馬丞相以公識度嚴明丞相指周太祖為魏丞相也周書本傳云徵收大行臺尚書兼相府司馬嘗與羣公侍坐於太祖及退太祖謂左右曰此人間雅孤每與語嘗肅然畏敬恐有所失他

日太祖謂儉曰名實理須相稱尚書既志安貧素可改名儉以彰雅操知丞相謂周太祖司馬謂儉傳寫之錯也

非闕書月詎待看碑幸得千畝不同二山無廢

言改名也

會稽先賢傳曰闕澤年十三夢見名字炳然在月中魏志曰鄧艾至潁川讀陳寔碑文言文為世範行為士則艾遂自改名為範字士則後族有與同者故改焉左傳桓二年曰晉穆侯之夫人姜氏以條之役生太子命之曰仇其弟以千畝之戰生命之曰成師杜預曰桓叔也西河界休縣南有地名千畝又桓六年傳曰先君獻武廢二山杜預曰二山具教也魯獻十三年加開府餘官公名具武公名教更以其鄉名山

如故十四年除尚書右僕射加侍中進驃騎大將軍居

上星執法在文昌之位以公才望兼而有之

星經曰執法四星在

太陽首西北主刑獄之人又為刑政之官助宣王命
內常侍官也又云文昌與三公攝提軒轅共為一體十

五年更除東南道行臺僕射都督十五州諸軍事行荆

州事

周書本傳云除行臺僕射荆州刺史時梁嶽陽王
蕭登內附初遣使入朝至荆州儉於廳事列軍儀

具戎服與使人以賓主禮相見儉容貌魁偉音聲如鐘
大為鮮卑語遣人傳譯以問客客惶恐不敢仰視日晚
儉乃著裙襦紗帽引客宴於別齋因序梁國喪亂朝廷
招攜之意發言可觀使人大悅出曰吾所不能測也

十六年大丞相總十六軍剋清河洛公又中分麾下叅

謀帷幄高選霸僚公為長史

大丞相周太祖也周書本
紀云魏大統十六年七月

太祖率諸軍東伐所謂剋清河洛是也後漢書鄧禹傳
曰乃拜為前將軍持節中分麾下精兵二萬人遣西入

開令自選偏裨以下可與俱者
漢書高帝曰運籌帷幄之中

其年加都督南道三十

六州諸軍事餘官如故南陽文學更遇王基章華袞衣

還迎郭賀

謂儉受知於周太祖也魏志曰王基字伯與東萊曲城人也又王修傳曰修年二十遊學

南陽止張奉舍又曰初修識高柔於弱冠異王基於幼童終皆遠至世稱其知人南陽文學蓋王修也言周太祖之知儉猶王修之識基也後漢書曰郭賀拜荊州刺史明帝巡狩到南陽特見嗟嘆賜以三公之服黼黻旒冕勅去帷露冕使百姓見此衣服以彰其德章華楚地謂荊州也為下文江陵張本時周祖雖未受禪其承制封拜有並尊之勢故以明

昔日伐蜀之謀張儀與秦昭

計合平吳之利羊祜與晉武意同

言周太祖欲圖江陵儉與意合也史記曰

秦昭王將伐蜀張儀勸伐之遂西舉巴蜀晉書曰武帝
密有滅吳之計朝議多違惟羊祜杜預張華與帝意合

太祖始定成都即有江陵之志

謂今尉遲迥伐蜀平武
陵王紀遂欲伐江陵謀

梁元
帝也

公密獻其策懸符深旨糧運久積梯衝立備一戰

而舉鄆郢再戰而燒夷陵遂得席卷三荆此又公之勲

也

周書本傳云梁元帝嗣位於江陵外敦鄰睦內懷異
計儉密啓太祖陳攻取之謀於是徵儉入朝問其經

界儉對曰今江陵既在江北去我不遠相東即位已涉
三年觀其形勢不欲東下骨肉相殘民厭其毒荆州軍
實器械儲積已久若大軍西討必無匱乏之慮且兼弱
攻昧武之善經國家既有蜀土若更平江漢撫而安之
收其貢賦以供軍國天下不足定也太祖深然之乃謂
儉曰如公之言吾取之晚矣令儉還州密為之備尋令

于謹總戎衆伐江陵平史記毛遂曰一戰而舉鄢郢再戰而燒夷陵頃襄二十一年秦將白起拔郢燒夷陵

詔賞奴婢三百口太祖與公書云由公立計果如所謀

令公作鎮江陵以安蜀地

周書本傳云江陵平以儉元謀故賞奴婢三百口太祖與

儉書曰本圖江陵由公畫計今果如所言智者見未萌何其妙也但吳民離散事藉招懷南服重鎮非公莫可

遂令鎮後魏二年改武川昌寧郡開國公歷陽居民非江陵

惟景丹之封曲逆戶口豈但陳平之國

武川屬恒州儉為恒州高陸人

武川是其故鄉也隋書地志云文城郡有昌寧後漢書曰景丹字孫卿馮翊櫟陽人也建武二年定封丹櫟陽侯帝謂丹曰今關東故王國雖數縣不過櫟陽萬戶邑夫富貴不歸故鄉如衣錦夜行故以封卿耳丹頓首謝

漢書陳平傳曰高帝南過曲逆上其城望室屋甚大曰壯哉縣吾行天下獨見維陽與是耳顧問御史曲逆戶口幾何對曰始秦始皇三萬餘戶間兵數起多亡匿今見五十餘戶於是詔御史更封平為曲逆侯盡食之言儉之衣錦如

其年授大將軍

本傳遷大將軍

太和之中曹真於府

內受冊元封之末衛青於軍中即拜公之此比綽有餘

榮

魏志曰曹真字子丹太祖族子也太和二年蜀大將諸葛亮寇邊吏民叛應亮遣大將軍曹真都督關右

太和魏明帝年號也漢書衛青傳曰元朔五年天子使使者持大將軍印即軍中拜青為大將軍此言元封按武帝紀元封五年大將軍青薨是元封中青尚在也

詔曰吳人未復須助謀謨今

使梁王兵馬受公節度

詔文已見上注周書梁王譽傳云江陵平太祖立譽為梁王居

江陵資以江陵一州之地太祖置江陵防主統兵居於西城名曰助防外亦助營備禦內實防營即此鎮也本傳云移鎮荊州

總管五十二州

三年加都督東南道五十二州諸軍事

增邑萬戶維周革命光宅欽明作貳天官允諧邦治元

年授小冢宰

維周革命謂周受魏禪孝閔踐阼也元年閔帝元年也北史本傳云周閔帝初趙貴

等將圖晉公護儉長子僧衍預其謀坐死護乃徵儉拜為小冢宰周易曰湯武革命光宅及欽命俱見尚書周禮天官太宰之職云掌建邦之六典以佐王治邦保定二年

武帝即位之二年也

治蒲州

刺史檢校六防諸軍事四年治襄州仍授柱國大將軍

餘官如故秩登四岳階平六府

尚書帝曰咨四岳孔安國曰掌四岳之諸侯故

稱馬六府水火金木土穀古文
尚書文也左傳杜注稱逸書

豈不功重昭陽名高蔡

賜史記楚世家云陳軫見昭陽曰願聞楚國之法破軍
殺將者何以貴之昭陽曰其官為上柱國封上爵執

珪漢書陳勝傳曰以上蔡
人房君蔡賜為上柱國 控馭五十州風行數千里拔

園葵而去織婦無三惑而絕四知
漢書董仲舒賢良策曰公儀子相魯之其

家見織帛怒而出其妻入於室而茹葵慍而拔其葵曰
吾已食祿而奪園夫女紅利乎後漢書曰楊秉嘗從容

言曰我有三不惑酒色財又曰王密夜遺楊震金曰暮

夜無知者震曰天知地知子知我知誰謂無知此云四

知是一室之中未免虛白日膳之資三杯而已
莊子曰虛室生

白崔云白者日光所照也淮南子曰是故虛室生白吉

祥止也高誘曰虛心也室身也白道也能虛其心以生

於道道性無斷吉祥來止舍也漢書曰朱博為人廉儉食不重味案上不過三脩

千段粟麥二千斛

北史本傳云朝議以儉操行清白勲績隆重乃下詔褒之兼賜雜絲粟麥

以彰其美天和元年陝州刺史都督八州二十防諸軍事解

荊州總管餘悉如故路出王官城臨河曲

言陝州也王官地名史記

曰秦繆公三十六年使孟明將兵伐晉取王官又曰繆

公自將伐晉戰於河曲服虔曰河曲晉地杜預曰河曲

在蒲坂南正義曰河曲在華陰縣界儉臨陝州是其地也成清陝右高視崇陰

公羊傳曰

自陝以西名公主之故云陝右詩序曰甘棠美召伯也

部領宴繁晦明為疾

左傳醫和

曰晦淫惑疾明淫心疾

天和四年謝病故京薨於私第春秋七十

有八

本傳云三年以疾還京為夏州總管薨

鑿蹕降臨軒懸徹樂九旒龍

旆之錫三河騎士之送

言武帝親臨祭帛減膳徹樂也古者大臣死人君為之不舉左

氏傳曰錫鑿和鈴漢儀注曰皇帝輦動左右侍惟幄者稱警出殿則傳蹕止人清道也周禮曰大臣死凡國之大憂令弛縣又云正樂縣之位王宮縣諸侯軒縣卿大夫判縣士特縣辨其聲注樂縣謂鐘磬之屬縣於荀虞者鄭司農云宮縣四面縣軒縣去其一面判縣又去其一而特縣又去其一面四面象宮室四面有牆故謂之宮縣軒縣三面其形曲故春秋傳曰請曲縣繁纓以朝諸侯禮也康成謂軒縣去南面辟王也子山以周帝徹樂猶尚軒縣矣後漢書曰東平王蒼薨詔賜鑿輅乘馬龍旂九旒虎賁百人奉送王行又清河王慶薨賜龍旂九旒儀比東海恭王注云旂有九旒天子制也漢書曰高祖委發關中兵收三河士韋昭曰河東河南河內也

欽定四庫全書

庚子山集

一百四

霍光傳云
發三河卒

詔贈太保涼夏靈銀長原河鄯甘瓜十州諸

軍事涼州刺史

隋書武威郡舊涼州後周置總管府夏州注見上靈州郡後魏靈州雕陰郡儒

林縣後周銀州朔方郡長澤縣後魏長州平涼郡舊置原州抱罕郡舊河州西平郡舊鄯州張掖郡西魏甘州

嫩煌郡舊瓜州

諡曰文公狀貌丘墟風神磊落玉山秀立喬松

直上煙霞之涯際莫尋江海之波瀾不測少遭荼苦在

山服終攀柏樹枯侵松獸死

詩云誰謂荼苦晉書曰王裒痛父非命廬於墓側旦

夕嘗至墓所拜跪攀柏悲號淚著樹樹為之枯又曰許政植松於親墓側有鹿犯其松政嘆曰鹿獨不念我乎

忽有猛獸殺鹿於所犯松下

盡忠事國竭力從政其門如市其心若

水漢書鄭崇傳上責崇曰君門如市人何以奇策密謀

百僚仰止忠貞亮直明王敬焉

周太祖所謂此人閒雅孤每與語嘗肅然畏敬

恐有所失者至如風后陰陽之占力牧星辰之度魏公

也注見上文

子之兵書李將軍之射法莫不成誦在心取為時用

后風

力牧黃帝臣漢書藝文志有風后十三篇力牧十五篇魏公子二十一篇圖十卷名無忌有傳李將軍射法三

篇師古曰居常服翫或以布被松牀

後漢書曰王良為大司徒司直在位

李廣也恭儉妻子不食官舍布被瓦器時司徒史鮑恢以事到東海過候其家而良妻布裙曳柴從田間歸恢告曰我司徒史也故來受書欲見夫人妻曰妾是也苦掾無書恢乃下拜嘆息而還

盤案之間不過

桑杯石鼎

謝承後漢書曰高弘以桑杯盛漿言其儉也

遺令山陵一無所用

公私贈襚並不得受止依太祖陵側無忘事君墩等兄

弟並至性善居喪號慕墳塋奉遵遺訓

本傳云遺啓世宗請葬於太祖

陵側并以官所賜之宅還官詔皆從之

是以衛青之塚仍陪漢武之陵管

仲之墳即接齊桓之墓

顏師古漢書注曰衛青塚在茂陵東次霍去病之西相並者是

也三輔黃圖曰武帝葬茂陵在長安城西北八十里括地志曰齊桓公墓在臨淄縣南二十里牛山上一名牛

首塢一所三墳又云管仲塚在青州臨淄縣南二十里牛山之阿是管仲桓公之墓接也

天和六年

天子以四海未寧三方鼎峙有懷將帥之志言念封疆

之臣

史記樂書曰君子聽鼓鞀之聲則思將帥之臣又曰君子聽磬聲則思封疆之臣

既畫雲

臺乃題麟閣

後漢書曰永平中顯宗追感前功臣乃圖畫二十八將於南宮雲臺漢書曰宣帝思

股肱之美乃圖霍光等十一人於麒麟閣

更贈公為鄱

北史

國公邑五千戶

追崇列辟事極神蒐再改銘旌恩隆封墓

鄭司農曰銘書死者名於

旌今謂之樞

公在民留愛身後見思吉日良辰郊祀野祭

楚辭

曰吉日兮良辰襄陽記曰諸葛亮初亡百姓巷祭戎彘野祠

儀同趙超等六百九十

七人表求立廟陳請象魏有詔許焉

本傳云荊州人儀同趙超等六百九

十七人詣闕請為儉立廟樹碑詔許之建德元年詔曰故柱國鄱國公儉臨終審正爰吐德音以所居之宅本

因上賜制度宏麗非諸子所居請以還官更遷他所昔
叔敖辭沃壤之地蕭何就窮僻之鄉以古方今無慙曩
哲而有司未達大體遽以其第即便給外今還其妻子
俾清風遠播無替幸脩周禮太宰正月之吉賚治象之
法於象魏使萬民觀治象左傳哀三年云命藏象魏又
莊二十一年曰鄭伯享王於闕西辟杜預曰闕象魏也

桂棟杏梁綠墀青瑣

謂賜宅之宏麗也楚辭九歌曰桂棟兮蘭橈三輔黃圖曰靈波殿以

桂為柱閔居賦曰飾文杏以為梁漢書曰王根驕奢僭上赤墀青瑣後漢書曰梁冀大起第宅牕牖皆有綺疎青瑣注云青瑣謂刻為瑣文而以青飾之也按歌會舞鳳蓋霓裳南浦送而

行雲東風飄而零雨

張衡西京賦曰張鳳蓋楚辭曰青雲衣兮白霓裳又曰送美人兮南

浦又曰東風飄兮神靈雨是知漢陽郡前非徒武侯之廟臨淄城下

豈獨樂公之社

蜀志曰諸葛亮諡忠武侯景耀六年春詔為亮立廟於沔陽魏鎮西將軍征蜀

至漢川祭亮之廟令軍士不得於墓所左右芻牧樵採漢書曰樂布為燕相燕齊之間皆為立社號曰樂公社按臨淄齊地地理志

曰臨淄師尚父所封

嗚呼哀哉乃為銘曰

道鍾屯剝世屬雲雷地軸左轉天關北開

周易上經有屯卦剝卦象

曰雲雷屯博物志曰地有三千六百軸荆州星占曰北辰一名天關言世衰道微天迴地轉赤縣神州之地轉為陰山瀚海之鄉而

容車周室繫馬秦臺乃齊七政爰

答三才

言魏氏始懷問鼎終膺當璧也史記秦武王三年王謂甘茂曰寡人欲容車通三川以窺周室

而寡人死不朽矣三齊記曰般城南有蒲臺高八十尺秦始皇所頓處在臺下繫蒲繫馬今蒲猶繫者郡國志

平原般縣是也尚書曰璿璣玉衡以齊七政鄭康成曰七政日月五星也易繫辭曰兼三才而兩之三才天地

人烈祖變諧九龔梁棟取才逢獵求賢入夢烈祖謂沙莫雄也變

諧言沙莫雄變理弼諧之功也九龔未詳疑作九龍龔又疑公訛似謂北魏十族長孫居其一自餘為九於魏

室為棟梁之材也史記曰西伯將出獵卜之曰所獲非龍非鸞非虎非雉所獲霸王之輔於是周西伯獵果遇

太公於渭之陽與語大悅載與俱歸立為師殷本紀曰武丁夜夢得聖人名曰說乃使百工營求之野得說於

傅巖中是時說為胥靡築於傅巖見於武丁與之語果聖人舉以為相殷國大治遂以傅巖為姓號曰傅說

匡贊官雲謀猷紀鳳律定公族珪分職貢言沙莫雄當魏之初興遂

得設官分職賜姓裂土也左氏傳曰黃帝氏以雲紀故為雲師而雲名少皞摯之立也鳳鳥適至故紀於鳥為

鳥師而鳥名潛夫論曰古者吹律定姓左氏傳曰官有世功則有公族言賜姓長孫如古吹律木魏支屬故云公族也珪分職貢者言魏七分其國沙莫雄為南部大人也又嵩為北平王珪分如周禮桓珪信珪躬珪之屬職貢如禹貢納稊納粟納米之類是也

乃惟嗣德實秉英靈身圖斗宿面

繞樞星

謂儉之誕生上感星宿也帝王世記曰禹胸有玉斗史記正義曰黃帝母曰附寶之祁野見大

電繞北斗樞星感而懷孕二十四月而生黃帝於壽丘

青衿敬業童子離經信陵

虛左干木分庭

毛萇曰青衿青領也學子之所服禮記曰十年視離經辨志史記曰魏公子無

忌封信陵君為人仁而下士士無賢不肖皆請而禮交之致食客三千人從車騎虛左自迎夷門生又云魏文侯客段干木過其閭未嘗不軾莊子曰分庭抗禮言儉為周太祖所敬也

忠孝純深樞機周

密孔光不言曹叅勿失

言周太祖赴平涼時儉得叅機密也漢書曰孔光與兄弟妻子

燕語終不及朝省政事又曰惠帝時曹叅代蕭何為相國一遵何之約束百姓歌之曰蕭何為法較若畫一曹

叅代之守而勿失哉 溫席扇枕承顏悅膝凍浦魚驚寒

其清靜民以寧一

林筭出言其孝也本序少遭茶苦在山服終是儉有孝行矣干寶搜神記曰羅威字德仁八歲喪父事

母性至孝母年七十天大寒常以身自溫席而後授其處又後漢書曰黃香九歲失母獨養其父躬執勤苦夏則扇枕席冬則以身溫被干寶搜神記曰楚僚早失母事後母至孝母患癰瘡形容日悴僚自徐徐吮之血出迨夜即得安寢乃夢一小兒語母曰若得鯉魚食之其病即差可以延壽不然不久死矣母覺而告僚時十二月冰凍僚乃仰天嘆泣脫衣上冰臥之有一童子決僚臥處冰忽自開一雙鯉魚躍出僚將歸奉其母病即愈

壽至一百三十三歲蓋至孝感天神昭應如此此與肅
王祥王延事同寒林笋出孟宗事注見齊王碑銘

肅風政沉沉器局直似貞筠溫如瑞玉

禮記曰如竹箭之有筠也詩云

溫其如玉清不置水明非舉燭馬願如羊金須似粟

言儉在荆州有

清德故以清德名樓也後漢書曰龐參為漢陽太守郡
人任棠置水一盂太守曰水者欲吾清也韓子曰鄭人
有遺燕相國書謂持燭者曰舉燭而誤書舉燭非書意
也燕相受書曰舉燭言舉高明者而任之以治國也使
馬如羊不以入廐使金如粟不以入懷

上將克昇元戎

既序夏陽三捷夷陵一舉

晉書天文志曰文昌六星一曰上將大將軍建威武詩云

元戎十乘以先啓行左氏傳曰晉伐虢滅下陽詩云一
月三捷楚世家曰秦拔郢燒夷陵言為鎮東將軍遂獲

夏州督南道諸軍遂憑軾下齊凌江入楚鼎反歷室鐘

平荆州皆其勲也
歸大呂言儉下齊則清河洛入楚則平江陵也左氏傳曰憑軾而觀之潘岳詩云凌江而翔戰國策曰

樂毅報遺燕惠王書曰大呂陳於元英故鼎反乎歷室

高誘曰燕噲亂齊殺噲得鼎今反歸燕故鼎史記索隱

曰大呂齊鐘名六卿咸事天官是司二南作伯棠陰實治謂儉拜小

冢宰尋為陝州刺史也周禮六卿天官冢宰清風有頌

之職二南周南召南甘棠美名伯也治平聲

綠竹聞詩贈行之冊超然帝師詩曰吉甫作頌穆如清風又衛風云綠竹猗猗

毛傳曰綠王芻也竹篇竹也釋文綠竹並如字爾雅作

箒音同韓詩竹作藹音徒沃反云藹篇筑也芻郭璞云

今呼白脚莎一云鹿蓐也按綠竹本二物惟陸璣云綠

竹一草名其莖葉似竹青綠色高數尺今淇澳傍生此

人謂此為綠竹毛詩正義云此說非也詩有終朝采綠則綠與竹別草故傳依爾雅以為王芻與篇竹異也

昔侍蘭苑今陪杏林死生契闊無違一心

謂宅宇宏麗臨終之日請

以還官是其死生無違也蘭苑杏林謂木蘭為柱文杏為梁也詩云死生契闊與子成說風雲積慘

山陣連陰陵田野寂松逕寒深夏嬰之隴喬玄之墓馬

見千年車迴三步

史記曰汝陰侯夏侯嬰沛人也與高祖相愛封滕公卒謚文侯索隱曰姚

氏云三輔故事曰滕文公墓在飲馬橋東大道南俗謂之馬冢博物志曰公卿送葬至東都門外馬不行踏地悲鳴得石柳有銘曰佳城鬱鬱三千年見白日吁嗟滕公居此室乃葬之馬後漢書曰喬玄字公祖梁國睢陽人也初曹操徵時人莫知者嘗往候玄玄見而異焉謂曰今天下將亂安生民者其在君乎操常感其知己及

後經過玄墓輒悽愴致祭莫自為其文曰故太尉喬公懿德高軌汎愛博容國令明訓士思令謨幽靈潛翳愍哉緬矣採以幼年逮升堂室特以頑質見納君子增榮益觀皆由獎勗猶仲尼稱不如顏淵李生厚歎賈復士死知已懷此無忘又承從容約誓之言徂沒之後路有經由不以斗酒隻雞過相沃醑車過三步腹痛勿怨雖臨時戲笑之言非至親之篤好何肯為此辭哉懷舊惟顧念之悽愴奉命東征屯次鄉里北望貴土乃心陵墓裁致薄奠公其享之魏志曰建安七年曹公軍譙遂致浚儀遣使以太牢祀喬玄進軍官渡也言儉與周太祖相善猶夏嬰之於漢高橋玄之於魏武也

左無長樂前非武庫直望高碑增

悲行路

史記曰樽里子卒葬於渭南章臺之東曰後百歲是當有天子之宮夾我墓至漢興長樂宮在

其東未央宮在其西武庫正直其墓



庾子山集卷十三